


WANT



NIUSPEPA BILONG YUMI OL PAPUA NIUGINI STREET! 27 YIA NAU

36 pes

Namba 1,264

Wik i stat long Fonde Septemba 17, 1998


50t

INSAIT

- Kot bilong Regina Gibolo bai go het - pes 2



- Haiveta tok Skate bai soim hait pepa long wol beng - pes 3



- 4 pes Lae Nius, stat long pes 11

NEKS WIK: Lukim 4 pes spesel ripot long toktok bilong nupela VAT takis, Skate gavman laik kamapim, na bai salensim yu olsem wanem.



1998 Hiri Moale stail...

• Therese Emmanuel bilong Boera viles klostu long Mosbisi i soim tru stail bilong danis bilong Motu - Koitabu. Theresa em i wanpela meri hust i resis long Mis Hanenamo kontes webai ol jas bai lukluk long ol yangpela meri bilong tude i save long pasin tumbuna bilong ol na tu ol i save mining tru bilong Hiri tred bilong bipo. Poto: Ivan Bayagau.

Sevim mani na redi long taim nogut

...PM Skate tok lukaut olsem long hevi bilong mani

YAKAM KELO i raitim

PRAIM Minista Bill Skate i askim ol manmeri bilong Papua Niugini long redim ol yet long ol hevi bilong mani we inap kamap. Mista Skate i mekim dispela toktok pastaim long em i lusim kantri long Tunde dispela wick na i go long Amerika long bung wantaim Wol Beng na Intanesenel Monetori Fan (IMF). Em i laik toktok na kisim narapele K120 milien dinau mani bilong sapotim kantri long hevi bilong mani nau PNG i bungim.

Dispela toktok bilong Praim Minista i sut long ol manmeri bilong PNG i mas yusim gut mani na noken tromoi nabaut long ol kainkain samting. Em i askim ol manmeri bilong PNG long i noken askim Gavman long apim mani bilong ol i go antap o ol i no ken askim long kisim ekstra mani i kam long Gavman.

Em i tok olgeta manmeri i mas sanap wantaim nau long dispela taim nogut bilong mani na sevim



• Praim Minista Bill Skate.

dispela kantri long dispela taim nogut bilong hevi.

Praim Minista i mekim dispela salens toktok long bikpela de bilong kantri we PNG i bungim 23 independens de bilong en long dispela wick.

Dispela toktok bilong Praim Minista i kamap bihain tasol long Oposisen lida Bernard i bin

mekim wankain singaut long Ogas 3, 1998 long ol manmeri bilong PNG i mas yusim gut mani na noken westim nabaut long ol samting nabaut olsem bia, baim ol bikpela samting olsem ka, baim kompensesen o baim meri, bai televisen na arapela moa.

Mista Narokobi i bin tok ol prais bilong samting long stua long K1, nau em K3 bikos strong bilong Kina (K) i pundaun pinis egensis mani bilong Australia na Amerika.

Mista Narokobi wantaim Pangu Pati lida Chris Haiveta i bin askim Praim Minista Bill Skate long tokaut long ol manmeri bilong Papua Niugini long hevi bilong mani na bisnis insait long kantri i sanap long wanem mak o level nau.

Lida bilong Pangu Pati Chris Haiveta husat i bin Fainens Minista long olpela Gavman bipo i tok asua bilong dispela Skate Nali Gavman i stap long pasin bilong tromoi mani long ol wok na eria we ino stap long baset.

I go moa long pes 3

CAMBRIDGE CUP

LEAGUE NEWS
CHAMPIONS
OF
CHAMPIONS-BEST!

LEAGUE
AT ITS
BEST!

LEAGUE NEWS
NO.1
COMPETITION
IS BACK!



PLIS RIPOT

Finshafen, Morobe:

Plis i bilip olsem ol i gat sampela save nau long rot we sampela lain i wok long haitim na kisim ol strongpela samting bilong pait i go long Hailans rion.

Dispela i bihain long ol i holim pasim na sasim wanpela man Westen Hailans long Finshafen insait long Morobe provins long asua bilong gat wantaim em ol olpela Wol Wo 2 bom na han grenet.

Plis i no tokaut long nem bilong man tasol em bai kamap long ai bilong kot long ansaim sas bilong em.

Plis Fil Komanda Inspeksa Simon Yipam i tok plis i bin holim pasim man ya long Finshafen na kisim em i go daun long Lae.

Inspeksa Yipam i tok bihainim dispela, plis i bilip olsem ol i gat sampela save nau long pasin we sampela lain i wok long hait na kisim ol gan na ol arapela pawaful samting bilong pait i go long Hailans rion.

Em bin tok ol plis i mekim ol wok painimaut nau long kisim ol dispela pipel husat i painim ol bom na salim ol gen.

Wanpela wokman long Finshafen distrik opis i tok tru, ol asples pipel i save putim ol ripo ti go long ol atiori taim ol i painim ol olpela Wol Wo tu bom, han grenet na ol arapela samting moa na bihain opis i save putim tok save i go long ol saveman bilong Difens long long pairapim ol.

Plis i bilip olsem ol pipel long Hailans i gat save long wanem hap tru ol olpela bom i stap long en long Finshafen eria na ol i wok long go na kisim. Na karim hait i go long Hailans. Plis i wok long putim strongpela was long nau long Buki, ples we ol pasindia i save kisim sip long i go na i kam long Finshafen long traum na painim ol bikhet lain husat i stap insait long dispela wok.

Mista Yipam i tok wankain samting i bin kamap we plis i bin painimaut ol lain husat i save hait na karim i go na i kam ol drags na smokbrus long Hailans i go long ol arapela provins long Momase rien.

Em i tok long dispela keis, sampela pipel i wok long haitim ol spakbrus, moa yet mariwana, namel long ol bek kumu kabis na kisim i go long ol nambis provins bilong salim o senism wantaim ol arapela samting.

Mosbi:

Wanpela kriminel husat i bin laik hensapim wanpela PMV draiva wantaim poroman bilong em long dispela wok long Mosbi i dai bihain long sampela pasindia na boskru i paitim em nogut tru.

Samting ya i bin kamap long Tu Mail Hil taim em i wok long ron long taun i kam olsem long Boroko.

Bos bilong ol plis long siti John Wakon i tok daiman ya i bilong Isten Hailans. Em na poro bilong em i bin laik hensapim PMV bas namel long 11 na 12 kilok long bikde las Fraide.

Mista Wakon i tok ol pasindia, draiva na boskru i belhat na ronim man nogut i go olsem long setelman, paitim em nogut na em bin dai.

WANTOK

All departments, Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place,
Gordons, at Allotment 2, Section 209, Spring Garden Road,
Hohola, for Word Publishing Co. Pty. Ltd.

Acting General Manager and
Group Editor in Chief:
Anna Solomon.

Advertising Manager:
Mike Kanin.

Editor of Wantok:
Leo Wafifa.

Papers distributed by air
throughout PNG.

Available by air mail
subscription within
Papua New Guinea
and overseas

Advertising deadlines, Display bookings: Tuesday midday. Camera ready copy: Wednesday midday.
Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

Kot bilong Regina Gibolo bai go yet

**RAYMOND PALANGAT i
raitim**

KOMITEL KOT long Waigani we ol i wok long harim kes bilong Regina Pera Gibolo, meri husat i stap long wanpela pamuk tep i tok olsem ol bai no nap rausim dispela kes.

Las wok long harim kes bilong Regina, Powes Parkop i tok olsem kot i no nap long sasim Regina bikos aninit long lo ol i ken sasim ol man tasol. Em i bin tok olsem kot tu i no bin gat rait long harim kes.


Megistret Allan Kopi i tok olsem kot bai no nap rausim dispela kes bikos em i gat rait long harim. Em i tok wok bilong komitel kot em long lukluk sapos i gat inap evidens na sapos i gat bai i surikim dispela kes i go long Nesenel Kot.

Kot i givim pinis K100 beil long Regina na tokim em olsem em bai samap ken long kot long Oktoba 14. Kot tu i tokim ol polis olsem ol i mas redi wantem ol evidens bilong ol.

Mista Kopi i tok olsem ol polis bihainim gut lo taim oli bin sasim Regina. Em i tok tu olsem dispela kes ol i ken harim long Mt Hagen we ol i bin fes sasim Regina. Mista Parkop i harim olsem na tok olsem Regina i pret long laip bilong em na em i laikim bai ol i harim kes bilong

Taim Megistret Kopi i harim em i tok olsem gavman bai mas baim tiket bilong i go long Goroka na tiket long kam bek.

Dairekta bilong polis prosikutas Thomas Eluh i bin tokaut



• Drieng bilong wanpela atis long pes bilong Regina Gibolo.

em long Mosbi.

Tasol em i tok olsem Regina i laik go na lukim ol femili bilong em long Goroka pastaim na bihain em bai kam bek long Mosbi long kot.

Taim Megistret Kopi i harim em i tok olsem gavman bai mas baim tiket bilong i go long Goroka na tiket long kam bek.

Loya bilong Regina, Mista Parkop i harim na toktok strong olsem dispela kes em i liklik na i ken pinis hariap. Em i tok olsem ol politiks i no ken traum bagarapim kes. Em i tok olsem dispela kes i luk olsem em i bikpela long wanem ol nius man i wok long toktok planti long en.

Regina i mas kam bek na stap taim kes i stat ken. Em i tok olsem dispela kes em i wanpela bikpela kes na i bin gat planti politiks insait long em.

As bilong sainim dispela pis agrimen pepa, ripot i tok, Sif Komanda Wenda i singautim olgeta politik lida, ol Wes Papua pipel na ol OPM paitman. Wantaim ol studen bilong yunivesiti insait na arasait long Wes Irian. Long noken traum kamapim sampela samting long kamapim hevi, bikos dispela bai i abrusim ol as tok is tap long dispela Lote Agrimen.

As bilong sainim dispela pis agrimen i bihainim laik bilong Rome Katolik hetman opis long lukim OPM i lusim pait insait long West Irian. Olsem dispela bai i larim OPM na Indonesia i wokabaut long pasin bilong belisi na kamapim tingting bilong paitman ol toktok long gutpela sindaun bilong Wes Papua pipel long bihain taim.

Komanda Mathias Wenda i

Famili bilong 22-pela soldia kisim pe

**VERONICA HATUTASI i
raitim**

PNG DIFENS Fos long dispela wok i bin peim K500,000 i go long famili bilong 22 soldia husat i bin dai long pait long Bogenvil.

Wan wan famili bilong dai soldia ya i bin kisim samting olsem K25,000.

Difens Minista Peter Waieng taim em i prisennim sekmani bin tok mani ya bai helpim peim skul na ol arapela samting bilong ol pikinini, meri na famili bilong ol dai soldia. Na em i askim ol famili long yusim gut mani long lukaautim ol pikinini na noken tromoi natting.

Minista Waieng i bin tok dispela mani em Difens Fos na gavman i peim long ol famili bilong ol dai soldia bihainim luksave long hatwok we ol dispela soldia i bin mekim long sevim kantri. Em i tok dispela em bikpela mak long mani we Difens Fos i peim i go long ol famili bilong ol dai soldia long Bogenvil.

Em bin tok Difens Fos i bin kamap wantaim dispela mani bihain long dipatmen (difens fos) bilong em i kamap wantaim sampela rot long sevim mani taim em i kamap olsem minista long dispela yia.

Em i tok dipatmen i peim pinis ol arapela soldia husat i bin dai long Bogenvil, tasol nau em i wok long lukluk long peim ol hai risk alauwens mani bilong ol dispela soldia husat i bin pait o wok long ailan.

OPM paitman wetim toktok i kam long Rom

OL ripot i kam long bikbus bilong Vanimo i tokaut olsem OPM Roman i stop pinis long givim oda bilong karima pait egensis Indoensia. Na i sindaun isi nau long wetim ol toktok i kam long Rom, long bihain taim bilong ol polip bilong Wes Papua.

Ripot i tok dispela nogat pait muv i bihainim tasol wanpela bung ol bikman bilong OPM i bin bungim ol go pas bilong Katolik long Lote Katolik Mlsin, Vanimo long 5 Mas long dispela

yia. We Sif Komanda bilong OPM Mathias Wenda i bin sainim wanpela Pis Agrimen o tokorait pepa long OPM bai i stopim olgeta pait bilong em egensis Indonesia gavman.

Bihainim dispela pis agrimen pepa, ripot i tok, Sif Komanda Wenda i singautim olgeta politik lida, ol Wes Papua pipel na ol OPM paitman. Wantaim ol studen bilong yunivesiti insait na arasait long Wes Irian. Long noken traum kamapim sampela samting long kamapim hevi,

bikos dispela bai i abrusim ol as tok is tap long dispela Lote Agrimen.

As bilong sainim dispela pis agrimen i bihainim laik bilong Rome Katolik hetman opis long lukim OPM i lusim pait insait long West Irian. Olsem dispela bai i larim OPM na Indonesia i wokabaut long pasin bilong belisi na kamapim tingting bilong paitman ol toktok long gutpela sindaun bilong Wes Papua pipel long bihain taim.

Komanda Mathias Wenda i

bin sainim dispela Pis Agrimen long ai bilong ol sios opisel long Vanimo bihain ol toktok i kam long Rom.

OPM Hedkota i ripot tu olsem bai i gat wanpela bung i kamap long nesenol levol, na olgeta Wes Papua lida i mas kamap long en. We olgeta i mas paitim ol toktok na stretim namel bilong ol yet, bikos inap nau i gat "bikpela bruk bruk" i stap namel long ol pipel yet, ol grup, ol Idia na politisen bilong Wes Papua na insait yet long OPM.

Ol wina long resis bilong raitim stori i kamaut

Ol wina long tok pisin resis em:

Ol bikpela man-meri

Essay: Bilong Wanem na pasin bilong rit na rati gutpela?

Wina: Toxey B Namok, Lutheran Seminary Ogelberg, PO Box 52, Mt Hagen

Sotpela Stori: Tupela meri paul long bikpela geim

Wina: Lipa Pawapen, PO Box 381, Wabag, EP

Radio pilai: Asua bilong husait na femili i bruk?

Wina: Joseph Kupei, PO Box 179, Banz, WHP

Hai Skul, Vokesenol/Code

Tumbuna Stori: Tupela Brata

Wina: Peter Katum, Passam Nesanol Hai Skul, PO Box 624, Wewak

Sotpela Stori: Pikinini bilong Sanguma rr.ari

Wina: Benson Langu, PO Box 500, Maprik ESP

Radio Pilai: Haus sik

Wina: Ben Matamor, PO Box 142, Banara Parish, Bogia, Madang Provins

Top Ap/Primary skul levol

Sotpela stori: Kipa, Welman bilong bus

Wina: Stanley Matthew, Keselok Upper Primary School, PO Box 138, Kavieng, NIF

Tumbuna stori: How na Kumul pisin i bin kamap?

Wina: Helen Kongil, PO Box 75, Ambunti, ESP

Radio pilai: Tewei man

Wina: Michaeline Joe, Tauba Primary School, PO Box 432, Kimbe, WNPB

ing long kamapim narapela kain resis olsem long yia i kam bihain:

I gat wanpela awot i stat tu, we Rio Rinto kampani i bai givim i go long ol lain i raitim gutpela stori tasol ol i no winim wanpela prais. Dispela ol lain i bai kisim K10 olsem wanpela luksave long wok bilong ol.

I gat sampele setifket i stap em bai mipela i givim i go long sampela ol raita. I gat tripela kala bai ol i yusim, Gold, Silver, Bronze.

Tok save tu olsem, resis i pas long Namba 8 dei long Septemba. Mipela bai i no inap long kisim moa ol stori. Nai i gat narapela resis olsem long yia bihain, olsem na yuken ritim dispela niuspela long toksave long yu, wanem taim bai dispela resis i kamap.

Ol oganaisa i gat ting-

Baing egensim K10,000 independens mani

PRAIM Minista Bill Skate i givim K10,000 independens mani long olgeta memba bilong nesenel palamen long dispela wok.

Praim Minista i brukim dispela mani long olgeta memba bilong palamen long kisim i go ronim independens de long ilektoret bilong ol wanwan.

Tasol memba bilong Makam Andrew Baing na rijnol memba bilong Galf Chris Haiveta i tok dispela K10,000 i no wapelua nupela mani. Dispela em mani ol i makim pinis insait long Distrik Grent bilong olgeta memba.

Mista Baing i tok em i painim hat tru long yusim dispela K10,000 long wok bilong independens bikos dispela mani i stap pinis long baset bilong Distrik Grent bilong em. Olsem na dispela i no wapelua nupela mani we em i ken yusim long dispela wok.

Mista Baing i tok Distrik Plening na Praioriti Komiti (DPPC) i bin brukim baset bilong ol pinis long ol wok na projek we mani i kam bai i go long en. Wanwan memba bilong palamen i gat nem long kisim K300,000 wapelua yia na ol i wokim baset pinis antap long dispela K300,000. Sampela mani em planti memba i kisim pinis na sampela hap bilong dispela distrik mani i no go yet.

Long dispela as, memba bilong Makam i tok em i no inap yusim dispela K10,000 bikos nogut em i kirap nogut olsem baset bilong em i sot long K10,000 na dispela mani em Gavman i kisim pinis na givim ol.

Mista Haiveta tu i tok em i no inap yusim dispela mani long independens amamas de long ilektoret bilong em bikos dispela em mani we i stap pinis long baset bilong distrik. Na em bai brukim lo sapos em i kisim dispela mani na yusim long nupela wok we dispela mani i pas pinis long wok na i stap.

Planti memba i kisim dispela mani bilong ol na tekow pinis long wanwan ilektoret bilong ol long amamasin independens de wantaim ol pipel bilong ol.

Sevim mani na redi long taim nogut

i kam long pes 1

Em i tok hevi bilong mani bilong kantri i no stap long wapelua man. Tasol dispela hevi i kamap long ol wok man eria we i kaikai mani. Em i kolim ol hap olsem K36 milien bilong skul fi sabsidi, apim pe bilong ol nesenel dokta na nesenel tisa bilong ol yunivesiti, K7 milien kontrak pe bilong ekonomik edvaisea bilong Gavman Himaran Rad, pe bilong ol top publik sevans husat Gavman i rausim na senisim ol long wok bilong ol na hevi bilong ol bagarap olsem bikpela san na ais, Aitape bagarap na arapela moa.

Mista Haiveta i askim Praim Minista long i noken sutim tok long wapelua man long ol hevi we kantri i bungim nau bikos dispela Gavman yet i bin tromoi na yusim ol mani ausait long baset.

Insait long ron bilong Praim Minista i go long Amerika long bung wantaim Wol Beng na IMF, bai em i malolo liklik long Australia long bung wantaim Australia Gavman na ol bikman bilong Quantas balus kampani. Dispela bung em bilong traum salim hap sea bilong Air Niugini balus kampani i go long Quantas long tekova. Dispela em wapelua laikim bilong Wol Beng we PNG Gavman i mas mekim long salim sampela samting bilong Air Niugini balus kampani.

Haiveta tok Skate karim hait pepa i go long soim Wol Beng

YAKAM KELO i raitim

LIDA bilong Pangu Pati na namba tu lida bilong Oposisen Chris Haiveta i tok Gavman i mekim hait pasin long kamapim ol poin bilong toktok na karim i go long bungim Wol Beng na IMF long kisim dinau mani.

Mista Haiveta i tok ol poin bilong toktok long mekim wantaim Wol Beng na IMF i mas kam long bung bilong Nesenel Ekseyutiv Kaunsel (NEC) pastaim. NEC i mas bungim tingting na pasim ol dispela toktok pastaim orait Gavman i ken karmaut.

Praim Minista Bill Skate wantaim tim bilong em i lusim kantri long Tunde dispela wok na i go long Amerika long bungim Wol Beng na IMF long toktok wantaim ol long kisim K120 milien dinau mani bilong helpim kantri long hevi mani kantri i bungim nau.

Tasol Mista Haiveta i tok dispela em i olsem raskel pasin bikos NEC i mas

oraitim na pasim toktok pastaim long dispela. Na Praim Minista i noken haitim ol toktok tasol na karim i go long laik bilong en.

Mista Haiveta husat em wapelua save man long wok bilong fainens na i bin Fainens Minista bipo long olpela Gavman bilong Sir Julius Chan i bin mekim wankain samting long bipo we em i bin go toktok wantaim Wol Beng long kisim dinau mani i kam long kantri.

Em i tok dispela Gavman bilong Bill Skate i no bin stretim tu ol program bilong en we mani bai i kam na go long ol (rikarent program).

Em i tok long tingting bilong en, Wol Beng na IMF i no inap wanbel long givim dispela dinau mani long Praim Minista Bill Skate. Tasol sapos Mista Skate i mekim sampela kain promis we i ken bagarapim sampela projek o sevis bilong kantri, ating bai Wol Beng na IMF i ken givim em dispela dinau mani.

Deputi Oposisen lida i tok dispela Gavman i bin bagarapim tu mani bilong ol disasta olsem long Aitape, bagarap bilong

bikpela san na ais long kantri, mani bilong ol provins na ekonomi bilong kantri.

Long toktok bilong K7 milien we Gavman i bin baim i go long Hamidian Rad long wok wantaim Gavman long sait bilong mani na bisnis bilong kantri, Mista Haiveta i tok taim em i bin Fainens Minista bilong kantri, em i bin yusim dispela man fri. Em i no bin baim Mista Hamidian Rad long wapelua mani long kisim helpim bilong en wok bilong mani na ekonomi bilong kantri. Sapos dispela Gavman i bihainim wankain pasin em i bin mekim bipo, kantri i no inap long baim em. Tasol Mista Haiveta i tok em i nogat kros o bel nogut long Mista Hamidian Rad long kam wok wantaim Gavman long hevi bilong mani na ekonomi we kantri i stap long en tude. Bikos em i save Mista Hamidian Rad em wapelua save man bilong dispela wok. Dispela man Hamidian Rad i bin wok wantaim Wol Beng bipo na i save givim edvaise long PNG long sait bilong mani na wok bisnis o ekonomi bilong kantri.

Rijinol memba bilong Galf i tok dispela Gavman i no bin train long lukim ol hevi

Oposisen givim tingting long nupela Bogenvil gavman

VERONICA HATUTASI i raitim

OPOSISEN i bin tokaut long ol tingting bilong em long Bogenvil las wok long palamen tasol plua i no paitim toktok long dispela samting.

Lida na memba bilong Wewak Bernard Narokobi i tok plen we pati bilong em Oposisen i gat em ol i lukim olsem i ken strongim moa gutpela sindaun we i wok long kamap nau long Bogenvil.

Long wapelua pepa we Mista Narokobi i bin ritim aut long palamen, Oposisen i givim ol dispela tingting we Bogenvil i ken bihainim long painim ansa long politikel futja bilong em.

Wapelua em long kamapim nupela gavman bilong Bogenvil we bai i go pas long ol wok bilong pinisim hev, kamapim gutpela sindaun na bihain taim bilong ailan na pipel.

Aninit long dispela plen, Bogenvil Rijino memba John Momis bai kamap olsem gavana bilong Bogenvil na narapeal tripela nesenel memba bai i kamap olsem memba.

Nau Primia, Gerard Sinato bai i stap olsem deputi gavana na ol i makim ol arapela BTG na BRA i go insait long komiti wantaim tu ol siefs we i makim Kaunsil ov Siefs lain. Membasip bai i kam tu long ol meri, sios, resistens, na tripela Bogenvil lain husat i stap aut long ailan.

Narapela rot long bihainim em long BTG i senisim mama lo bilong em na larim Mista Momis i kamap olsem primia, nau primia olsem deputi na skruim taim bilong BTG olsem gavman i laikim.

Oposisen i no laik bai gavman i skruim taim bilong BTG i go moa long taim bilong em i ekspasia long Disemba 31, 1998.

Gavman i laik karamapim hevi wantaim dinau mani, Oposisen i tok

GAVMAN i bin kisim K74 milien j kam long Australia Gavman long karamapim hevi bilong mani we Gavman yet i bin kamapim, Oposisen lida Bernard Narokobi i tokaut long Tunde dispela wok.

Lida bilong Oposisen Mista Narokobi i tok Gavman bilong Bill Skate i bin westim mani bilong kantri long wapelua ekonomik edvaisea Hamidian Rad wantaim K7 milien, putim K8 milien i go antap long pe bilong ol publik sevans, baim K36 milien i go long ol skul fi sabsidi, plen long baim wapelua helikopta bilong plis fos na arapela moa.

Nau kantri i sot long mani, Gavman i go long kisim K74 milien long Australia we dispela mani i bilong neks yia aninit long Aid grant, Mista Narokobi i tok.

Dispela i soim olsem dispela Gavman i nogat klia polisi long wanem hap em bai putim mani i go long en i no bihainim baset plen bilong Gavman long dispela yia. Olsem na kantri i gat bikpela hevi we mani i sot nau.

Em i askim ol manmeri bilong PNG long was gut na noken westim mani bilong ol nabaut long ol kainkain samting bikos prais bilong ol kainkain na ol samting bai i go antap moa.

Lida i tok nau Praim Minista i laik go askim Wol Beng na IMF long givim sampela dinau mani tasol ol hevi bilong Gavman bilong em i stap na em i ting Wol Beng i no inap long harim tok na givim dispela K120,000 dinau mani.

Mista Narokobi i kolim ol hevi bilong Gavman olsem; pasin bilong rausim na senisim ol politisen na top publik sevans woka klostu klostu long wok na posisen bilong ol, paul toktok bilong Mujo Sefa video tep, Kens Konsevetri ripot, baim ol wanwan memba long fomim Gavman wantaim mani, na ol arapela paul pasin na hevi we dispela Gavman i gat long en. Mista Narokobi i tok olsem na em i ting Wol Beng na IMF bai givim dispela dinau mani long PNG.

Lida i tok tu olsem ol politisen bai putim han i go insait yet long PNGBC eng na ol arapela komesel bisnis bilong Gavman long kisim mani yet, maski olpela presiden bilong politikel pati bilong Bill Skate Peter O'Neill i risain long pati presiden bilong PNG Fes Pati.

Mista Narokobi i tok dispela Gavman i paulim na westim tru planti mani bilong kantri na planti bikpela projek bilong stretim olsem long Lae Siti rot, Wewak drenes projek na planti arapela projek insait long ol provins.

Em i tok dispela em wapelua kain Gavman we planti samting i go krangki olgeta.

TORO PUTIM TRADISINOL KLOS BILONG OL MANIS NA GO LONG HIRI MOALE FESTIVOL LONG ELABIS...



OL MERI PAPUA I MEKIM DANIS BILONG HIRI MOALE



TASOL TORO I MEKIM DANIS BILONG MANUS LONG BAK-SAIT BILONG OL...



OL MANI BELHAT NA RONIM TORO...



WANTOK
NIUSPEPA BILONG YUMI OL PAPUA NIUGINI STRET

Wol Beng mani bai sevim PNG

Sapos Praim Minista Bill Skate i kisim dispela dinau mani long Wol Beng na IMF, bai dispela mani i go long wanem projek o wok stret? Kantri nau i gat bikpela hevi long mani na dispela dinau mani bilong Wol Beng i ken go insait long Sentrel Beng long strongim veliu bilong mani (Kina) i go antap liklik.

Gavman i bin mekim olsem wanem K74 milien Aid mani bilong Australia long las mun we i apim strong bilong Kina i go antap liklik.

Tasol Oposisen i tok dispela mani bai i kam long Wol Beng bai i kam na lus nating bikos Gavman i nogat klia polisi we dispela mani bai i go long en.

Chris Haiveta husat i bin toktok bipo wantaim Wol Beng na IMF long kisim dinau mani olsem i kam i tok tu olsem nogut Praim Minista i promis long katim sampela projek na wok long mekim isi long Wol Beng i givim dispela US\$150 milien dinau. Klostu olsem K300 milien long PNG mani nau.

Oposisen i tok tu olsem Wol Beng bai i no inap givim dispela mani bikos long ol hevi bilong Gavman we em i save rausim na serisim ol top publik sevans na wokman tumas na tu hevi bilong mani long kantri we i pretim planti bisnis invesmen long i no kam insait long kantri.

Tasol tru long dispela taim, PNG i mas kisim dispela dinau mani i kam long Wol Beng bikos Gavman i sot long mani nau na hevi bilong mani long kantri bai tromoi bikpela hevi i go antap long ol manmeri gen we prais bilong ol kaikai na samting long stua bai i go antap moa.

WANTOK
NIUSPEPA BILONG OL PNG STRET

P. O. Box 1982, Boroko
Telepon namba: 325 2500
Feks namba: 325 2579

PE BILONG WANPELA YIA 52 NIUSPEPA

PLES	AIR
Arapela PNG eria	K52
Ostrelia na Nu Silan	K84 (US\$46)
Esia Pasifik na Japan	K99 (US\$55)
Amerika na Yurop	K172 (US\$95)

BIABIA BIABIA BAIM NUPELA
AIGLAS BILONG EM NA SO-OP
I STAP...



MERI BILONG EM I KIRAP NA
BIKMAUN LONG EM...

YU F*#% RACISM DISPELA
PIPIA AIGLAS NA LUKIM..
LAIT I ON YA!

APINUN NAU EM GO LONG HAUS
NA LUS TING TING LONG RACISM
AIGLAS... LAIT BILONG HAUS I ON
TASOL BIABIA I NO SAVE...



TARANGU KAULON YA I SEM
PIPIA STRET NA BRUKIM AIGLAS
BILONG EM..



VERONICA HATUTASI
i raitim

PLANTI pipel husat i bin stap insait long ol kea senta long Bogenvil i go pinis long ples, tasol liklik lain i stap yet inap ol i wokim pasin sekan wantaim ol lain we ol bin gat belhavi wantaim na ol bai go sindaun gut long ples.

Stat long 1992 taim ol BRA i bruk na sampela yangpela man i fomim resistens grup na sapotim ol wok long kamapim gutpela sindaun na ol sevis bek long Bogenvil, ol kea senta long ailan i stat long kamap.

Populesen o kandim bilong ol pipel long Bogenvil i stap samting olsem 150,000. Insait long hevi, kandim bilong ol pipel insait long 30-pela senta long bikailan na tu sampela insait long Buka

distrik i bin go antap abrusim 75,000. Ol kea senta long saut Bogenvil i bin winim ol arapela taim ol i kisim moa pipel long ol wantaim Buin kea senta i stap long top lista wantaim moa pipel long ol. Bihairim Buin eria, ol kea senta long Bana insait long Nagovis distrik, Siawai na Wakunai i bin gat planti pipel long ol.

Wanpela ripot i kam long Bogenvil edministresen opis long Buka i tok bikpela samting we ol atoriti i mekim nau em long helpim ol kea senta lain i sindaun bek long ples. Ripot i tok ol i helpim ol piple wantaim nil, hama na so long wokim ol haus.

Red Kros i karimaut wanpela program tu long helpim ol pipel long sindaun bek long ples wantaim ol risetelmen pekej long wanwan vilij.

Pekej ya i gat long en ol karamap ol samting long wokim

haus long en, yusim long wok gaden na ol samting long kuk na kaikai wantaim. Ripot i tok ol laik helpim ol pipel wantaim wok-abaut somil tasol mani long baim ol samting we i ken inap long planti lain em wanpela hevi.

Ripot i tok tu olsem bipo ol pipel i lusim ol kea senta, ol bin tokim ol olsem long dispela taim, ol mas go sindaun long bikpela vilij na i no olsem bipo we wan wan famili i bin save stap long en, lukautim ol gaden kakau na gaden.

"Mipela i strongim ol pipel long sindaun long bikpela vilij aninit long lukaut bilong ol sief. Na i no long ol liklik ples we wan wan famili i bin save stap long en, lukautim ol gaden kakau na gaden.

"Kain pasin long olgeta pipel i sindaun long ol bikpela vilij i gutpela bikos ol siefs i ken lukautim na stiaim gut pipel na yangpela bilong ol.

Stretim
helt sevis
long
Bogenvil

TAIM ol helt sevis long Bogenvil i wok long op bek gen, i gat nid long stretim ol samting na ol pipel i ken kisim gut ol sevis.

Asisten seketeri bilong helt sevis long Bogenvil Lawrence Dising i tok strong olsem em laik lukim moa wok long dispela sait na impruvim ol helt sevis we i op na operet nau long ailan.

Mista Dising i bin tok i gat nid long moa medikol saplai, moa helt woka long lukautim ol etpos na tu wok long stretim ol biling we i bagarap pinis.

Em bin tok wankain wok i mas kamap long long olgeta level bilong helt we i karamapim sab helt senta na ol distrik haus sik.

Mista Dising i bin autim ol dispela toktok insait long wanpela kibung we Bogenvil Afeas opis i bin singautim long lukluk, glasim na skelim ol eria we i nidim impruvmen insait long ol wok bilong stretim bek Bogenvil na bringim bek ol sevis long ailan.

Mista Dising i bin tok i gat nid long sanapim ol nupela etpos long ol eria we i gat planti manmeri na pikinini long en. Na putim ol man husat i gat trening long sevem ol pipel gut.

Em bin tok tu olsem bikos i nogat inap marasin long ol etpos, ol pipel i wok long pulap long ol helt senta wantaim ol sik we ol i ken kisim marasin long en long ol etpos.



• Kea senta lain long Tonu, Siawai insait long saut wes Bogenvil

Pais i lukluk long ol Bogenvil rot

MINISTA bilong weks insait long Bogenvil Joe Pais i tokaut olsem namba wan prairori bilong em nau em long stretim ol rot insait long provins we i kisim bikpela bagarap tru long taim bilong trabel.

Mista Pais long dispela wok i tokaut olsem bikpela wok tru i stap long stretim ol rot i stat long Bonus long Not Bogenvil i go olgeta long Buin long Saut Bogenvil.

Em i tok nau yet i hat tru long ol pipel long kam olsem long Buka bikos rot i bagarap na ol kar inap long ron long rot. Planti pipel nau i yusim solwara olsem wei bilong painim transpot.

Na em i tok olsem ol wok long ol dispela rot i stap aninit long wanpela program we helpim bai kam long Ausaid na Yuropien Yunien (European Union) husat bai givim moni inap long K6 milien bilong stretim ol wok long rot insait long ailan bilong Bogenvil.

Mista Pais i tok Aus aid bai helpim wantaim K3 milien long ol wok bai kamap long ol trank rot na yuropien Yunien bai givim wanpela K3 milien long mekim ol wok long ol fida rot.

Mista Pais i tok olsem divisen bilong em i pajim pigeta wok enapit long ol

seksten. Seksen wan i karamapim ol rot insait long Buka na Nissan ailan, seksten tu i karamapim ol rot insait long Not Bogenvil stat long Selau, Suir, Kunua na Tinputz. Seksen tri i karamapim ol rot long Sentral Bogenvil long Kieta, Wakunai, Panguna. Mabiri, Sipuru, Koromira na Arawa.

Seksen 4 (four) i karamapim ol rot insait long Buin, Kangu, Tokaino, Uisai na seksten 5 (five) i karamapim ol rot long Siawai, Nagovis na Torokina. Em i tok long olgeta wok long dispela ol rot em i laik ol lokel kontrakti i mas kisim join vensa wantaim ol kampani i gat nem long mekim ol rot.

Nau yet sampela wok insait long Buka tu istap pinis aninit long narapela program em Yuropien Yunien yet i fandim wantaim moni inap long K1.2 milien.

Mista Pais i tok narapela asua i kamap long las mun tasol taim-bikpela ren i kam na flad i bagarapim bris long Aita wara. Em dispela bris nau em wanpela kampani oli kolim long Is Kos konstruksi bai stretim. Gavman bai mitim kos bilong stretim dispela bris we inap long K6000 aninit long Publik Inviesmen program (PIP).

Noken stapim wok long Madang Bogia haiwe, Mollok tok

ASKIM i go nau long ol pipel bilong Bogia arere long nambis long wok bung wantaim kontrak kampani i putim kolta long Madang Bogia haiwe.

Dispela askim i kam long Palamen Memba bilong Bogia, Bernard Mollok, bihainim sampela ripot olsem ol pipel i laik askim long kompensesen mani. Em i tok ol pipel i noken askim long kainkain kompensesen mani. Bikos dispela bai stapim wok go het long haiwe.

AusAID, helpim grup bilong Ostrelia gavman i givim K7.8 milien bilong stretim dispela rot. Nogat wanpela mani long wok ya i kam long PNG o Madang gavman. "Na em i wanpela bikpela nesenel projek long Bogia distrik. Olsem na mipela mas welkamim helpim bilong Ostrelia gavman long noken krai long kainkain kompensesen mani. Bikos dispela i ken bagarapim askim bilong mipela long bihain taim.

Ol saveman i makim olsem long neks yia bai wok long haiwe i pinis. Na bai givim bikpela helpim long ol PMV, ka, trak na pipel i yusim haiwe long Bogia i go long Madang.

Ples lain lainim long gutpela famili

Fifty six (56) wokmanmeri husat i save wok long ol ples bilong ol insait long Arabaka eria long Ramu i bin stap insait long wanpela skul we ol i bin lainim ol pasin bilong lukautim na kamapim gutpela famili.

Ol lain bilong Helt wantaim UNICEF i bin ronim dispela skul we i bin ron inap tupela wik. Dispela skul i bin kamap long Kwanga Katolik misin stesin long Wara Ramu long pinis bilong mun Julai.

"Mipela no bin inap long holim dispela skul long krismas i go pinis bikos mipela i sot long moni. Em wanpela bilong ol skul we i stap pinis long buk bilong Helt Divisen bilong Madang," Mista Paul Mabong i tok.

Mista Mabong, husat i stap olsem Program Menesa bilong Helt long Aiome i tok olsem long dispeal yia tasol, ol lain bilong Esien Developmen Beng (ADB) wantaim Ostrelia gavman aninit long AUSAid i bin katim K50 milien i kam long gavman na gavman i katim K4.7 milien i kam long wok bilong Helt bilong ronim ol dispela kain-skul.

"Mipela i skulim ol dispela wokmanmeri long rot bilong raitim ol ripot, lukluk gut long ol asua na rot bilong bringim ol skul tok long ol wanwan komuniti. Ol dispela komuniti taim ol i kisim ol dispela skul pinis, nau i ken traum na painim rot bilong helpim ol yet long lukautim gut famili long rot bilong abrusim ol kainkain sik na sua samting," Mista Mabong i tokim Wantok Nius.

Dispela skul em Helt Divisen bilong Madang i ronim long Kwanga bai kamap tu long Josephstaal na Simbai.

"Insait long dispela skul mipela i toktok tu long wok bilong planim kaikai na lukautim ol abrus na rot bilong painim moni. Sapos yu lukluk gut long dispela skul, mipela i traum long bungim ol kainkain wok wantaim bilong helpim ol pipel. Mipela i no resis long givim skul," Mista Mabong i strongim tok.

Wantok Nius i save tu olsem Madang em wanpela ples we planti man, meri na pikinini i nos ave kisim gutpela kaikai na planti bilong ol disepal lain husat i no kaikaim gut ol gutpela kaikai i save painim ol arapela sik. Na long hap bilong Wara Ramu ol planti pipel i painim dispela hevi wantaim sik bilong natnat.



Ol meri Bereina tu ya... • Ol sampela meri Bereina singsing grup husat i bin singsing long De la Salle hai skul kalsa so autsait long Mosbi long las wik Fraide. Poto: Ivan Bayagau.

Kendidet salensim Fr Ambane

YAKAM KELO i raitim

MAN husat i bin salensim Pater Louis Ambane long sia bilong Simbu Gavana i askim Suprim Kot gen long kamapim bai-ileksen long Simbu rijnol sit.

Loya bilong Thomas Tumun Sumono i mekim dispela askim long Suprim Kot long Mande dispela wik bikos ol i bilip i gat paul long balot bikos namba 2 bilong tim 41. Loya Pagne Palme i tokim Suprim Kot olsem ol i laikim bai-ileksen i mas kamap bikos sil namba 068282 bilong bikos 2 i no stret bikos em sil namba bilong wanpela bikos long tim 34.


Paul long sil namba bilong bikos namba 2 bilong tim 41 i mekim ol ileksen opisa i pulapim ol vot pepa insait long wanpela patrol bikos na pasim wantaim waia long 1997 nesenel ileksen long las yia.

Tasol Mista Palme i tok i nogat samting i rong long ol balot pepa insait long dispela patrol bikos ileksen opisa i luksave long en na plisman i was gut long en. Tupela i bin sekim gen na tokaut olsem dispela bikos em tupela i save na i nogat samting i asua long ol vot pepa insait long patrol bikos ya.

Insait long patrol bikos, i gat 1,300 vot pepa i stap long en we planti i bilong kendidet Thomas Tumun Sumono.

Tasol Mista Palme i sanap strong long Suprim Kot olsem bai-ileksen i mas kamap gen bikos long paul pasin tasol long sil namba bilong dispela bikos.

Loya bilong Pater Ambane, Greg Sheppard i tokim ol Suprim Kot Jas, Sieff Jastis Sir Arnold Amet, Sir Mari Kapi na



• Fr Louis Ambane.

Sir Kubulan Los olsem olgeta vot pepa insait long dispela bikos namba 2 bilong tim 41 i mas kamap infomol o bagarap vot pepa bikos sil namba bilong en i no stret. Em i laikim olsem ol i no inap kaunim ol vot pepa insait long dispela patrol bikos.

Loya bilong Ilektorel Komisin Dokta John Nonggorr i tokaut tu olsem dispela 1,300 vot pepa insait long dispela bikos namba 2 bilong tim 41 i no inap long helpim kendidet Thomas Tumun Sumono long winim Simbu rijnol sit. Bikos namba bilong Mista Sumono bai sot yet long winim Pater Louis Ambane long kamap rijnol memba bilong Simbu provins.

Dokta Nonggorr i tok sapos ol i kaunim ol dispela 1300 vot insait long dispela bikos, bai vot

bilong Thomas Tumun Sumono i longwe long Pater Louis Ambane wantaim 1367 vot. Na man husat i ron namba tu long Pater Ambane bai sanap 22 vot longwe long Pater Ambane.

Dokta Nonggorr i tok tu olsem ol vot pepa insait long dispela patrol bikos i mas kamap infomol o bagarap vot bikos ol i no stret long balot bikos stret, sil namba i no stret na ol i pasim maus bilong en long waia.

Tasol loya bilong Mista Sumono, Pagne Palme i tok dispela plisman na ileksen opisa husat i lukautim dispela vot i tokaut long evidens olsem ol yet i luksave long dispela na was long dispela patrol bikos na ol vot pepa insait long en. Ileksen opisa ya i tokaut klia olsem em i sainim olgeta pepa na em i luksave long sain bilong em.

Dispela petisen i kamap gen bihain long Suprim Kot i bin skelim ileksen petisen bilong Pater Louis Ambane na putim em i go bek long sia bilong em las wik.

Petisen i bin kisim Pater Louis Ambane olsem ileksen bilong em long 1997 i no bihainim lo bilong ileksen. Olsem na Nesenel Kot i bin rausim em. Tasol Pater Louis Ambane i bin apil long Suprim Kot na Suprim Kot i skelim gen disisen bilong Nesenel Kot aninit long Jas Andrew Warwick na putim bek Pater Ambane long sia bilong em olsem nesenel memba na Gavana bilong Simbu provins.

Tasol kendidet Thomas Tumun Sumono i aplai gen long Suprim Kot i mas rausim disisen bilong en na kolim bai-ileksen.

Suprim Kot i no tokaut yet long dispela aplikesen bilong kendidet Thomas Tumun Sumono.

WANTED: "THE TIK TOK GANG"

Le Taste of Paradise

LOLLY POP

TIK-TOK

ICE CREAM

BUBBLE GUM

3 NEW TASTY FLAVOURS ON THE RUN

Icecream

Lollypop

Bubblegum

REWARD: "GREAT TASTING BISCUIT"

FM 98 stesin long Aitape bagarap na pas

BEN TAUMAI
long Aitape i raitim

PROVINSAL FM 98 radio stesin bilong NBC long Aitape i bin pas long sampela de nau, bikos long sampela asua.

Stesin i bin pas long las wik, Fraide Septemba 11 long samting olsem 8 klok nait. Brodkas opisa Titus Sina i tok em bin wok raun long eria na harim olsem kainkain bikpela nois nabaut i kam aut long radio bilong ol manmeri. Na

mekim disisen long pasim radio stesin na wetim wanpela teknisien bilong Redio Wewak long kamap na sekim pastaim.


Ekting provinsal program meneasa, Lionnie Ramram, i tok tru olsem ol i pasim radio stesin. Na i bin tok olsem em bai toktok wantaim menesing dairekta bilong NBC long dispela samting.

Em bin toktok tu wantaim Mista Sinia long toktok wantaim Aitape disasta kodineta long yusim wanpela ka i go long Wewak. Na kisim dispela teknisien long go sekim tremsita.

Dispela NBC provinsal FM 98 radio stesin em ol bin sanapim long Aitape long Julai 17, em bihain long taim bikpela sunami solwara i bagarapim ol ples long nambis bilong Aitape.

Astingting bilong opim dispela radio stesin em long givim ripot, nius na ol arapela toksave long ol pipel i kisim bagarap long siwara, bai ol save long wanem samting bilong mekim.

Nau yet ol pipel i putim yau long Redio Sandau.



• Antap: Ol man long Ramo Kea senta i kisim so na hama long wokim ol haus bilong famili bilong ol. Ol i tingting long wokim nupela vilis bilong ol long ples Aroporo.

• Raithan: Tupela meri ya i painim nupela laip bilong ol long Ramo Kea senta.

Aitape pipel tenkim olgeta husat helpim ol

AITAPE i kisim dispela taim long givim tok "tenkyu na amamas i kam long lewa and tingting" i go long olgeta. bikpela na liklik kain lain husait i bin givim halpim i go long em. Long taim ol ples long dispela distrik insait long kantri i kisim bikpela bagarap long 17 Julai i kam i nap nau. "Tenkyu tru long halpim bilong yupela olgeta".

Wankain krai bilong dispela kain tok amamas i bin kalap na lusim ol waia bilong Aitape FM 98 Studio i go long radio Sandau. Na i go aut long ia na harim bnilong olgeta insait long kantri, an wol sapos ol i nap harim mipela na tu sapos ol i nap save long tok ples bilong PNG - Tok Pisin.

Distrik Kodineta bilong disasta long Aitape Mista Dickson Dale i tokaut olsem wantaim nogat halpim i kam long olgeta kain lain, ol wok bilorong givim halpim na tu long kamapim ken gutpela sindaun, bikpela tru long ol lain pipel bilong Wes Kos. Husait long ol i bin kisim bikpela bagarap tru insait long dispela traipela solwara bilong 17 Julai bai i no nap kamap gut. Mista Dale i tok wonem kain halpim olsem long wok, samting yu givim long halpim wanpela na narapela long dispela taim nogut insait long Aitape. Olgeta i mas bilip olsem o tu i hap bilong dispela halpim ol i givim long mekim wok bilong bikpela bagarap i kamap gut.

Em tu i givim spesel tenkyu i go long ol lain olsem W & R Parer long Aitape husait i stat long givim halpim long "de wan" i nap nau. Mista Dale i go het moa; "Em i givim ol har na trak, telepon, feks na poto kopi masin, spes long stuarum na ol wokman wantaim planti ol narapela halpim. Ol halpim bilong em i wok long go het yet i nap nau. Na ol Non-Gavman Ogenaisesen olsem Red Cross, Salvation Army wantaim ol narapela husait mi no nap kolin olgeta".

Em i tok planti ol narapela i givim ol samting olsem kaikai na wara, ol haus sel wantaim planti ol narapela samting long mekim laip na sindaun bilong ol pipel i kisim bagarap i kamap gut.



"Olsem Disasta Kodineta insait long Aitape, mi luksave long halpim bilong olgeta lain husait i givim pinis halpim i kam long Aitape - ol sios olsem Aitape Katolik Daioeses na ol narapela sios. Tasol Katolik Sios i bin givim bikpela halpim tru na i wok long givim dispela halpim yet. Na ol narapela NGO grup em mi no kolin nem bilong ol - wankain tasol mi tok tenkyu tru long halpim bilong yupela olgeta."

"Ol Gavana wantaim piple bilong ol, ol politisen husait i soim pes long Aitape na givim mani wantaim kaikai, ol klos na ol narapela samting wantaim ol toksori. Ol lain olsem Isten Hailens, Simbu, Westen Hailens, Manus, Galf, Is Sepik, Madang, Morobe na Popondetta, Samarai, Buka, Is Nu Briten wantaim ol grup insait long Westen Provins, Tabubil, Sandau Komiti long Pot Mosbi na ol narapela hap - bikpela tok tenkyu na tok amamas long halpim yupela i givim," Dickson Dale i tok.

Mista Dale i tenkim tu ol opisa bilong ol disipliner fos olsem polis, CIS, PNGDF husait long ol em i tok ol i pikinini bilong dispela provins. Dale i tok planti long ol i go pinis na liklik lain tasol i stap yet. Tok amamas tu i mas go long ol wanwan man na meri o grup, ol lida, ol tisa, ol go pas long ol kea senta wantaim tu ol dokta na olgeta nes husait long ol i bin wok hat na tu givim taim bilong ol yet long gutpela bilong pipel bilong mipela.

Ol helpim woka laikim stretpela ripot long ol bagarap na indai

WOK go het long stretim sindaun bilong ol manmeri na pikinini husat i kisim biura long solwara long 4-pela ples insait long Aitape wes kos eria long Wes Sepik provins bai inap i gat hevi sapos ol go pas man i no painim hariap rot bilong kisim ol stretpela ripot, wantaim namba bilong hamas lain i stap nau yet. Na tu namba bilong hamas manmeri na pikinini i dai na kisim bagarap long dispela birua.

Dispela toktok i bin kamap long wanpela bung, em i bin kampa long St Martin's pastorel senta long Aitape. Em long taim provinsal menesa bilong menesmen na infomesen sevise, Seth Yapriha, i bin tokaut long sampela bilong ol hevi i traum long daunim ol gutpela wok kamap insait long wok bilong Aitape rihabilitesen program.

Mista Yapriha tok Sandau provinsel administresen i luksave olsem dispela em i wanpela bilong ol bikpela hevi i hangamap nau. Olsem na rihabilitesi komiti i mas lukluk hariap nau long stretim.

Em i tokaut tu olsem ripot na namba bilong lain husat i dai, lus

o kisim bagarap i no klia tumas. Na dispela i givim bikpela wari nau long ol dona ejensi husat i wok long givim helpim nau yet long ol bagarap lain long Aitape. Ol dispela lain dona ejensi olsem Red Cross, Salvesen Ami, Edventis Rilif an Edventis disasta na relief ejensi (ADRA) na planti ol arapela ogenariesen i bin givim planti helpim pinis. Na ol i gat laik tru long kisim stretpela ripot long hevi i kamap bipo long ol i ken skelim gut. Na stiam wanem ol program ol i ken mekim, na tu kos bilong ol dispela samting.

Mista Yapriha i tok bikos long dispela hevi, planti bilong ol i no bin inap long kamapim hariap ol plen bilong ol. Na wetim yet inap taim dispela ol ripot i ken kamap pastaim.

Em i tok tu olsem nau yet tu i gat bikpela wari olsem namba bilong ol bikpela hevi i hangamap nau. Olsem na rihabilitesi komiti i mas lukluk hariap nau long stretim.

Em i tokaut tu olsem ripot na namba bilong lain husat i dai, lus

bagarap i wok long kam bek long ol haus sik long Wewak, Vanimo na Aitape na tu ol lain famili, pren na wantok long narapela hap bilong Kantri i wok long go kam klostu klostu long lukim ol lain bilong ol.

Opisa ya i tokaut tu olsem ol opisa bilong gavman i bin kisim pinis sampela ol ripot bilong namba bilong ol lain i dai, lus na kisim bagarap, wantaim tu ol man, we meri bilong ol dai o ol lain meri we man bilong ol i dia pinis long birua.

Ol namba bilong ol pikini papama i dai lusim ol na namba tu bilong ol pikinini mama i karim bihain long hevi o ol lain husait i mari tu bihain long dispela taim nogut wantaim tu ol namba bilong ol trangu man olsem ol aipas, yau pas, leg na han bruk i no klia tumas yet, na i gat bikpela wok na ol opisa i mas mekim long stretim gut dispela ol ripot na givim i go long ol lain ogenariesen i laikim na tu ol dipatmen bilong gavman olsem edukesen, helt an egikalsa bia ol dispela lain i ken usim long

bringim gutpela sevis i go long dispela ol lain. I kisim bagarap.

I gat tu ol ripot i stap pinis long ol samting bilong gavman olsem amas skul, haus sik an narapela sevis bilong gavman i bin bagarap long solwara tasol, i mas gat nupela wok painim long strongim dispela ol ripot.

Divisen bilong menesmen na infomesen sevise bai mekim wanpela wok painim long ol ples i kisim bagarap sampela taim klostu long stretim bek gen ol rekot bilong wanwan ples em ol vilis rekota i save holim tasol i bin lus long solwara.

Olgeta dispela ripot i sua pinis long maus bilong solwara na i gat bikpela wok anu logn traum long kisim bek ol dispela ripot long ol vilis rekota na stretim bek gen Mr. Yapriha i tok dispela wok ino isi, tasol divisen bilong em ol bai triam hat tru long mekim na pinisim dispela wok. Em i tok tu olsem hevi bilong moni bai inap stopim dispela wok long go het tasol em i gat strongpela bilip olsem gavman o narapela ol lain ogenariesen bai

inap long givim moni bilong mekim dispela wok.

Mista Yapriha i bin tokaut long dispela woksop olsem long wok bilong skelim ol kaikai, klos, marasin na ol arapela helpim oslem i go long ol bagarap lain long kea senta i no ron gut tumas. Bikos ol go pas man husat i lukau-tim wok bilong rilif operesen i nogat stretpela ripot bilong namba i stap wantaim ol, we ol i ken yusim long skelim gut ol dispela samting.

Bihain dispela, i gat planti bel hevi na tok sutim i go kam namel long bagarap lain na ol opisa bilong gavman na bia inap kamapim bikpela hevi moa yet sapos ol go pas man ino traum long stretim hariap.

Mr yapriah i rokim woksop olsem, ol kain ripot olsem bai mas kamap pastaim bipo long ol narapela bikpela ripot long wok bilong Aitape rihabilitesen i ken kamap. Bikos olgeta kain program olsem i mas gat ripot bilong ol namba long abrusim na mekim kamap trupela ol astingting bilong Aitape rihabilitesen.



• Ol liklik mangi husat i laki na stap laip. Ol bilong Arop tasol nau ol i stap long Pou Kea senta. • (Aninit) Cathy Tonkoni bilong Ramo Kea senta i pulmapim sak long bek long wasim.

Red Cross givim kwik na stretpela helpim long pipel

BENSTEAD TARU long Aitape i raitim

PNG Red Cross Sosaiti (PNGRCS) wantaim helpim na sapot bilong intanesenol Red Cross na Red Crescent Federeser i bin mekim bikpela wok tru stat long taim bilong ol. Wok i bin kirap bihainim bikpela bagarap bilong solwara we i daunim ol ples insait long Aitape wes kos long Julai 17, 1998.

Taim ol i bin kamap long Aitape, Red Cross i bin mekim wok painimaut. Na i bin skelim osem ol samting bilong kaikai, slip karamap, sel haus, samting bilong kuk, klos, marasin na ol ruls bilong wok em ol samting ol lain husat i bin kisim bagarap long bikpela solwara i laikim kwik taim. Bihainim dispela wok painimaut, Red Cross i bin kisim dispela ol samting na salim i go long ol kea senta, we ol lain bagarap manmeri i stap long en.

Grup ya i bin wok long mekim moa wok painimaut tu long ol rot bilong mekim gut ol toilet, ples bilong tromoi pipia, rot bilong kisim gut kaikai, helt na gutpela sindau. Dispela ol wok painimaut em ol opisa bilong Red Cross i bin kamapim i bin givim stia long dispela grup long kamapim ol plen bilong em long ausait tru, we em bai inap long kamapim gutpela rot long stretim sindau bilong ol lain manmeri. Insait long dispela taim nau, Red Cross wantaim ol lain han bilong em long ol arapela hap bilong graun i wok long skelim gut tru ol wok kamap nau long Aitape. Dispela grup i wok long paitim planti toktok nau na wok klostu tru wantaim ol lain wokman bilong gavman na narapela ol lain grup osem Red Cross, husat i wok long mekim ol wok tru insait long dispela bikpela wok helpim long Aitape.


Bikpela plen bilong Red Cross i no redi gut yet tasol nau yet Red Cross i gat pinis olgeta kan save me i mas gat bipo long go insait tru long dispela bikpela wok kamap em i gat tingting long kamapim long Aitape. Dispela grup i bin givim pinis ol liklik as tingting bilong em long gavman we i bin gat pinis tok i givim stia nau long en long mekim ol go pas wok bipo long bikpela wok tru i ken kamap bihain.

Sereteri Jenerel bilong PNG Red Cross Misis Janet Philemon i bin tokim wantok nus oslem grup bilong em i gat strongpela tingting tru long stap sampela taim liklik insait long Aitape inap taim tru em i skelim osem ol lain i wok long kisim pinis dispela bai inap givim tiam long ol bagarap lain long mekim ol haus na gaden bilong ol long ol nupela ples ol bai sindau long en.

Long daunim strong bilong ol lain bilong ol kea senta long ol rot bilong kisim kaikai, gavman i mas givim tokorait long ol bagarap lain long go bek long ol ples we ol save wok long en bipo. Sampela lain i no gat laik long go bek. Tasol planti i sanap strong long dispela tingting.

Namba wan astingting tru bilong plen gavman i laik kamapim long stretim sindau bilong ol bagarap lain i mas sut stret long ausait tru, em bai ol bagarap lain i ken wokim gen ol nupela haus bihainim ol kain stal bilong ol ples bilong ol bipo long bagarap. Red Cross i gat bilip osem sapos ol nupela plen ino bihainim ol kain tingting osem dispela bai inap tru long bagarapim gutpela sindau bilong ol manmeri na kamapim tu ol narpela kain hevi.

Long abrusim dispela kain ol hevi, i mas gat strongpela ol rot bilong stiaim ol wok bilong helpim ol lain



Bipo long ol narapela lain log arasait i bin go insait long givim helpim, ol aspels lain i bin kisim ol bagarap lain na helpim ol pastaim. Antap tu long dispela ol asples man meri wok long givim planti kain ol liklik helpim tu na i gutpela ol kain rot osem i ken kamap long helpim ol.

Ol mausman o meri bilong ol bagarap lain i mas stap insait tu long olgeta ol kain toktok o bung bilong kamapim ol plen bilong helpim ol bagarap lain. Long dispela rot ol bagarap lain bai gat mau tu long olgeta toktok o tingting kamap bilong helpim ol.

PNG Red cross wantaim ol mama han bilong em long olgeta narapela hap bilong graun, nau yet i wok long givim ol dispela kain helpim long ol bagarap lain long Aitape.

1) Komuniti helt promesen program


Aninit long dispela program Red Cross bai putim ol helt promesen voluntas long olgeta Kea Senta na ol nupela ples we ol bagarap lain bai sindau long en. Dispela ol lain bai wok klostu tru wantaim ol komuniti helt wokas. Wok bilong ol em long kirapim na strongim ol skul bilong kamapim gutpela sindau, long sait bilong helt.

Ol bai givim tu skul long ol komuniti memba na traum long kirapim na strongim ol skul bilong abrusim ol hevi i save kamap long kain bikpela bagarap osem bikpela solwara we i bin daunim ol ples long Aitape Wes Kos.

NIU PRAISES NOKEN BAIM MOA



20^t tasol



Em 10^t Yet



**SAPOS OL I
ASKIM MOA.... GO
LONG NARAPELA
STOA**

PNG mas glasim hevi bilong ol turangu

ANGLIKEN Asbisop bilong Papua Niugini, Asbisop James Ayong i askim olgeta manmeri na pikinini blong PNG long glasim ol toktok i stap insait long Baibel long dispela 23. Indipendens selebresen blong kantri na lainim ol gutpela skul.

Em i tok sapos ol pipel blong PNG i no harim krai blong ol turangu lain, ol lain i laikim helpim, na i no bihainim laik blong God Papa, God inap rausim ol gutpela marimari em i gat long ol pipel blong PNG na inap putim jasmen blong em long ol pipel.

Asbisop Ayong i tok taim i no pinis yet blong ol pipel blong PNG long senisim pasin nogut blong ol, strongim Kristen laik blong ol na blong bringim Kingdom blong heven i kam long graun.

Em i tok ol lida blong kantri i noken lukim sios olsem wanpela birua blong gavman o wanpela grup we i laik tekova long wok blong gavman.

Nogat. Ol i mas wok bung wantaim long bringim ol gutpela wok developmen i kam long kantri i go insait long yia 2000 na i go moa.

Em i tok long taim blong Indipendens selebresen, ol pipel blong PNG noken lukluk tasol i go bek long ol pasin tumbuna blong ol. Ol i mas glasim tu wanem samting bai i kamap long bihain taim na plen long kamapim gutpela sindau.

Asbisop Ayong i tok yia 2000 i noken pretim ol pipel long pinis bilong dispela graun. Nogat. Yia 2000 i mas opim ai blong ol pipel long glasim ol kainkain senis i wok long kamap long graun wantaim pawa blong God Triwan.

Long buk blong Micah 2 na 3 i gat stori i stap we i soim olsem sin blong ol pipel blong Israel i daunim ol. Asbisop Ayong i tok kain pasin olsem i wok long kamap tude long PNG. Planti ol lida i no soim gutpela

pasin. Ol i go pas long wokim ol pasin pamuk na stil na ol arapela sin pasin. Wankain tasol ol planti ol pipel blong kantri tu i mekim ol sin pasin. Bekim blong en, planti kainkain hevi olsem biksan, solwara bruk, maunten i pairap, graun i bruk, wara i tait na kilim planti taunsen pipel na planti moa birua inap kamap yet sapos ol pipel i go het long mekim ol kain sin pasin.

Em i tok tasol olgeta dispela taim nogut inap senis sapos ol pipel blong PNG i opim ai, kisim God insait long laip blong ol na bihainim laik blong God olsem buk blong profet Isaiah na Revelesen 21:2 i tok.

Em i tok long buk Baibel stori blong ol Israel i soim olsem ol tu i redi olsem wanpela pipel na wanpela kantri long painim gutpela sindau long bihain taim. Dispela ol stori i stap long Isaiah 65-66 na Esekiel 36-37.

PNG i gat wok blong painim gutpela rot blong kamapim gutpela sindau

WENCESLAUS MAGUN i raitim

ASBISOP blong Mosbi asdaiosis, Asbisop Brian Barnes OFM i tok bihain long 22 krismas, Papua Niugini olsem wanpela indipenden kantri i gat planti hevi blong strem.

Em i tok long taim blong selebretim dispela 22 yia i indipendens blong kantri wantaim ol gutpela samting i wok long kamap, na ol gutpela bus, graun, wara, solwara, ol abus, pisin na binatang wantaim kainkain kalsa na pasin tumbuna na ol planti gutpela save manmeri blong kantri ol pipel blong PNG i mas prea long gutpela tingting na strong.

Asbisop Barnes i tok ol pipel blong PNG i mas luksave long wanem samting ol i mekim insait long dispela 22 yia we i no strem na i mas tokaut olsem i tru ol i mekim asua pinis na painim gutpela na stretpela rot blong strem ol dispela hevi. Antap long olgeta dispela samting, PNG i mas gat ol gutpela lida husat inap soim gutpela pasin na soim gutpela rot long ol pipel i ken bihainim.

Em i tokaut long sampela ol bikpela hevi i wok long kamap bikpela long kantri tude we i mas rot blong strem. Wanpela blong ol dispela hevi em iinsait long sindau blong ol famili.

Em i tok long dispela yia gavman blong PNG i kisim bikpela dinau mani i kam long ol arapela kantri na ognaiseisen insait long wol. Wantaim dispela kantri i gat planti ol skul na helt sevis i painim hat long mekim gutpela wok. Plant blong ol i ron yet bikos long helpim i kam long AusAID. Wantaim liklik mani i stap nau insait

long ol las mun i go pinis, i luk olsem nogat mining blong baset.

Asbisop Barnes i tok ol politisen i no stop long raun i go ovasis o yusim mani long mekim ol sampela samting i no stop insait long baset. Kain pasin olsem: kisim ol nupela saveman olsem edvaida blong praim ministra; na senisim ol ministra na top publik sevens long laik tasol maski taim kantri i bungim bikpela hevi blong mani.

Maski bikpela hevi blong mani i stop long kantri na planti famili i karim pen bikos prais long ol kaikai na ol arapela sevis i go antap, Asbisop Barnes i tok ol lida i go het long hapim pe blong ol yet na tok orait long kisim K500,000 antap long K300,00 ol i gat pinis insait long llektorel Developmen Fan, na hapim K25 fotnait pe blong ol publik seven yusim mani blong disasta i kamapim planti askim.

Narapela bikpela hevi em pasin bilong holim pas ol meri na mekim pasin pamuk. Asbisop Barnes i tok dispela hevi i kamap bikpela tru long kantri tude.

Em i tokaut tu long pamuk video tepe we planti tok i sut i go long wanpela poilitisen. Dispela em i no gutpela pasin na piksa bilong PNG. Ol hevi blong Tsunami long Aitape na Bogenvil em sampela ol eria we Asbisop Barnes i tok i soim ples klia olsem ol pipel blong PNG inap wok bung wantaim long helpim ol yet na kamapim PNG olsem wanpela gutpela kantri. Olgeta dispela samting inap kamap sapos i gat bilip pasin namel long olgeta pipel long kantri, em i tok.

Sios egensim gavman long yusim ol disasta mani long narapela wok

VERONICA HATUTASI i raitim

OL SIOS atoriti i salensim gavman bilong lusim ol mani bilong yusim long taim bilong birua na lukluk long narapela rot bilong pulim mani long sapotim ol wok lain bilong em.

Ol sios i mekim dispela singaut bihain long disisen bilong gavman long yusim K8 milien bilong disasta fans long peim ol publik sevan husat i save kisim pe aninit long K12,000 mak insait long wanpela yia. Dispela i min olsem ol bai kisim K25 antap long potnait pe insait long foapela mun i kam.

Gavman i toksave pinis long tresera long stat peim ol publik sevan husat i kam aninit long dispela grup long neks potnait.

Dispela mani em i hap long mani bilong helpim ol pipel long kantri we hevi bilong bikpela san i bin bagarapim ol long las yia, tasol gavman i no yusim na ol bin putim long beng insait long wanpela IBD akaun.

Jenerel Seketeri bilong Papua Niugini Kaunsil ov Sios (PNGCC) Reveren Kila Pat i tok sapos nogat toktok i go egens long gavman long mekim dis-

Wok bilong strem olpela Dogura wara saplai bai pinis long dispela mun

MOA long 800 pipel insait long Dogura stesin, Holi Nem Hai Skul, St. Pol Komuniti Skul na Dogura Hai Skul bai kisim gutpela wara bilong dring, waswas na mekim ol arapela samting maski long taim bilong biksan bihain long pinis blong dispela mun.

Wok blong strem 60 yia olpela wara saplai sistem we ol namba wan Anglikan misinari i wokim long 1930's i stat long stat blong mun Ogas bihain long Anglikan Neselen Helt Sekreteri Peter Rookes i kisim helpim i kam long "Lukautim wara lukautim laip" Rotari grup bilong Melben insait long Ostrelia.

Ol Rotari lain i putim samting olsem AU\$40,000 long dispela

projek. Holi Nem Hai Skul i helpim wantaim K6,000, Anglikan daisosis bilong Dogura i givim K2,200 na i givim tu bot blong ol, MV Maclaren King long wokim wok.

Nau yet ol asples yet i mekim fri wok blong putim sikspela simen tenk na ol paip wara bihain long eitpela voluntia blong Rotari grup bilong Ostrelia i kam soim ol long wok na nau i go bek pinis long Ostrelia.

Dogura Daisos Helt Sekreteri Trevor Terina i tok nau yet ol i no inap saplaim wara i go long ol ples klostou long Dogura stesin wantaim dispela ol wara tenk bikos i nogat inap presa long mekim dispela.

Reveren Pat i bin tok dispela kain pasin we gavman i mekim i soim olsem gavman i no inap long kamapim mani na sapotim ol wok lain bilong em. Olsem na em i kisim mani ol i makim long ol arapela projek long karimaut ol wok bilong em.

Reveren Pat i tok gavman i mas kamapim mani bilong em yet long lukautim ol woklain na kantri, na maski long dipen long mani we ol arapela grup i resim bilong ol narapela wok.

Em i tok olgeta pipel long PNG we i karamapim tu ol publik sevan i wok long bungim hatpela taim tru taim kantri i bungim hevi long mani we i mekim pe bilong ol samting long stoia i go antap moa.

"Dispela hevi em i karamapim kantri na i moabeta long gavman i edresim hevi long helpim olgeta lain," Reveren Pat i tok.

Em i tok planti taim kantri i bungim pinis ol bikpela hevi na i moabeta long yumi i redi long ol. Na yumi mas lukautim gut ol mani we yumi gat na sapos birua i kamap, bai yumi gat samting pinis long yusim bilong helpim yumi yet. Na yumi noken askim tumas ol ausait lain long helpim yumi, Reveren Pat i tok.

NEM BILONG YU I GAT WANEM MINING?

LONG yia 1950 samting mi bin redim wanpela grup pipel long kisim baptais.

Mi tok save long ol olsem: long taim bilong baptais yumi save kisim nupela nem. Orait, wanpela man i ritim "Nupela Testamen" na em i ting olgeta nem i stap insait long en, em i gat pinis nem tasol. Long taim em i redi long baptais mi askim em long em i laik kisim wanem nupela nem.

Em i tok, "Mi laik kisim wanpela nem mi painim long 'Nupela Testamen'; nem ya Beelsebul." Mi harim na mi kalap nogut na mi tokim man ya, "Beelsebul em i nem bilong hetman bilong ol satan." Kwiktaim tru dispela man i painim wanpela nupela nem.

As bilong kisim nupela nem em i dispela: Yumi laik werim nem bilong wanpela bikpela santu o

Taim yumi kamap long praimeri skul, yumi save werim wanpela nem; long haiskul yumi gat wanpela gen.

Taim yumi statim nupela skul o wok, yumi save givim wanpela nem. Taim bilong sensas na komon rol, yumi givim wanpela gen. Long beng yumi gat trik nem bilong sainim ol sek na tekewe mani.

Sore! Long planti kantri, nem em i holi samting. Sapos yu raitim nem bilong mi kranki, bai yu semim mi na mi kros.

"Nem i gat pawa. Mi mas sainim sek long beng wantaim nem bilong mi. Kontrak i no gat nem bilong mi, em i hap pepa nating. Nem i givim strong long en."

Long "Wok bilong ol Aposel" 3:6 i gat stori long Pita i strem ol sikman long taim em i kolim nem

bilong Jisas.

Yumi mas tingting gut long taim yumi givim nem long nupela bebi. Bebi ya i mas werim wanpela nem i ken long givim gutpela stia long laip blong em. Bilong dispela na ol Kristen i save putim nem bilong ol santu long nupela bebi. Yumi laik dispela boi o meri i bihainim gutpela eksampel bilong santu; na tu yumi laik bai santu i war-nem, i ken lukaut gut long boi o meri.

Yumi olgeta i amamas long ol man o meri i gat biknem long musik na diskon na spot na politik na bisnis. Ol i wina, na yumi oltaim amamas long werim nem bilong ol. Ol santu tu i wina; ol i winim heven pinis. Dispela tu i gol bilong yumi.

Ating yu save pinis: olgeta nem i gat mining. Bilong yu i gat wanem mining? Askim nabaut na pain-

TU MINIT TINGTING



FRANK MIHALIC i raitim
maut... Ating wanpela gutpela tok stia i stap long nem bilong yu yet... na oltaim, oltaim yu karkarim em nabaut... Nogut yu mekim nat-ning.

Nupela PX opis op long Madang

AIR NIUGINI i opim nupela opis bilong em long Madang long mun Julai long helpim promotim turis industri long provins na tu long kantri.

Em bikos turis save laikim tru long kam long Madang bikos em naise-pela taun.

Menigering Dairekta bilong Air Niugini Andrew Ongil i mekim dispela toktok long opening bilong dispela nupela Air Niugini i mekim long katim daun ol opis long ovasis na tu ol opis long hia long mekim airlain industri i ron yet.

"Mipela bai i go yet long

mekim wankain wok yet long sapotim na 'promotim turis wantaim ol narapela samting long apim wok nau ol turism promosen atoroti i mekim na tu mi tingim ol wanem kain wok tu ol narapela lain olsem ol lain long ol hotel na ol tour opereta."

Em i tok, Madang bai i stap yet olsem wanpela impoten pot bilong Air Niugini long turis na bisnis ekspensen, olsem na ol soim long taim ol wokim dispela bikpela nupela ofis.

Ogil i surikim tok na i tok olsem, em givim bikpela tok amamas long praim ministra Bill Skate na Minista bilong Publik Entreprais na Komunikesen Dr Fabian Pok long makim em olsem menesing dairekta bilong Air Niugini.

Minista bilong publik entreprais na komunikesen Dr Fabian Pok i no bin kamap long opening tasol em salim wanpela feks leta i kam na gavana bilong Madang Jim Kas bin ridim i tok olsem, "olgeta balus kampani nau i wok long fesim

wankain hevi bilong man."

"Mipela luksave long hevi ol lain i stap klostu long yumi ol sem Garuda bilong Indonesia na Philipines husat i fesim wankain hevi na stat katim namba bilong ol opis na ol wokman na meri. Na tu long katim daun ol ron bilong ol long sampela hap."

Tupela narapela balus kampani na Sempati bilong Indonesia i pas pinis long mun Jun long dispela ya.

Air Niugini tu i wankain olsem na yu lukim pinis wanem kain samting ol menesmen i mekim pinis.

Wanka i wok olsem bai i go yet long luksave long ol namba bilong ol wokman, kos, kastoms sevis na ol rut we nau ol biha-in, Ongil i tok.

Gavana bilong Madang Jim Kas i givim bikpela tok a mamas long Air Niugini long gat bikpela tras long gavman na ol pipel bilong Madang.

Dispela em gutpela bikos em bai provaidim gutpela sevis long ol pipel.

Kea Ostrelia givim 5-pela redio long PNG

VERONICA HATUTASI i raitim

KEA Ostrelia, wanpela Non Gavman grup i bin givim 5-pela strongpela trensiva redio long Nesen Disasta na Imejensi Sevis (NDES) bilong yusim long taim bilong bikpela biru.

Kos bilong ol em i moa long K31,000.

Ol i kisim ol dispela redio i go long Aitape we biru bilong bikpela solwara i bin bagarapim ples na pipel tupela mun i go pinis.

CARE Australia i tok NDES bai yusim ol dispela redio long Aitape inap ol wok long hap i pinis na biha-in kisim bek ol (redio) i go bek long het-kota inap narapela biru i kamap gen long kantri na ol i ken yusim ol.

Fil opisa bilong CARE Australia Jim Moore husat i wok wantaim NDES opis long Mosbi taim em i prisem ol redio i go long NDES i tok ogenaisesen bilong em i luksave olsem redio em i bikpela samting long salim na kisim ol toktok long taim bilong biru.

Na em i tok dispela helpim long strongim NDES long yusim redio ong karimaut ol wok bilong em kwiktaim taim biru i kamap, maski long wanem hap.

Kain redio ya em i top kwaliti we i gat long em ol spea batri na ol sola penel long risasim ol. Olsem na ol i no nidim jenereta o pawa long wok.

Ol redio ya i stap long sem frikwen-si level wantaim dispela we helt net-wok i save operet long en. Olsem na em inap linkap wantaim ol disasta era na na ol Provin sel hetkota.

Mista Moore long makim maus bilong ogenaisesen i tok em i gat bikpela bilip olsem ol redio ya bai givim gutpela helpim long NDES. Dairekta Jenerel bilong NDES Ludwick Kembo i tok Australia i givim gutpela helpim tru long PNG long taim bilong ol biru, pastaim long las yia taim hevi bi

long bikpela san i bagarapim kantri. Na nau taim Aitape biru long bikpela solwara i kamap.

Em i tok planti pipel long PNG husat i bin wok wantaim ol long taim bilong biru bai no inap lus tingting long bikpela na gutpela wok ol lain bilong Australia i bin mekim long dis-pela kantri.

Em i tok tenkyu tu long ol woklai bilong CARE Australia husat lusim ol famili bilong ol na i givim taim long helpim ol pipel long PNG we tupela biru i bin bagarapim ol.



COFFEE INDUSTRY CORPORATION INDUSTRY AFFAIRS DIVISION PRAIS LONG WANWAN WIK

*Average prices (t/kg) as at:		14/09/98	Range	07/09/98 - August 98
ARABICA:				
Green Bean (DIS LAE)	Y1	341	330 to 355	382 405
	Y2	NQ	NQ	NQ
	X	381	360 to 400	409 441
	A	403	370 to 440	434 470
Parchment (Factory Door)	Class 1	251	210 to 290	267 266
	Class 2	225	180 to 270	244 250
	Class 3	215	180 to 260	231 230
Cherry (Factory Door)		55	45 to 63	58 55
ROBUSTA:				
Green Bean		275	-to 275	275 264
Parchment		182	170 to 195	177 179
Cherry (Indicative)		44		44 44
New York "C" CLOSING		14/09/98		
Other Mild Arabicas				
US cents/lb		104.95		112.85 121.03
I Kina = US\$.416		.423 .410
Toea/kg.				
Without discount /premium		551.95		588.16 649.80
Without discount of 5c/lb		498.95		556.89 620.80
Y-Grade (Gross f.o.b. Lae*) (1)		498.95		556.89 620.80
Levy on (1) (2)		66.00		66.00 56.00
Y-Grade (Net f.o.b. Lae (1-2)		432.95		490.89 564.80

* Indicative

MAKET TOKTOK

Fiuta Prais bilong Kofi bilong Mun Desemba long Niu Yok i bin go daun gen inap % long las wik, na 22 mun i lus long taim i bin olsem long wanem ol expot bilong Brazil koki long Mun Septemba i bin plenti moa, na wantaim kopi bilong Columbia i plenti. Dispela samting wantaim hevi bilong wol ekonomi i wok long pulim ol maket prais long go daun.

Long PNG, diskount long Y-Gred koki i go antap na dispela i pulim FOB prais long lusim 12%, tasol prais bilong pasmen kofi long ol faktori i no behainim dispela lus prais yet.

PRAIS LONG OL FAKTORI DOA (t/kg) Wik i girap 14/08/98				
PARCHMENT RANGE			CHERRY RANGE	
AREA CLASS	ARABICA	ROBUSTA		
NATIONAL	210 to 280	180 to 270	180 to 260	170 to 195 45 to 63
KAINANTU	265 to 280	NQ	NQ	-to 63
GOROKA	260 to 280	235 to 255	-to 205	50 to 60
KUNDIWA	NQ	NQ	NQ	NQ
MINJ/BANZ	260 to 280	-to 270	-to 260	-to 45
MT. HAGEN	NQ	NQ	NQ	NQ
WAPENAMANDA	NQ	NQ	NQ	NQ
LAE	-to 220	-to 200	-to 180	NQ
ASEKI	-to 240	-to 230	NQ	NQ
MUMENG	NQ	NQ	NQ	NQ
WAU/BULOLO	-to 240	-to 230	NQ	NQ
WASU	NQ	NQ	NQ	NQ
MADANG	-to 210	-to 180	NQ	170 to 190 170 to 195
EAST SEPIK				44
Robusta cherry - Indicative				

Notes:

1. Dispela stail CIC Ltd. Industri Afes Divisan i wokim long soim ol Prais long wanwan wik.
2. Ekseins Reit: Long prais bilong US\$ wantaim kina PNGBC let kolim pel long kina wantaim US\$ long Mande long wanwan wik.
3. 1kg = 2.20462 lb
4. Prais bilong kofi long dispela wik ikam long prais bilong ol espota na prosesa long Mande wantaim prais bilong ol future prais long las Fraide.
5. Long kisim save moa long dispela telefonim CIC Industry Affairs Division long telefon numba 732 1266.

Ol manmeri husat i save sevim mani bilong ol long mekim profit em ol i save mekim invesmen.

Mining mipela i yusim hia em em wankain long ol bismisman i save yusim.

Long invesmen sapos wanpela man i putim mani bilong em i go insait long wanpela bisnis o beng, em i laik mekim invesmen.

Bai yumi sevim mani olsem wanem?

Ol hap we Papua Niugini manmeri i ken putim

seving bilong ol long mekim profit em:

- komesel beng
- sevings na lon sosaiti
- publik kampani
- Invesmen Kopresen
- gavman

Laik bilong ol manmeri long putim mani bilong wanem hap i no save isi. Yu mas glasim wanem hap yu laik putim mani bilong yu long Husat man i putim mani bilong em long wanpela bilong ol ogenaisesen antap i mas tingim tupeia samting:

- olsem em i ken kisim mani bilong em bek taim i laikim
- olsem em bai wokim gutpela profit long mani em i investim.

Sampela ogenaisesen i no save lukautim gut mani ol i kisim. Taim ol i westim dispela mani, ol i save painim hat long bekim bek dispela mani i go long papa bilong mani. Ol lain husat i save putim mani bilong ol i go long kain grup olsem i mas save olsem taim ol i no kisim bek mani bilong ol, interes i mas go antap.

Ogenaisesen we i no save lusim bikpela mani tumas i save olsem ol bai baim liklik interes tasol. Ol ogenaisesen we ol i save olsem ol bai lusim bikpela mani i save redi long baim bek bikpela interes.

- Rul em olsem:
- hai risk - hai interes
 - lo risk - lo interes

Yu mas tingim dispela long biha-in taim we yu ken lukim ol kain kain pasin bilong kisim dinau mani na



SBDC helpim yu wantaim ol liklik wok bisnis

MAK BILONG SEVING

seving bilong ol long mekim profit em:

- komesel beng
- sevings na lon sosaiti
- publik kampani
- Invesmen Kopresen
- gavman

Laik bilong ol manmeri long putim mani bilong wanem hap i no save isi. Yu mas glasim wanem hap yu laik putim mani bilong yu long Husat man i putim mani bilong em long wanpela bilong ol ogenaisesen antap i mas tingim tupeia samting:

- olsem em i ken kisim mani bilong em bek taim i laikim
- olsem em bai wokim gutpela profit long mani em i investim.

Sampela ogenaisesen i no save lukautim gut mani ol i kisim. Taim ol i westim dispela mani, ol i save painim hat long bekim bek dispela mani i go long papa bilong mani. Ol lain husat i save putim mani bilong ol i go long kain grup olsem i mas save olsem taim ol i no kisim bek mani bilong ol, interes i mas go antap.

Ogenaisesen we i no save lusim bikpela mani tumas i save olsem ol bai baim liklik interes tasol. Ol ogenaisesen we ol i save olsem ol bai lusim bikpela mani i save redi long baim bek bikpela interes.

- Rul em olsem:
- hai risk - hai interes
 - lo risk - lo interes

Yu mas tingim dispela long biha-in taim we yu ken lukim ol kain kain pasin bilong kisim dinau mani na

Ripot bilong pamuk pasin kamap long ples klia

Wasington, Amerika:

Ripot bilong pravet investigeta Kenneth Starr long pren na pamuk pasin we i bin kamap namel long namba pawaful man long wol, Presiden Bill Clinton bilong Amerika na wanpela yangpela wokmeri long Wait Haus, Monica Lewinsky i bin kamaaut long las Fraide na mekim pablik bilong Amerika na wol i kirap nogut.

Ripot i sutim tok long presiden long ol sas osem save na wokim giaman pasin long prenpasin, em laik stapi na paulim ol lain husat i karimaaut ol wok painimaut long dispela samting na yusim nogut pawa bilong em.

Mista Starr na lain bilong em i bin kamaaut wanpela wok painimaut long dispela samting na long Fraide, 455 pej ripot i bin kamaaut. Ol ripot i bin kamaaut long ol nius-pepa, redio, telivisen na intenet na pablik long Amerika na wol i lukim pinis. Ripot ya i sutim tok long Mista Clinton long giaman taim em i bin holim Baibel na tokaut osem em bai i tok tru tasol long prensip bilong em na Mis Lewinsky na tu em bin yusim opis bilong top sia long kantri long traum haitim stori long prenpasin.

Mista Starr i bin kisim ripot na ol toktok bilong Mis Lewinsky long taim bilong kot na aussit, stat yet long dispela yia Janueri. Em bin kisim tu ol toktok bilong Mista Clinton insait long wanpela intevyu long Wait Haus na taim em i sanap long kot bilong Gren Juri.

Ripot i tok Presiden Clinton i bin wokim pasin i no stret na i luk osem bai i gat ol kot gen long sas bilong wokim rong na giaman

long stet na dispela i ken bagarapim tupela yia moa Mista Clinton i gat long stap olsem presiden.

Ripot bilong Mista Starr bai i kamapim sempasin long presiden yet, famili na ol arapela lain we Mista Clinton i stap klostu long ol.

Ripot i bin glasim tempela taim we Mista Clinton na Mis Lewinsky i bin slip wantaim long Wait Haus. Ripot i bin autim Mis Lewinsky osem wanpela meri husat i gat bikpela laik tru long presiden bihainim ol ripot we em i tokim sampela pren osem presiden i bin tokim em (Lewinsky) osem em (Clinton) bai lusim meri bilong em na maritim Mis Lewinsky.

Ripot i tokaut tu long Mista Clinton osem marit man na politisen i bin laik haitim prenpasin na sutim tok long em (Clinton) long giaman tupela taim em i holim Baibel na wokim tok promis bilong em. Ripot i tok tu osem Mista Clinton i bin laik paulim na stapi na lain husat i karimaaut ol wok painimaut na ol witnes long dispela samting. Na tu em bin mis yusim pawa osem presiden long makim sampela opisa bilong em long haitim dispela samting insait long severa pelu mun taim ol wok painimaut long dispela samting i go het.

Long Fraide, Mista Clinton i bin tok osem em bin rong long wokim sin pasin tasol em sanap strong osem em no bin wokim rong egens long stet.

Em bin sanap long ai bilong ol riliges lida na askim kantri na pablik long lus tingting

long pasin we em i bin wokim. Long namba wan taim tu, em bin autim tok sori bilong em long Mis Lewinsky na famili bilong em. Tasol em bin tok em na ol loya bilong em bai i pait strong long egensim sapos ol i putim sas long em osem em bin gat save na givim ol giaman toktok na tu wokim rong long stet.

Long wiken yet, ol loya bilong em i bin wokim wanpela strongpela toktok insait long 73 pej ripot long salensim ripot bilong Mista Starr na long wanem as em i karimaaut kain investigesem osem we i autim ol pravet toktok na samting we i bin kamap namel long tupela Mista Clinton na Lewinsky.

Ripot bilong ol loya bilong Mista Clinton taim i no wanbel long planti samting long ripot i bin kamap wantaim, dispela samting we i bin kamap namel long tupela i nogat as long sutim tok long presiden osem em i wokim rong egens long stet.

Ripot bilong ol loya i tok ol tok sut long ripot bilong Mista Starr i bilong mekim presiden i sem tasol na i risain long wok bilong em.

Hia em ol tempela poin we ripot bilong Mista Starr i givim osem Presiden Clinton i asua long ol:

- Long tok promis we Presiden i bin mekim taim em i holim buk Baibel, em bin giaman taim em i tok em no wokim pasin pamuk wantaim Mis Lewinsky;

- Presiden Clinton long tok promis em i mekim i go long kot bilong Gren Juri i bin giaman long wokim pasin pamuk wantaim Mis Lewinsky;

- Long sapotim ol tok giaman long pamuk pasin Mista Clinton i bin tok promis osem i no bin gat wanpela taim em na Mis Lewinsky bin stap wantaim, ol yet;

- Presiden long tok promis i bin giaman long ol toktok we em na Mis Lewinsky i bin mekim long keis bilong Mis Jones;

- Taim kot bilong Misis Jones i kámap na em i autim ol ripot long ol presen we Presiden i bin givim long Mis Lewinsky, Mista Clinton na Mis Lewinsky i bin pasim toktok osem ol bai no nap wanpela toktok long dispela samting;

- Long taim kot i harim keis bilong Mis Jones, tupela presiden na Mis Lewinsky i bin pasim tok na haitim long kot ol trupela toktok long pren pasin bilong ol.

- Presiden i bin abrusim jas pasin taim em i painim wok bilong Mis Lewinsky long Nu Yor wantaim tingting na save bilong em i abrusim dispela kot bilong Misis Jones long wanem ol toktok we em i ken givim inap bagarapim presiden;

- Presiden long tok promis i bin giaman long ol diskasen we em bin wokim wantaim top seketeri bilong em Vernom Jordan long Mis Lewinsky i stap insait long hevi bilong Jones keis;

- Presiden i bin paulim pesenel seketeri bilong em Bettie Currie long tok giaman taim ol i askim em long ol samting we i sut long pren pasin na keis bilong Misis Jones.

- * Presiden Clinton i bin paulim ol wok jastis long kot bilong Gren Juri taim insait long sevenpela mun, em i no laik autim ol trupela toktok long pamuk pasin ya. Em bin giaman tu long ol woklai na helpa bilong em long Wait Haus wantaim save osem ol bai givim ol dispela tok giaman i go long Gren Juri. Dispela i soim osem presiden i laik bloklim jastis na wokim giaman pasin long kot na;

- Presiden i bin yusim nogut pawa we mama lo i bin givim em bihainim wok bilong em osem hetman bilong kantri long ol dispela rot:

- 1) Wokim giaman pasin long pablik na Kongres long mun Janueri taim ol ripot long pren na pamuk pasin wantaim Monica Lewinsky i kamap;

- 2) Tok promis osem em bai helpim Gren Juri kot long ol wok painimaut long dispela samting;

- 3) Bihain em no laik givim ol toktok long gren Juri long sikspela taim;

- 4) Giamanim Gren Juri long Ogas na wankain tu long pablik na Kongres long abrusim, haitim, stapi na paulim Kongres long mekim ol wok painimaut long dispela samting.




• Maski ol intenesenel helpim grup long wol i salim ol kaikai, marasin na ol arapela helpim, planti tausen pikinini i dai yet long Sudan, Afrika long olgeta de. I no long blikpela san i bagarapim ol na ol pipel i sot long kaikai tasol pait namel long ol grup na gavman i kamapim dispela hevi na kamapim hatpela taim, sin daun nogut na dai long planti tausen pipel long Sudan.

Dispela piksa i soim yangpela meri long Ajiep eria Ayak Agau, wantaim 18 krismas i karamapim liklik bebi bilong em, Ayp Mo husat i dai bipo em i planim em. Ajiep eria long Bahr el Ghazal provins em sivil wo i bagarapim tru. Em i stap long namel bilong pait na hangre i no pilapilai. Hangre na sik i mekim planti pikinini i go bun nating tru na planti bilong ol, ol lapun na ol arapela manmeri i nogat strong na ol i dai. Osem planti araepla pikinini, liklik bebi bilong Ayak i go bun nating tru na em i dai. Planti i save osem pait long Sudan we i winim 16 krismas nau i stap namel long ol Muslim Arab long not na ol blak kristen lain long saut. Na ol lain long not i liklik fosim ol saut lain long bihainim lotu na bosim ol long saut bilong politiks. Tasol insait long las 10 yias, ol grup long saut i wok long pait namel long ol wanpisin yet na olgeta ol dispela samting i kamapim hevi long kaikai i sot, ol pikinini na ol arapela manmeri i dai.

Piksa i kam long GUARDIAN WEEKLY.



• I no pait long wanem samting! Ol manmeri long Mosko, Rasia i pusim wanpela narapela long painim rot bilong ol i go insait long beng na rausim ol mani long sevings akaun bilong ol bihainim velu bilong mani bilong ol, rubel, i podaun i go daun moa. Hevi long ikonomi o wok mani na velu long mani i podaun em i wanpela samting we planti kantri long wol i bungim long dispela taim. Long Saut Is Esia em i go nogut moa na yumi long PNG i wok long kisim taim tu long wankain hevi.



Morobe bai kamapim Duadua festivol

YAKAM KELO i raitim

MOROBE Provinz bai i gat Duadua festivol wankain olsem Hiri Moale festivol bilong Papuan rijon tu long olgeta yia. Dispela em wanpela bikpela tingting Morobe Provinzel Gavman na Morobe Kalsarel grup i bin wok strong long en long kamapim.

Long las wok Fonde Septemba 3, 1998, wanpela komiti i bin lusim Lae na i kamap long Mosbi long bung wantaim arapela Morobe komiti na ol Morobe nesenel palamen memba long opim dispela Duadua festivol fan resing wok.

Ol komiti memba bilong Morobe provins husat i bjøfusim Lae na i kamap long Mosbi em, Kalsa siaman Mista Mutu Gware husat i makim Morobe kalsare kaunsel, David Haro interum deputi siaman bilong Morobe Provinzel Arts Kalsarel festivel, Munangke Tining siaman long fainens sab komoti, Murewec Zurenuoc husat em siaman bilong sab komoti maketing promosen na media liesen.



• Mista Tining na Zurennoc i bin kamap long Mosbi long fan resing bilong Duadua festivel. Tupela em komiti bilong dispela festivel. Poto: Yakam Kelo.



• (Lephan) Mamba bilong Makam Andrew Baing i sikan long Mista Mutu Gware long opim fan resing bilong Duadua festivel bilong Morobe provins.

Rot long Lae siti i bagarap olgeta

BIKPELA bagarap i wok long kamap long ol rot long Lae siti. Dispela long wanem bikpela ren i wok long pundaun yet long Lae. Long dispela as planti ol bisnis insait long siti i wok long poret nogut bisnis bilong ol i bungim hevi.

Siaman bilong Lae Sembra bilong Komes Alan MacClay i askim Provinzel Gavman na Lae sit Kansol long lukluk long dispela hevi na strem Hariap na noken long sutim tok i go kam nabaut long ol yet.

Em i tok, "Bisnis bai ron gut aninit long gutpela luk save long strem rot na ino long pointim pinga i go kam long narapela, dispela bai ino inap long halivim ol bisnis."

Em tok tu olsem ol Bisnis haus long Lae i mas i gat gutpela luk save long wanem ol i save givim K30 million i go long badset bilong Morobe Provinzel Gavman long olgeta yia long takis bilong ol kaikai na ol arapela sevis.

"I tru olsem olgeta rot long siti bagarap na yumi ino inap long

mekim wanpela samting bilong wanem em taim bilong ren." MacClay i tok.

Morobe Provinzel Gavman i bin givim K24 million long badset bilong em i go long Lae Siti Kansol (LCIA) long dispela yia ino bin kamap yet we dispela i kamapim planti het pen long ol kansol long strem rot.

Sampela halivim tu we wok long kam autsait olsem long Aus Aid i bin helpim long strem planti ol rot nabaut insait long siti long programe bilong ol inap long 4-pela yia.



• Strem pot hul...ol wokman bilong Lae i wok long strem ol pot hul long siti. Dispela piksa ya i soim ol wokman i karamapim ol pot hul long raun abaut long Eriku. Poto: Bustin Anzu.

Ol ripot long Finsafen bai-ileksen

Alfred Pogo em memba bilong Finsafen


YAKAM KELO i raitim

OL ASPLES kendidet bilong Finsafen yet i lus na man bilong narapela provins, Alfred Pogo husat i bin stap 15 krismas long Finsafen olsem pablik sevans woka i winim ol long las wika-ileksen.

Alfred Pogo bilong Westen Hailans provins na i marit long meri Simbu i bin winim ol arapela 22 Finsafen kendidet wantaim 2170 vot long winim sit bilong Finsafen ilektoret. Mista Pogo bai stap nesenel memba bilong Finsafen insait long narapela foapela krismas.

Man husat i bin kamap namba tu long Alfred Pogo em Lussel Theo wantaim 1814 vot. Lussel inap long kisim gut vot long las tripela balot bokis na winim dispela ileksen, tasol taim ol i kaundim las tripela bokis, Romoke Lotongia tu i wok long kisim sampela namba na brukim ol namba bilong Lussel. Olsem na Alfred Pogo i sindaun isi tasol na i no wari moa long las tripela bokis bokis ol Finsafen yet i wok long brukim ol vot bilong ol.

Narapela bikpela samting tu long dispela ileksen bilong Finsafen em, i gat klia luksave stret olsem ol Finsafen manmeri i wok long daunim ol lida bilong ol yet taim ol i kamapim blok vot. Olgeta Morobe Gavana Jerry Nalau i bin kisim gut vot long sait bilong nambis inap taim balot bokis i kamap long hap bilong Mape na bus eria, Jerry Nalau i stat long kisim 0. Nogat manmeri i vot long em. Wankain tu, arapela kendidet olsem Sane Gao o Manzao, Lussel Theo na ara-



• Helikopta i karim ol balot bokis i kam bek. Ol ileksen opisel i bung ol bokis long spot klab tali rum. Poto: Yakam Kelo.

pela moa i no bin kisim wanpela vot liklik long ol nambis eria. Olsem na long dispela as, ol lain olsem Alfred Pogo i no wari tumas bikos ol i wok long kisim wanwan namba long wanwan ples bilong nambis i go olgeta long bus na bungim olgeta namba wantaim na winim ileksen. Alfred i no save kisim wanpela bikpela namba. Em i wok long kisim liklik liklik namba tasol na bungim ol i go.

Long dispela as, pasin bilong blokem vot long arapela wantok kendidet i daunim ol yet taim risal bilong ileksen i kamap na man bilong narapela provins i winim ol.

Taim Ritingen opis bilong Finsafen Bai-ileksen, Tae Guambalek i ritim nem bilong wina bilong Finsafen ilektoret long Fonde 8 kilok moning,

planti Finsafen manmeri i daunim het na wokabaut isi i go wanwan wantaim bikpela warilong bel bilong ol.

Long dispela taim tu, i nogat wanpela kendidet i kamap klosti long moning na soim pes long harim risal. Olgeta kendidet i bin lus na hait nabaut long Trinde apinun yet. Wanpela kendidet tasol husat i bin raun ples klia em Sane Gao.

Total namba bilong ol manmeri i vot insait long dispela Finsafen Bai-ileksen em 18,430.

Tasol i gat luksave na komplen olsem planti manmeri i no bin vot bikos ol i nogat nem long Komon Rol. Long las yia 1997 nesenel ileksen em mak olsem 25,000 manmeri i bin

vot na opela memba Yaip Avini i bin win long 3,000 vot.

Bikos i gat 23 kendidet tasol i bin resis, i bin gat tingting olsem bai kendidet husat i win bai kisim olsem 4,000 o 5,000 vot.

Tasol bikpela as kendidet i win wantaim 2,000 vot em bikos planti manmeri husat i bin vot las yia i no vot long las wika-ileksen.

Long stat bilong kaunim vot long Gagidu Sentrel Tali rum, opela Morobe Gavana Jerry Nalau i go pas na man i bihainim em Stephen Mesa.

Tasol taim kaunim i go insait long bus ples, em Alfred Pogo i stat long go pas Lussel Theo i bihainim wantaim Paita Towana Wincey Wengkeoc na Lomoke Lotongia.

PDM lida welkamim Finsafen memba

LIDA bilong Pipels Demokretik Muvmen (PDM) lairo Lasaro i tok welkam long nupela memba bilong Finsafen Alfred Pogo husat i bin win long Finsafen bai-ileksen long las wika-ileksen 10, 1998.

Mista Pogo i bin winim dispela bai-ileksen bihain long sit bilong Finsafen i stap nating bihain long Suprim Kot i rausim opela memba Yaip Avini long ol asua bilong paulim mani.

Mista Lasaro husat tu em Minista bilong Kopret Afeas (mani) i tok long makim ol PDM pati memba na eksekutiv na sapota insait long kantri i tok amamas long Mista Pogo na welkam long em long pati.

Mista Lasaro i tok em i laik tok amamas tu long ol pipel bilong Finsafen husat i makim Mista Pogo olsem lida bilong ol insait long nesenel palamen.

Mista Pogo i bilong ples Kuk insait long Westen Hailans provins na i bin wok long-pela taim long Finsafen na Kabwum eria olsem kiap.

Em i bin sanap resis long 1997 nesenel ileksen we em i kamap namba tu long opela memba Yaip Avini. Em i traum gen long dispela bai-ileksen na winim wantaim 2170 vot.

Mista Lasaro i tok nau Mista Pogo i kam insait long PDM pati, dispela i apim na strongim namba bilong PDM i go antap long 25 memba olgeta. Na dispela bai mekim PDM i strong moa long givim sapot na strongim Gavman bilong Bill Skate na Michael Nali.

Mista Lasaro i tok em i gat bikpela bilip long Mista Pogo bikos long eksperians bilong em long wok klosti wantaim ol pipel bilong ples insait long 15 krismas olgeta.

Mista Pogo bai pait long bringim na kisim ol sevis na helpim we ol pipel i inilam i go long Finsafen ilektoret, Mista Lasaro i tok.

Ol asples komplen olsem ol i no vot

OL PIPEL bilong Buang na Siu eria insait long Finsafen distrik i no amamas bikos ol i no bin vot long 1998 Finsafen bai-ileksen long las wika-ileksen. Dispela em ol pipel insait long ples olsem Lanzara na Normarak.

Kaunsel bilong wod 19 husat i tokaut long dispela bel hevi, Mondo Nare i tok em ino amamas tru bikos mak olsem 200 manmeri long hap bilong em i no bin vot na dispela i daunim o haitim tru rait bilong ol manmeri long makim lida bilong ol.

Mista Nare i tok ol pipel bilong em i bin gat nem long bikpela buk bilong ileksen ol i kolim prinsipel rol buk na ol i bin vot long 1997 nesenel ileksen. Tasol ol i kirap nogut long lukim olsem ol i nogat nem long buk long vot long dispela bai-ileksen.

Mista Nare i tok tru ol pipel i gat nem pinis na i save vot long bipo, ol i no klia long wanem as na ol i no gat nem nau long vot.

Em i tok ol manmeri husat i nogat nem tasol i ken putim nem bilong ol i go insait long Sapimentri Rol long vot long dispela bai-ileksen.

Long sapotim toktok bilong Kaunsel Nare, narapela tripela bikman tu husat i gat dispela wankain hevi i bin kamap na autim bel hevi bilong ol tu long Wantok.

Ol tripela bikman ya em Boko Weimbe, Waiyaki Kunda na Ken Nare.

Tasol Ritingen Opisa Tae Guambalek i bin tokim ol pinis long Sarere nait bilong Septemba 5, 1998 olsem dispela hevi i no inap kamap sapos ol i bin hanap na sekim gen ol samting. Long las wika-ileksen taim i stat.

Narapela samting tu em ol wokman bilong Distrik Opis i bin salim toksave long olgeta manmeri i mas kamap na putim nem bilong ol long vot insait long Sapimentri Rol buk. Sapos ol manmeri i mekim olsem, ating ol i nap luksave olsem sampela hevi i stap na ol inap stretim longtaim yet, Mista Guambalek i tok.

Em i tokim ol tu olsem nogat wanpela samting bai ol i mekim nau long kolim ileksen gen long ol dispela ples we i no bin vot. Bikos i gat arapela ples tu we i gat dispela kain hevi we sampela manmeri i no gat nem na i wok long komplen long vot.

Em i tok sapos em i askim Provinsele ilektoret Opisa Kala Rawali bai em tu i tok nogut long kamapim vot gen long ol lain husat i no bin vot.

Finsafen bai-ileksen i pinis na nupela memba em Alfred Pogo, wanpela longtaim pablik sevans long Finsafen long 15 krismas olgeta. Alfred em bilong Westen Hailans provins na i wanpela sapota bilong Pipels Demokretik Muvmen (PDM). Win bilong Alfred bai apim namba bilong PDM i go antap liklik moa long 24 na dispela bai mekim ol i bikpela pati insait long Gavman bilong Bill Skate na Michael Nali.

Alfred Pogo i bin rejistair nem bilong em olsem independen kendidet antap long nominesen buk bilong ilektoret Komisin taim em i laik resis long dispela bai-ileksen, Ritingen Opisa Tae Guambalek i tokaut long dispela.

Tasol Wantok i save olsem em i bin kisim sapot i kam long PDM long las yia na dispela yia gen long go het wantaim ileksen bilong Finsafen.

YUMI FM

PNG HIT PARADE

1998

SPONSOR: TRADEWINDS

WB	L/W	T/W	SONGS	ARTISTS
1	1	1(11)	Golpex 105	Wass Kadoi
2	2	2(6)	Haffie Lista	
9	4	3	Fugu Fugu	Azzimbah
3	3	4	Kusai	Azzimbah
11	9	5	Rabaul	Patti Doi
6	6	6	Tingting Bilong Mi	Wass Kadoi
12	12	7	Takere Medley	Original Sirois
5	8	8	Table	Patti Doi
14	14	9	Hau Bai Yu Seve	Lista
15	15	10	Wari	Azzimbah
7	7	11	Vada Bolaomu	Azzimbah
4	5	12	Maupalsa	Azzimbah
13	13	13	Lebu Lebu Kekeni	Willie Tropu
8	10	14	Beautiful Madang	Monica Melbak
0	0	15	Kerere Garina	Guystars
14	16	16	Oh My Dear	Patti Doi
0	19	17	Yabob Medley	Willie Tropu
0	0	18	Rumaruma Te Mau'u	New Generation
0	0	19	Ameri Ute	Patti Doi
0	0	20	Fenua No Te Penu	New Generation

IN: Kerere Garina Guystars
Ameri Ute Patti Doi
Fenua No Te Penu New Generation

OUT: Gol Medley K-Dumen
Mama Bilong Mi Patti Doi

PNG FM PTY. LTD.
Trading as
NAU FM
and
YUMI FM

P.O. Box 774,
Port Moresby
Papua New Guinea
Ph: (675) 320 1996
Fax: (675) 320 1995

Finsafen plis fos painim bom long bilum bilong man hailans

SINIA Sajen Timothy Kumi i holim wapel a bom ol i bin kisim long bilum bilong tripela hailans man husat i bin go baim buai long Finsafen eria long Septemba 5 inap Septemba 8.

Komplen i bin kamap long ples Barongko klostu long Setelbeg stesin long Sarere Septemba 5 olsem sampela hailans lain i kukim bom na i bruk na bagarapim sampela haus long hap.

Long Tunde, tripela plisman Timothy Kumi, Gerald Puhe na Henry Sagiam i ron long ka i go antap long ples Barongko na bungim tripela hailans lain ya i slip long haus i stap. Ol i wok long wetim ol manmeri long karim buai i kam bek long apinun na bai ol i kisim i go bek long Lae.


Plis i kamap na sekim ples we ol i bin kukim wapel a bom long en long Sarere na bungim 13 bom bilong woa i slip i stap. Ol bom em ol asples i bungim na putim i stap bai ol atoriti i ken go rausim.

Ol asples i tok tripela man ya i bin kukim wapel a bom na i bruk long dispela taim.

Plis i bin holim tripela na karim ol i go daun long Finsafen Plis stesin. Tasol spes long plis stesin i liklik na tupela i arapela i bin go ausait long beil na narapela em plis i holim em inap long Fonde las wik we em i kalap long helikopta i go long Lae haus kalabus long wetim kot bilong em.

DAIREKTA bilong Nesenol Litrisi Awanes Sekreteriat, Willie Jonduo i tok Lae siti i wokim histri long holim litrisi wik insait long Lae long wapel a wik olgeta.

Em i tok kain pasin bilong Gavana bilong Lae, Luther Wenge wantaim ol wokman bilong edukeisen long kamapim dispela wik i soim tingting bilong



• Poto i soim sinia sajen Tomohty Kumi i holim dispela bom we ol i rausim long bilum bilong dispela hailans lain. Long lephan em sinia sajen Gerald Puhe na namel em wapel a spesel komuniti plisman bilong ples Barongko husat i bin kamapim dispela komplen. Poto Yakam Kelo.

Lae brukim rekot long holim nesenel litiris i wik

dispela provins olsem ol i laik go het. Em i tok, em i hamamas olsem dispela kain tingting i kamap long ol ofisel long Lae, long wanem pletni taim olgeta bikpela selebresen i save kamap long Mosbi tasol. "Mi laik tok klia long ol pipel bilong Lae, olsem i nogat narapela siti long kantri i bin

kam fowet long holim dispela kain wik. Pasin bilong yupela i soim olsem yupela i luksave long wok bilong litiris na yupela laikim provins bilong yupela long go pas," em i tok.

Mista Jonduo i tok olsem, Papua Niugini tu i wokim wapel a rekot long holim Nesenol Litrisi

WARA bai wasim rot i go long Buimo haus kalabus olgeta sapos ol wokman i no stretim gut rot bilong dispela wara kwik taim.

I no long taim i go pinis, graun i bin bruk bihain long bikpela ren na dispela i rausim dispela hap simen we wara i save ron antap. Bihain long dispela wara i painim rot bilong em, na i ron namel long rot, na i wok long brukim rot isi isi.

Nau yet, i gat tupela hap we wara i brukim name long rot, na sapos moa rein i pundaun i luk olsem bai wara bai wasim rot i go olgeta.

Dispela i mekim hat tru long ol liklik kar long go long dispela hap, long wanem bikpela hap giraun i pasim rot na wara i ron namel stret long rot.

Long seim taim tu, i luk olsem bai gavman i mas painim nupela hap long sanapim haus kalabus. Giraun we haus kalabus i stap i no gutpela, long wanem giraun i wok long bruk bruk, na CIS dipatmen i no gat plen long wokim nupela haus bilongol kalabus man.

Ol woda long dispela haus kalabus i bin tingting long lusim wok, tasol ol menesmen bilong CIS i bin holim sampela toktok wantaim dispela ol wok man.

I gat ol toktok i kam olsem Gavana bilong Morobe, Luther Wenge i bin bungim komisinia bilong CIS, Ken Serupi long painim nupela hap long sanapim haus kalabus.

bilong ol bikpela man-meri tu i go antap. "Kain ol wok i kamap long Lae i soim olsem, plenti ol arapela hap bilong kantri i bai lukluk long Lae olsem wapel a siti i go pas, na plenti bilong ol i bai bihainim," em i tok.

Mista Jonduo i wokim dispela ol toktok taim ol i pasim nesenol litiris wik long Lae hai skul.

ANIVESARI SUPA SPESSEL DRAWING IGO DILS



Helpim mipela long amamasim 35 yia bilong Toyota long Papua Niugini na kisim wapel a bagein bilong yia. Mipela salim gutpela kainkain Toyota ka long olgeta hap kona bilong kantri.

TOYOTA KIJANG PICKUP
Economy, style and performance. The 1.8 litre Petrol engine Kijang ute is the way to go. Call us now.
PRAIS K 26,376 TRU
SUPA SPESSEL DRAWING IGO PRAIS K 17,820
SEIVIM K 8,556

HIACE 15 SEATER BUS
The 2.4 litre Diesel engine, 15 Seater bus. Adjustable heater and assures you of Toyota reliability.
PRAIS K 41,937 TRU
SUPA SPESSEL DRAWING IGO PRAIS K 35,499
SEIVIM K 6,438

HILUX 4WD DOUBLE CAB
The 2.8 litre Diesel engine. Cloth trim. Double wishbone independent front suspension ensures superior ride comfort.
PRAIS K 60,297 TRU
SUPA SPESSEL DRAWING IGO PRAIS K 54,499
SEIVIM K 5,798

LAND CRUISER 75 4WD
The powerful 4.2 litre Diesel engine 4x4 pickup. Fully supported by Ela Motors Parts and Service network nationwide.
PRAIS K 53,628 TRU
SUPA SPESSEL DRAWING IGO PRAIS K 43,749
SEIVIM K 9,879

HILUX 2WD DOUBLE CAB
The 2.4 litre Diesel engine, offers responsive driving and powerful performance anywhere in Papua New Guinea.
PRAIS K 37,990 TRU
SUPA SPESSEL DRAWING IGO PRAIS K 31,489
SEIVIM K 6,501

DYNA 3 TONNE TRUCK
The 3.7 litre Direct injection Diesel engine. Dependability and comfort. Dynas are rugged, tough trucks that define practicality.
PRAIS K 43,554 TRU
SUPA SPESSEL DRAWING IGO PRAIS K 36,999
SEIVIM K 6,555

Ela Motors
TOYOTA
NATIONWIDE

Kam tasol long Anivesari so rum bilong mipela o ringim Anivesari Hotlain long lokol Ela Motors brens i stap klostu long yu!

PORT MORESBY PH 3229400 • LAE 4722322 • RABAUL 9821988 • KOKOPO 9829100 • MADANG 8522188 • GOROKA 7321844
MT HAGEN 5421888 • WEWAK 8562255 • KAVIENG 9842132 • KIMBE 9835155 • TABUBIL 5489060 • VANIMO 8571254
PONGERA 5479367 • KUTUBU 5496685 • BUKA 9839915 • LIHIR 9864099 • ALOTAU 6410100

Tapen helt senta long boda bilong Kabwum na Raikos

OL PIPEL bilong Tapen eria insait long Raikos Distrik bilong Madang na klostu tu long Kabwum distrik bilong Morobe provins i kisim nupela helt senta bilong en Ogas 31, 1998. Dispela helt senta i stap long Tapen Luteran misin stesin.

Ol bikman bilong Gavman husat i bin kamap long lukim na witnesim dispela open de bilong nupela haus sik long dispela bus bilong Morobe na Madang provins em, Sentrel provins Gavana Ted Diro, Madang Gavana Jim Kas, Helt Minista Ludger Mond, memba bilong Raikos Stahl Musa na memba bilong Kabwum Ginson Saonu.

Mista Saonu na Mista Musa i bin bel bruk tru long lukim dispela developmen bikos tupela i bin kisim skul bilong tupela long hap na planti taim ol tisa i no save laik go tis long hap bikos ples i longwe tru na i hat long transpot we i mekim hat long ol tisa long go wok long hap.

Tapen Luteran Misin stesin i stap long boda bilong Raikos na Kabwum distrik na i kam aninit long Ukata Luteran Sios Distrik we i stap insait long Ulap, Kabwum na Tapen seket.

Dispela misin stesin i bin kamap bipo long 1950 na planti samting i go olpela na bruk tasol ol pipel bilong Tapen yet i kamap wantaim tingting bilong wokim helt senta bilong ol.

Luteren Medikel Sevis i givim ol helpim wantaim ol wokman na ol samting. Mani mak olsem K18,000 i kam long Kanada Volentia Ogenaisesen we olpela rijnol memba bilong Madang Peter



• Piksa i soim ol VIP wantaim bilas long nek (Stat long lephan) Don Kudan, dairekta bilong Luteren Medikel Sevis Madang provins; Ted Diro, Sentral province gavana; Ludge Mond, Helt minista; Clant Alok, Madang provins edministreta; Stahl Musa, Raikos memba; Ginson Saonu, Kabwum memba; Wilson Michaels, Nesenel dairekta bilong Luteren Medikel Sevis na sampela wokman long opening bilong Tapen helt senta.

Barter i bin kamapim taim em i bin Helt Minista.

Ol aspies i go het na rausim olpela haus na stretim i go kamap dispela helt senta we i kisim ol tupela krismas long kamapim. Bikos rot bilong ka i nogat, ol pipel yet i save karim ol saplai na kago long nambis i go antap long wokim dispela haus sik.

Memba bilong Kabwum Ginson Saonu i tok em amamas long lukim ol pipel yet i go het na mekim wok bilong sanapim dispela haus sik we Gavman i no bin givim wanpela helpim long ol.

Mista Saonu i tok long pasin bilong tude, ol manmeri i save putim ol lida bilong palamen long bikpela hevi tru taim ol i save

kamap wantaim ol askim na laikim bilong ol.

Mista Saonu i tok mipela i no God bai mipela i ken stretim olgeta hevi bilong olgeta manmeri. Tasol eksen bilong ol manmeri long komyuniti long kamapim samting ol yet i soim lukluk bilong em long narapela 5-pela krismas long larim ol manmeri i go het na kamapim ol

samtina na em i ken kamap na lukim na givim helpim bilong Gavman i go antap.

Mista Saonu i tok em i laikim ol manmeri yet i mas kamapim samting bihainim luksave bilong sindaun na hevi bilong ol na dispela inap helpim ol gut moa long ol wok we ol nesenel lida i kamapim bilong ol pipel.

"Olsem na mi laik givim tu K5,000 long makim tok tenkyu na amamas bilong mi long yupela long hatwok yupela i mekim long kamapim na pinisim dispela woki, Vais Minista bilong Kalsa Tred na Turism na memba bilong Kabwum Ginson Saonu i tok.

Long dispela open de tu, memba bilong Raikos Stahl Musa i tok long givim K1.5 milien long stretim ol rot insait long Raikos eria wantaim ples balus long helpim bringim ol sosel sevis i go insait long ol pipel.

Mista Musa i mekim bikpela tok amamas tu i go long Luteren Medikel Sevis, Kanada Volentia Ogenaisesen na Tapen Komyuniti long kamapim dispela samting wantaim hatwok ol i bin putim long pinisim dispela projek. Ol arapela lida tu i mekim wankain tok amamas i go long ol pipel na ol lain i bin helpim long kamapim dispela helt sevis.

Minista bilong Helt Ludger Mond i tok em i sem long kamap long dispela ples na lukim dispela samting. Tasol em i amamas tru long lukim ol pipel yet i helpim ol yet.

Edministreta bilong Madang Clant Alok i tok Gavman i mas wok klostu wantaim sios na ino ken wok longwe long narapela.

RICE

W.C. & Sons



**Tok Amamas igo long Papua Niugini
long 23 Yias Indipendens bilong yu!**



LAIPSTAIL



• Distrik opis bilong Finsafen long fran em tupela masin gan bilong woa i poinim nambis.

Swit Finsafen, em naispela ples



YAKAM KELO i raitim

FINSAFEN olsem yumi olgeta i save harim, em i wapelai naispela ples we yumi wanwan yet i mas go na lukim. Reks ben i save singim olsem Swit Finsafen. Tru tumas em i naispela ples na em i wapelai distrik insait long Morobe provins we i gat planti bikpela stori bilong em long bipo i kam inap nau.

Ron bilong bot long MV Geamsao o MV Rita long Lae inap kisim tripela aua long karim yu i go lusim long Buki bris o Manimba bris. Taim yu krungutim graun bilong Finsafen, bai yu ken pilim Finsafen em wanem kain ples taim yu lukim ol manmeri i sanap kaikai buai o tok pilai na mekem ol maket bilong ol. Nogat man bai toktok o lukluk long yu olsem yu wapelai nupela man. Ol bai go het long wok bilong ol yet. Tasol taim yu toktok wantaim ol, bai yu ken save stret long pasin bilong ol.

Finsafen em ples bilong ol manmeri bilong harim tok na mekem ol samting isi tasol bihainim lo bilong Gavman na 'n bilong sios. Yu askim, bai ol i tokim yu. Yu askim, bai ol i soim yu wanem samting yu laikim.

Klostu wapelai wok mi bin go stap long Finsafen, mi luksave gut long pasin bilong ol manmeri long hap na mi lukim ples long hap i nais tru olsem wapelai hap bilong Paradais we i hait i stap.

Ol gutpela nambis bilong Finsafen i ken mekem yu lusim tingting long ol bikpela siti olsem Mosbi na Lae bikos olgeta arere bilong nambis i go i nais olgeta long go waswas, lukluk raun,



ronim spit bot i go pulim pis, holim liklik piknik pati na arapela amamas moa yet ken tingim long en. Liklik Gagidu stesin em ples tru bilong olgeta wokmanmeri bilong Gavman olsem ol tisa, Elcom woka, Telikom woka, Helt woka na arapela publik sevans bilong Gavman.

Ol stua bilong Gagidu i sanap long lain i go antap klostu long Finsafen Vokesenel skul na i save bisi olgeta de long sevim ol manmeri bilong Finsafen na tu ol wokmanmeri. Distrik opis bilong Gavman i sanap long Gagidu we i lukautim olgeta wok administresen bilong Finsafen distrik. Fisika Developmen Kopresen tu i sanap wantaim Distrik opis long karimaut ol wok na developmen bilong distrik. Distrik Edministretta

em Mista Waninara bilong Is Nu Briten provins.

Finsafen em ples we i gat stori long bipo yet i kam inap nau. Namba wan misinari bilong Luteran sios John Friel i bin kamap long Manimba bris wantaim gutnius baibel we ol bikman bilong Finsafen i bin helpim John Friel long karim dispela gutnius i go moa insait long arapela distrik na ol ples insait long Morobe provins. Dispela i kamapim Luteran sios insait long Papua Niugini.

Sapos yu ron long ka long Buki bris i go olgeta long Manimba, bai yu ken lukim olsem ol ples long hap i nais tru. Gutpela nambis na wara i kam daun long maunten na bung wantaim solwara. Ol lain kokonas na bus long sait sait i mekem rot i nais

olgeta long ronim ka long en i go olgeta. Bikpela haus sik bilong Butawen tu i sanap long sait bilong rot na dispela haus sik i save pulim planti sik manmeri i kam ausait long Finsafen distrik tu long kisim marasin long dispela haus sik. Dispela haus sik em bilong Luteran sios na planti manmeri i save laikim long go kisim marasin long hap.

Finsafen i gat tupela kain tok ples bilong em. Wapelai em Yabim na narapela em Kote. Ol lain long bus bilong Finsafen em ol Kote lain we ol i ken toktok na bekim long tok ples Kote yet. Ol Kote manmeri em hap bilong Pindiu, Burum na arapela moa ol i kolim ol maunten lain bilong Finsafen. Ol lain bilong Yabem em ol lain long nambis olsem Ngasigala na Yabem Mape era.

• Antap: Helikopta i pundaun long fran bilong Finsafen Distrik opis long Karimaut wok bilong ileksen long las wok. Poto: Yakam Kelo.

• Lephan: Ol dispela mama bilong Finsafen i bin brukim tulait long kukim kaikai bilong ol ileksen lain long las wok.

Wapelai bikman bilong plis, Sief Inspeksa Tom Kulunga, bos bilong plis insait long Momase rion i tok ol manmeri bilong Finsafen i mas wokim ol bikpela haus turis o ges haus bikos ples bilong ol i gutpela na naispela tru long pulim turis i kam long raun na lukim ples. Mista Kulunga i tok Finsafen em wapelai naispela ples tru bilong kirapim turis bisnis.

Em i tok planti manmeri i save wok long taun i no luksave yet long dispela gutpela na naispela ples na sapos ol i save, bai ol i tingting long go long wiken na malolo long gutpela nambis na ples bilong Finsafen.

Finsafen i gat nem long planti samting. Ol gutpela tumbuna singing na danis bilong em i save pulim ai bilong ol manmeri tu long lukim. Finsafen i kamapim tu planti ol pikinini husat i holim ol bikpela wok insait long kantri long sait bilong Gavman na pravet sekta na planti tu i kamap bisnisman.

Finsafen em narapela paradais ples i no divelop gut yet. Taim gutpela wok divelopmen i go insait long strem dispela ples i kamap gut, tru tumas olgeta manmeri bai lusim tingting long arapela ples na oltaim ol bai i laik go malolo long dispela hap tasol long wiken na holide bilong ol.

KANAGE



■ Kanage bilong Wes Sepik. Em wok wantaim Masta Ram long Magada plantesin long Madang. Orait wanpela moning, Masta Ram salim Kanage long baim suga long stua. Kanage kisim mani na kalap long baisal na tekov i go.

Em baim suga pinis na sisti i kam bek. Long rot em lukim sampela nilkapok bihainim rot i kam. Em lukim olsem na kisim hai filings stret olsem jok kisim em. Baga holim suga long hap han, holim stua long hap han. Na rausim longpela Mutrus na putim long maus na laitim. Em pulim smok na smok kam aut long nus na stailim stret i kam.

Tasol i no longtaim, fran wil bilong baisal i pamim wanpela ston. Kanage kapsait na antapim stret long kolta. Ol yangpela nilkapok i lap indai stret long Kanage. Bikos suga bilong bos o masta tu i pundaun na meme antap long kolta.

Kwik taim wanpela bilong ol yangpela meri kirap na askim ol arapela yangpela meri ol i go wantaim olsem: "Hey Girls, yupela lukim smok balus kam olsem long Vanimo na land long Madang eapot tu o nogat?" Em nau, ol brukim stret long lap.

Kanage kisim taim tasol em strongim em yet. Na tromoi i go bek long ol meri: "Save pinis, mangi PS, Air Niugini pailot ya, why wari."

Tasol taim em kamap long haus, masta askim em: "Olsem wanem na suga bilong mi i bruk nabaut?" Kanage sikirapim het nau na bekim: "No boss excuse me, tambaran ron after me and I fell down and it kilimdem and your sugar bruk on the kolta."

Masta i no amamas long dispela kain bekim. Em save olsem Kanage giaman em. Na em hatim Kanage: "You are telling lies." Kanage bekim: "No boss, Iam not forom Lae, Morobe province."

Bos paul olgeta na tokim Kanage gen: "You stupid." Kanage bekim: "Yes masta, I am forom Sepik."

Martin U. Ulad
POm Box 374
MADANG

■ Kanage em wanpela stail man stret. Em i gat wanpela liklik pikinini man.

Wanpela Sande moning, Kanage putim sotpela trausis na sindau stailim i stap. Yu save, kain stail sindau bilong paps Kanage ya.

Em sindau na tupela mama kiau bilong em i solap nogut tru olsem maunten kruget. Tasol Kanage i no bisi long dispela. Kiau i tait nogut tru na klostu trausis i laik bruk tu ya.

Na long ai bilong planti manmeri husat i sindau wantaim Kanage, pikinini man kisim katapel. Na sutim stret tupela kiau bilong Kanage. Man Kanage longlong na kirap singaut nau.

Taim em kisim win, em bikmaus long boi bilong em: "Yu longlong, yu rong na sutim kiau bilong mi ya. Saning ya i tok na yu lukim graun ya. Nogat bai yu drip drip raun ya."

Pikinini mna tekov na toktok i go bek long papa Kanage: "Rait olgeta."

Man olgeta manmeri kilim skin stret long lap wantaim rait filings.

Alois Kayiabe
St Paul's Parish
PO Box 186
MT HAGEN

■ Kanage em i wanpela soldia boi. Wanpela taim kampani bilong em go senism ol 1RPIR long Bogenvil. Taim ol i go kamap long Buka, ol 1RPIR i kalap long



sip na kampani bilong Kanage i kisim ples bilong ol, orait long apinun platun komanda i givim oda bilong em long lain bilong Kanage. Komanda i luksave olsem Kanage em wanpela strongpela man stret bilong pait. Na i no save givap long fran lain. Olsem na em i makim em olsem namba wan skaut.

Orait neks de ol i go patrol long bus. Kanage lidim lain bilong em i go pas. Na wok long toktok planti na mekim nais long fran. Em nau, platun komanda i belhat na sarapim em. Na dispela i mekim Kanage i swits of olgeta long ol drils bilong em olsem skaut long patrol taim.

I no longtaim Kanage i kisim kona long as bilong wanpela bkpela diwai. Na wanpela BRA i singaut: "Hands Up!!" Kanage kirap nogut tru na lusim masket bilong em. Sem taim BRA i pairapim em long bros. Na Kanage pundaun na tanim tanim i stap. Ol lain bilong Kanage lukim olsem na tek kava long bus.

Na namba 2 skaut krol i go na sekim Kanage. Na Kanage kirap na sekan skaut man i kalap nogut na tokim Kanage: "Man, mi ting yu dai pinis ya." Kanage harim olsem na bekim: Nogat ya, taim BRA i bin singaut Hands Up, mi kirap nogut stret na lewa bilong mi i kalap i go antap long nek bilong mi. Na em sutim bros bilong mi natting. Bihain lewa bilong mi i kam daun gen ya. Olsem na mi orait tasol."

F. Mangawi
B Company
Igam Barracks FMB
LAE

■ Kanage bilong Swit Fins na em i gat wanpela pren bilong Sulu. Tupela save stap long Kiunga. Kanage marit long asples na pren bilong em marit long Buang.

Ol stap i go na meri bilong Kanage bel na karim pikinini meri. I no longtaim, meri bilong Sulu tu bel na karim pikinini meri.

Tupela lukautim pikinini i go na ol pikinini stat long wokabaut. Tasol taim pikinini bilong Kanage stat long wokabaut, tit bilong em i no kamap yet. Tasol pikinini bilong Sulu em tit i kamap pinis.

Mekim na Kanage askim Sulu: "Pikinini bilong yu kamap bihain long pikinini bilong mi tasol em i gat tit pinis, na bilong mi i no yet." Sulu harim olsem na bekim: "Yu save pikinini Buang ya, tit i save kamap hariap na lus hariap taim ol i no lapun yet."

Alphaeus Starlone
LAE

■ Kanage wantaim ol manki bilong ples i wetim prnv long Sagalau maket long Madang. Ol i laik go long Bogia. Wanpela waitman i ronim ka i kam na Kanage i tro-moi han na waitman ya i stapim ka

Waitman ya i nupela man tu long Bogia olsem na em i oraitim ol boi long kalap wantaim em. Kanage i kalap na sindau sait wantaim waitman ya na olgeta boi i sindau long beksait. Ol i ron long ka i go na waitman i askim Kanage, "how far is Bogia?". Kanage tromoi het i go ausait na tokim ol boi, "yupela holim strong ain, bos bai spit ya". Orait ol i ron i go gen na waitman i askim Kanage gen, "how far is Bogia?". Na Kanage subim het i go ausait na tokim ol boi long beksait, "bos tok, yupela holim tait nau bikos em bai spit nogut tru". Taim waitman ya i harim olsem em bikmaus na tokim Kanage, "you son of a beach". Na Kanage tok, "yes, taim yumi tanim long kona bai yu ken lukim ol manmeri i sanap long bris i stap". Waitman i kaikai tit olgeta na rausim Kanage na ol bois bilong em long hap rot na em yet tekov i go long Bogia.

Petrus Piangu
Madang

■ Kanage wantaim liklik boi bilong em i sindau arere long Wara Simbu na stori i stap. Tupela sindau stori i stap na junia Kanage askim, "paps, mi kam long we?". Kanage i harim na painim hat tru long bekim dispela askim. Tasol bihain em tokim junia olsem, "pisin i kam tromoi yu taim yu liklik bebi yet na mi wantaim mama bilong yu i go kisim yu. Pes bilong yu i wankain olsem mi, olsem na mitupela mama bilong yu. i kisim yu na givim hot ti na yu save dring inap yu bikpela". Tasol junia i krai na tokim paps Kanage, "yu lukim manki i sindau long hapsait ston ya, em bilong Sinesine". Taim paps Kanage i harim olsem em sem nogut tru long mekim giaman stori long pikinini bilong em. Tasol em bekim na tok, "yu bilong Gembolg".

Peter Amindi
Goroka

■ Kanage i save wok long wanpela stua long Wewak. Wanpela taim em i spak nogut tru na bos bilong i askim Kanage long em i dring wanem na spak. Tasol Kanage i kirap na tokim bos olsem, bos mi dring SP, yu save long SP, em dring bilong yumi Sepik stret. SP em Sepik Pipel o Sepik provins 1 o Sepik Provins 2 na Saut Pasifik. Saut Pasifik em namba 3 provins bilong yumi ol Sepik Pipel we faktori bilong SP i save kam long en olsem na mipela Sepik i no save givim sans long holim em. Dispela toktok bilong Kanage mekim na bos bilong em i paul olgeta.

Pais Kelly
Aitape, Is Sepik provins

■ Wanpela taim Kanage i bin stap nogut tru na i go long nait lotu. Em i sindau klostu wantaim meri bilong em na harim

pasto i autim tok i stap. I no longtaim em kirap lusim ples bilong lotu na i go bek long haus bilong em. Haus i no longwe turmas long ples lotu. Taim Kanage i go bek long haus, em i kilim skin long krai i stap. Taim meri bilong em i harim olsem em i wokabaut i isi i go long haus na askim Kanage, "yu olsem wanem na krai i stap. Yu krai na ol manmeri i no harim gut toktok bilong lotu?". Kanage krai wantaim na tok, "dispela pasto i wok long sutim tok long mi tasol. Olgeta toktok em i autim i wok long sut long mi tasol na i no olgeta manmeri. Olsem wanem, mi tasol mi sin man bilong dispela ples ah?". Ol manmeri i harim na kilim skin stret long lap indai.

Hox Amos
Para, Morobe provins.

■ Kanage em kela man tasol em i save werim hat olgeta taim. Wanpela taim em kisim ka long ples na i go long Wewak. Long rot, em bamim wanpela pik bilong ol lain namel long Passam. Long apinun Kanage ronim ka i kam bek na em tingim pinis trabel em i mekim olsem na em rausim hat long het bilong em na haitim aninit long sit bilong ka. Taim ka i kamap long dispela ples, ol manmeri i stapim ka. Wantu Kanage stapim ka na askim ol, "yupela tu laik go long Angoram a?". Tasol ol tok, dispela ka tasol i kilim pik bilong mipela long moning". Ol i no luksave moa long Kanage bikos ol i luksave olsem em i kela man. Nau Kanage tok, "em stret, olsem na draiva i go lusim ka long mi na askim mi long ronim ka i go bek long Angoram". Em tok olsem pinis na statim ka na tekov i go olgeta long ples.

Robin Tuma
Wewak

■ Kanage em wanpela bikman bilong haus lotu long ples. Tasol wanpela taim em i bin go lukim susa bilong em long Koroba long Sauten hailans. Long hap em bungim wanpela yangpela meri na tupela save pren hait. Tasol ol yangpela i lukim pinis. Kanage i bin go bek stap olsem tupela mun pinis long ples. Wanpela taim Kanage i go autim tok long Koroba na ol manmeri i kam bung. Long dispela taim tu pren meri bilong Kanage i kam. Orait taim Kanage autim tok i go na tok, "noken stil, noken pait, noken giaman, noken pamuk". Na ol yangpela boi i harim na lap na tok, "i no mipela tasol, Agnes tu". Sem taim Agnes i sanap na poim han long bel bilong em na tok, "na dispela em bilong husat na yu laik haitim". Na Kanage tok, "samting bilong ausait em bilong ausait. Na samting we i stap insait em bilong insait". Em tok olsem pinis na wokabaut i go ausait na lotu i pinis.

Reuben Ika Sharu
Kokopo

Ol niusman raun long sip bilong ol Difens

FRANCO NEBAS i raitim

ONG spin o raun antap long sip bilong Papua Niugini Difens fos navy i bai hat long yu manmeri nat- ing long kalap long em. Tasol sapos yu gat invitasen long ol em bai yu inap long wan spin long sip.

Long las Fonde wanpela invitasen bin kam long Minista bilong Difens Peter Waieng askim olgeta ripotas (niusman) long wan spin wantaim em antap long wanpela sip bilong ol Difens Fos navy.

Nem bilong dispela navy sip ya em **HMS BUNA**. Dispela sip ya em wanpela olpela sip bilong PNGDF Navy we i bin go long Australia na ol i stretim na i kam bek. Long amamas bilong dispela sip em Minista bilong Difens Peter Waieng i salim invitasen long ol Niusman (Ripotas) na ol arapela guets long kalap ron long dispela sip amamasim kam bek bilong em. Dispela tu em long gutpela wok bung wantaim



kamap namel long ol Difens fos na ol ripotas long dispela kantri.

Apinun bilong Fonde ya i bin naispela stret we i nogat bikpela win i ron wantaim solowara silip sore. San tu i ret na wok long go daun isi isi long wes sait bilong wof.

Long dispela taim ol lain husat i kisim invitasen long kalap long sip tu wok long kamap isi bung long wof. Mipela olgeta kamap bung istap na wetim Minista na bikman bilong PNGDF wantaim Brigada Jeneral kenel Leo Nuia.

long kamap. Ino long taim ol navy i tokim mipela long kalap long sip na wet tasol long kamap bilong Minista Waieng. Long dispela taim tu em Gavana bilong Enga Peter Itapas i bin kisim invitasen long kalap long sip ya. Minista Waieng kamap wantaim ol delegates bilong em raua olsem 6 kilok antap long sip we olgeta photoman bilong ol nius pepa na EMTV i wok long kisim piksa bilong em kam antap long sip. Minista Waieng kamap na sekenim olgeta niusman na ol arapela guest antap long sip bipo mipela i lusim anka.

Mipela i lusim wof long samting olsem hap pas 6 na ron isi isi go aut long solwara.

Olgeta manmeri i lusim insait bilong sip go sanap antap long sait na kisim gutpela kol win istap na lukluk kam bek gen long Mosbi siti. Tok pilai na simuk lukluk go bek long Mosbi siti. Ples tu wok long go tudak na taim yu sanap lukluk i go long Mosbi wantaim ol laits ya i luk stail stret. yu ting olsem yu stap long ples bilong ol white man ya. Man taim mipela i wok long ron igo moa autsait em win i wok long kam strong na kisim bun bilong mipela stret.

Sampela bilong mipela i kisim taim stret long kol. Dispela i wok long mekem mipela simuk klostu klostu long daunim dispela kol. Sip tu ya i putim gia bilong em i go mo antap na klostu mipela ron olsem simuk balus ya.

Taim mipela i abrusim Manubada Island na yu save hap strongpela win long open sea i kisim mipela em na yu save pinis long hap stail bilong solwara i mekem save ya long sip na mipela i go kam nabaut. Mipela go moa liklik autsait na tanim we ol karim ol drinks na kaikai kam long mipela. Man ol niusman tu ya, taim ol i lukim sotpela meri (SP) ya ol i lus tingting olsem ol istap antap long sip. Ol i kam daun na ino givim sans

ya. Wan tu tasol ol i raunim tebol ya na olgeta samting ya i pinis. Tasol

Ol Navy save long sik bilong ol na redi pinis na stap. Ol man wok long holim SP braun na ol meri lukluk long stanley wain. Taim mipela i wok long amamas istap em ol bikman wok long givim ol toktok bilong ol. Yu save tupela bikman ya, Gavana bilong Enga Peter Itapas na Minista Waieng em ol lain antap long maunten ya na taim ol i toktok solwara tu wok long mekem wok long sait na ol i holim strong stret rop we ol i ken sanap strong na toktok. Sampela lain tu husat i bin kam wantaim tupela tu i kisim taim liklik long solwara taim em i wok long mekem wok bilong em. Taim olgeta toktok i pinis mipela i kaikai na pul isi isi go bek long ples. Plant bilong mipela i bin fes taim long ron antap long Navy sip.

Dispela liklik raun bilong mipela i bin gutpela stret we mipela olgeta i bin amamas long raun antap long sip bilong Difens na bungim ol toktok wantaim ol long laif bilong ol long solwara. Long pinsim olgeta liliimbur bilong mipela em mipela saining visita buk bilong sip soim olsem mipela i wan spin antap long dispela sip.



• (Antap) **Gavana bilong Enga Peter Itapas i givim toktok na holim pas strong rop long HMS Buna long wanem solwara tu i seksek ya.**

• (Lephan) **Misis Kuam Malai (L) na poro bilong em (R) sindaun amamas long HMS Buna. Sanap beksait em man bilong em Dr Kuam Malai (L) na sinia ripota bilong NBC Tom Alau.**

• (Aninit) **Minista bilong Difens Peter Waieng (L) sekenim edita bilong Wantok nuspepa Leo Wafiwa antap long HMS Buna. Sanap beksait em sinia ripota bilong National nuspepa Neville Togarewa.**



NEM: Martha Awayam
KRISMAS: 16 (meri)
ADRES: ARS Panga Kantri, PO Box 183, Bulolo, Morobe province.
LAIKIM: Kukim kaikai, harim musik, lukim TV na tok pilai.

NEM: Sipora Naton
KRISMAS: 16 (meri)
ADRES: Menyamya High School, PO Box 86, Menyamya, Morobe province.
LAIKIM: Pilai volibal, ritim buk, droim piksa, tok pilai na raun wantaim ol pren.

NEM: Ruth Nathan
KRISMAS: 15 (meri)
ADRES: Aseki Community School, PO Box 1, Aseki, Morobe province.
LAIKIM: Stori wantaim ol pren, tok pilai pilai basketbal, kaikai buai na wasim ol kolos.

NEM: Debbie Gearamu
KRISMAS: 17 (meri)
ADRES: Yha Hauka Coffee Mill, PO Box, 38, Aseki, Menyamya, Morobe province.
LAIKIM: Lukim TV, helpim ol papamama, danis, pilai hoki, raitim pas long ol penpren na tok pilai.

NEM: Jacob Joe
KRISMAS: 29 (man)
ADRES: Kimbe Town Authority, PO Box 127, Kimbe, WNBP.
LAIKIM: Raitim pas long ol penpren na laik painim wanelpa gutpela meri bilong maritim. Krismas bilong em i mas namel long 25 na 30. Mi bai amamas long bekim pas bilong yupela olgeta.

NEM: Dickson Kaven
KRISMAS: 17 (man)
ADRES: PO Box 590, Wewak, Is Sepik province.
LAIKIM: Wok long gaden, go lotu, harim musik, pilai soka na mekim penpren.

NEM: Peter Tim
KRISMAS: 19 (man)
ADRES: PO Box 193, Bialla, WNBP.
LAIKIM: Pilai ragbi, draivim ka, raitim pas long ol penpren na harim musik.

NEM: Silas Beta
KRISMAS: 19 (man)
ADRES: Hargy Division one, PO Box 4, Bialla, WNBP.
LAIKIM: Pilai ragbi, raun wantaim ol proman na baim niuspepa na ritim na laikim mekim penpren wantaim ol arapela lain.

NEM: Joshua Wamakui
KRISMAS: 16 (man)
ADRES: Hangy Oil Palm, PO Box 2601, Bialla, WNBP.
LAIKIM: Pilai ragbi tas, soka go swim long solwara, harim ol kantri musik, raitim pas long ol penpren na mekim penpren long ol arapela lain long narapela provins.

NEM: Matilda Chilly Otoo
KRISMAS: 22 (meri)
ADRES: PO Box 745, Agona Swedru, Ghana, West Africa.
LAIKIM: Painim wanelpa man husat i kai mekim pren wantaim mi na mitpela i ken painim amamas long sindaun bilong mitupela long bihain.

NEM: Abigail Newman
KRISMAS: 24 (meri)
ADRES: PO Box 745, Agona Swedru, Ghana, W/A.
LAIKIM: Ritim buk, mekim pren wantaim ol man. Mi wanelpa naispela na switpela meri Afrika na mi laik painim ol man i gat wankain laik na interes olsem mi. Bai mi bekim pas bilong yupela olgeta.

TOKSAVE
Yupela ol manmeri i salim pas long dispela sek sen bilong painim PENPREN, yupela i mas salim gutpela poto bilong yupela i kam wantaim.

Tewel maunten i no kilim las brata



BIPO bipo tru i bin gat 12-pela brata na ol 11-pela i strongpela na fitman long pait. Tasol las brata bilong ol tasol em i no strongpela man na i no fit long mekim ol kain samting olsem. Olsem na olgeta brata bilong em i no save laikim em na ol i save paitim em, krosim em na sampela taim ol i no save givim em kaikai.

Wanelpa nait olgeta i go painim abus long bikbus na dipsela liklik brata i stap em yet long haus bilong ol i stap. Haus bilong ol i haus tru. Ol i save slip nating long hul bilong wanelpa bikpela ston.

Bikpela mun i lait na bikpela win i kamap na ol maunten i pairap na dua bilong ston ya i pas na em stap insait long tudak stret. Yangpela boi ya i sindaun i go na laki tru dua bilong dispela ston ya i op gen na isi tasol em kisim ol samting bilong em na go ausait long dispela giaman haus bilong ol na go slip long ausait i stap.

Bihain ol bikpela brata bilong em i kam bek long haus wantaim ol abus na ol kaikai bilong kukim na kaikai.

Em nau liklik brata ya i siki i go tokim ol brata bilong em long wanem samting i bin kamap long hul bilong ston ya. Na ol i kirap sarapim em na tok nogutim em na tok

sapos ya laik orait ya ken slip ausait long kol win.

Tasol yangpela brata i strong nogut tru na tokim ol brata olsem, wanelpa samting i pasim dispela hul bilong ston ya, noken go insait long slip.

Em nau ol strong na kisim ol abus na ol kaikai i go insait long haus bilong ol insait long hul bilong ston ya na mekim save long kukim na kaikai i stap. Olgeta brata i amamas gut tru na mekim save long kaikai na slip nabaut i stap. Tasol liklik brata i pret na i no laik go insait long hul bilong ston ya. Olsem na em slip tasol long ausait.

Long biknait taim olgeta lain i slip indai olgeta, bikpela nais na pairap tru i kamap long dispela hap maunten. Klaut na maunten i pairap na olgeta brata insait long hul bilong ston ya i kirap nogut na laik painim ples long ron go ausait. Tasol nogat, bikpela ston long dua bilong dispela

hul i pas na olgeta brata i lok insait.

Liklik brata husat i slip ausait i ron go long dua na singaut, mi tok long yupela i mas harim tok na yumi olgeta slip ausait. Tasol yupela olgeta i sakim tok olsem na yupela strong na kam ausait nau.

Em tok olsem tasol na sanap lukluk i stap bikos i nogat wanelpa samting em inap mekim long sevim laip bilong olgeta 11-pela brata bilong em.

Olsem na olgeta 11-pela brata i dai insait long hul bilong dispela bikpela ston ya.

Nau sapos ya go long dispela hap bilong Maunten Ilu long hap bilong Tari, Sauten hailans provins, bai yu lukim dispela bikpela hul bilong ston i stap.

**Buddy Boii
(Igiri) Hagen**

Mi mas skelim namel long tupela meri na mi gat wari



Dia Laiplain,

Bipo mi pinisim skul bilong mi long ples, mi bin givim bel long wanelpa meri. Bihain mi bin lusim ples na kam long siti long go hetim skul.

Insaat long foapela krismas planti senis i kamap long mi. Mi tanim bel na kamap olsem wanelpa kristen. Mi save pre long painim wanelpa gutpela laip patna bilong mi. Mi gat laik long wanelpa wanskul sumatin meri bilong narapela provins. Mitupela i kamap pren nau. Mitupela wantaim i gat laik long sampela samting na tu gol bilong mipela long laip em i wankain.

Ol papamama bilong mitupela i amamas long prensip bilong mitupela na mi

bilip olsem meri ya em i rait patna we God i laikim bai mi maritim.

Tasol mi gat wari long meri long ples bikos em tu i laik bai mi maritim em. Wanem rot bai mi bihainim nau long streitim dispela hevi?

Held Back

Dia Pren,

I luk olsem yu na sumatin bilong siti husat bai mipela i kolim em C i rait olgeta olsem patna na yutupela i plen long maritim. Tasol tingting bilong yu i paul gen long plesmeri husat bai mipela i kolim long V we i wet i stap long maritim yu. Em i klia olsem yu bai i no inap long sindaun gut wantaim C inap yu streitim hevi wantaim Y pastaim.

I gat sampela rot we yu ken bihainim long daunim wari wantaim V. Yu no givim mipela moa infomesen long em na em i hat long mipela i skelim na glasim gut ol samting na helpim yu long en.

Bai yu sambai long helpim V na givim em fainensel sapot long lukautim pikini?

Yu mas save olsem pikinini ya i bilong yutupela wantaim na yu mas tingting gut nau na helpim meri ya wantaim pikinini. Sapos yu no wokim dispela, Y inap kotim yu long peim mentenes long pikinini inap em i winim 16 pela keismas.

V em i wanelpa kristen olsem yu na C? Sapos nogat, inap yu helpim em i kamap wanelpa? Yu gat wanem kain pilings long em? I luk olsem em i gat laik yet long yu na em i wet i stap long yu maritim em. Dispela em wanelpa samting we yu ken wokim.

Tru yu na C i gat laik long wanelpa narapela, yu no fri olgeta long maritim em, laga? Pasin we yu givim bel long V i min olsem yu mas helpim em na tingting bilong yu i no nap mekim yu lusim tingting long dispela.

Sapos yu go het na maritim C na i no V, bai yu no inap long sindaun gut bikos bai yu gat wari yet. Sapos yu laik streitim gut tingting bilong yu, yu mas lukim olsem sindaun bilong V na pikinini bilong yu long bihain taim bai gutpela.


Narapela rot tu em yu ken tokim V olsem yu laik maritim C na strongim em long painim narapela man.

Sapos em i laik maritim wanelpa man husat i laikim em na wanbel tu long lukautim pikinini, tingting bilong yu bai i streit na yu ken maritim C.

Mipela i pilim olsem i moabeta long yu i toktok wantaim V na tokim em we em i sanap na ol rot we i op i stap long yutupela.

Laiplain

Bik Bro REBO



SIPAK MAIKY





COPRA MARKETING BOARD OF PAPUA NEW GUINEA

Our Ref:

Your Ref:

Date

September 15, 1998

Dia ol Kopra Produsa,

Las wik, long pes taim tru long 55-yia histri bilong CMB, benk i no laik peim mani long ol sek bilong CMB.

Dispela hevi i bin kamap long wanem CPL long Rabaul i no bin peim Foa Milien Kina i kam long CMB long Kopra ol i bin kisim long CMB long mun Ogas.

Mipela i save olsem planti bilong yupela ol Kopra Produsa bilong CMB i bin kisim bikpela hevi long dispela taim olsem na, long nem bilong Siaman bilong CMB, mi i laik tokim yupela olsem mipela i sori tru long dispela samting.

Aste tasol long Mande Septemba 14, ol CPL i bin peim CMB Wan Milien Kina bilong dispela Foa Milien Kina dinau bilong ol na hevi bilong mani long CMB i orait nau.

Long dispela wik tasol bai mipela long CMB i kisim Tu Milien Kina moa i kam long ol narapela Kopra Baia husat i no bin peim CMB long ol Kopra ol i bin kisim long mun Ogas.

Nau olgeta samting i stap stret na long Tunde Septemba 15, PNGBC i tok olsem yupela ol Kopra Produsa bilong CMB i ken i go long benk na kisim mani bilong yupela long ol CMB sek yupela holim nau.

Mi laik tok bikpela tenkyu tru i go long Mista Aho Baliki, Menejing Dairekta bilong PNGBC, na ol Eksekutiv bilong em long wok ol i bin mekim long Tunde Septemba 14 long stretim kwik hevi bilong yumi long mani.

Dispela hevi long mani bilong CMB i no kamap nating.

Tok i paul i go kam long wanem ol PNG Groas Asosiesen wantaim ol lain bilong ol i laik bagarapim gutpela wok na gutpela nem bilong CMB.

Toktok Presiden bilong PNG Groas Asosiesen i bin mekim las wik i rong tru na mipela long CMB i ken kisim em i go long kot na sasim em long mekim pasin nogut long paulim tok.


Mani bilong CMB i no pinis. Mani i stap.

Mipela long CMB i stretim pinis ol samting long kisim kwik ol dinau bilong ol Kopra Baia.

Mipela i no laik kisim taim ken long hevi bilong mani.

Sori tumas long dispela hevi na tenkyu tru i go long yupela ol Kopra Produsa husat i sanap strong na bilip long gutpela wok bilong CMB.

God Blesim yupela olgeta wantaim ol femili bilong yupela.


Leslie Salum
DEPUTI SIAMAN

Cuthbertson Street
P.O. Box 81, PORT MORESBY
Papua New Guinea
Tel: (675) 321 1133/321 1513/321 2798
Fax: (675) 321 4257 Telex: Copra NE22135
E-MAIL: cmb@daltron.com.pg

Pipel i as bilong ol pait long Laiagap distrik

Dia Edita,

Mi laik bekim wanelala leta em i bin kamap long Wantok niuspepa bilong Julai 16, 1998 long pes 23. Insait long dispela leta, sampela lida i autim tingting bilong ol long pait i kamap namel long ol pipel bilong Pyalini na Tamagale traib, em long Apa Laiagam distrik bilong Enga provins.

Ol lida i autim sampela tingting we ol ting dispela pait i ken pinis. Mi kalap nogut long ritim dispela leta bilong ol. Bikos mi ting i nogat tru wanpela as long dispela leta bilong ol. Wanem samting ol i toktok long en o i autim i no biahinim wanem ol samting i kamap long eria, em long Laiagap distrik.

Mi no amamas long husat i givim aidia long raitim dispela kain leta i go long niuspepa. Bikos long plan- ti yia i go pinis, ol pipel bilong

Laiagap distrik i wok long pait na kilim ol yet olsem ol wail abus, olsem bilong wanpela wail wes provins.

Hia em ol tingting bilong mi long egensim ol tingting o toktok em ol lida i autim long dispela niuspepa long leta bilong ol:

- Gavana na Provinse Plis Komanda o gavman i no statim ol dispela traibel pait long Enga provins. Em ol wanwan manmeri, famili memba long komuniti husat i statim pait. Na biahin pait i save karamapim olgeta wan pisin o traib. Bai mipela sutim tok nau long husat? Mi ting mipela mas sutim tok i go long ol pipel yet. Olsem na ol pipel yet i mas stapim hevi bilong ol yet.

- Mi dispela leta na luksave olsem 7-pela bilong ol lida i putim nem long leta ya i bilong ol bikpela

wan pisin o traib insait long Apa Laiagap distrik. Mi laik askim olsem sapos yupela ol trupela lida, yupela yet mekim sampela wok long stapim pait long wanwan wan pisin bilong yupela o nogat? Sapos yupela ol trupela lida, yupela i mas go pas na paitim toktok namel long ol wan pisin long sekan na kain olsem. Mi ken tok yupela i no bin go lukim gavman na askim long stapim dispela pait. Samting tru em ol wan pisin o traib i stop namel save brukim ol yet i go i kam na givim sapot long ol pait. Mekim na pait i go i kam na stop longpela taim. Na planti gutpela manmeri na pikinini i dai pinis o kisim bagarap.

- Mi ken tok olsem ol pipel bilong Laiagap distrik i kisim lo i go insait long han bilong ol yet. Dispela hap toktok i karamapim tu ol pipel bilong dispela 14 wan pisin

o traib em i bin kamap long leta em mi bekim pas nau.

- Taim wanpela man o meri i dai bikos long pait namel long ol traib, ol dispela traib bai go bekim dinau na kilim o bagarapim laip bilong narapela traib, bikpela em bilong ol gutpela manmeri na pikinini. Dispela i skruim traibel pait i go bikpela na stop yet.

- Ol pipel bilong wan pisin i save kilim tu ol publik sevan olsem ol eit pos odeli na arapela helt woka, plisman, tisa, kaunsila, ol viles kot mejistret, ol pis opisa na sampela moa. Ol i bagarapim tu ol gavman sevis taim ol i kukim o bagarapim ol skul, helt senta, eit pos o klinik, ka, gaden na bris.

- Long pinisim tok, bai mi tok olsem nogat wanpela lida i mekim em yet i luk nogut long ai bilong

publik. Yupela ol lida i toktok tumas.

Nau em gavman bilong Gavana Peter Ipatas i mekim gutpela wok long stapim pait namel long ol wan pisin o traib. Na bringim developmen i kam insait long provins. Mipela olgeta i mas amamas long dispela gutpela tingting na hatwok.

Mi no ting ol lida bilong Apa Laiagap distrik husat em nem i kamap long dispela niuspepa i givim gutpla helpim na tingting long sapotim gavman long stapim pait namel long ol wan pisin. Na tu long wok bilong daunim hevi bilong lo na oda insait long provins.

Mi yet mi kisim taim pinis long ol dispela traibel pait insait long eria o provins.

Pablik sevan na victim

WABAG

Rausim ol lain bilong salim spak brus long Kimbe

Dia Edita,

Mi no save amamas long harim stori long sampela hailans man kisim mariwana o spak brus kam salim long Kimbe, Wes Nu Briten provins. Olsem na mi askim provincial gavman long mekim strongpela muv. Na rausim ol dispela kain nogut manmeri go bek long ples bilong ol.

Bikos kamap bilong kain smok nogut long taun na provins i bringim moa hevi nau. Em ol hevi olsem:

- Stil pasin;
- Moa long wanpela man i bagarapim wanpela meri;

- Kilim nating narapela man; na
- Kros pait kamap bikpela long ol setelen.

Mi askim olsem strongpela sekyuriti mas kamap long ol bris we sip save sua long en. Na sapos sekyuriti sekim man kam wantaim spak brus, holim pasim na sasim em. Olsem na plis tu mas stop helpim ol sekyuriti long bris.

Ol sekyuriti mas askim tu wanem ol lain long Kimbe em ol hailans laik salim spak brus long ol, em long ol waitman o lokol pipel? Dispela kain infomesen bai givim klia tingting long wok bilong ol lain i lukautim lo na oda long provins.

Tasol bikpela samting em givim bikpela mekimsave long ol manmeri i kam salim kain smok nogut long provins.

Em tasol.
M.K. Dickson
KIMBE

- Sapos yu laik salim pas bilong yu, salim long dispela adres:

EDITA
WANTOK NIUSPEPA
P. O. BOX 1982.
BOROKO, NCD

Sapot long putim kolta long Sauten Hailans

Dia Edita,

Mi wanpela man bilong ples long Sauten Hailans provins. Mi laik sapotim pas bilong Robert Agu em i bin kamap long dispela niuspepa. Em i rait na toktok long putim kolta long Sauten Hailans haiwe.

Mi yet, haus bilong mi stop arere long haiwe rot bilong provins. Na mi save lukim planti samting long haiwe i no gutpela. Olsem na mi laik komplen. Komplen bilong mi i go olsem.

Long lukluk bilong mi, planti hap bilong haiwe i nogat kolta. Mekim

na rot i save bagarap kwik. Na givim hevi long ol PMV na arapela ka i ron long rot. Mi askim anu gavana bilong provins long lukluk long dispela. Na putim kolta long haiwe.

Dispela bai helpim tru papa bilong ol PMV. Na tu ol arapela pipel na bisnis wok long provins long gro. Bikos ol i nidim gutpela rot.

Robert Agu
Walume Lalibu,
SAUTEN HAILANS



**NATIONAL HEART FOUNDATION OF
PAPUA NEW GUINEA INC**

Lem fleps i gat planti gris

**Sapos yu kaikai planti gris,
em bai lewa bilong yu i gat sik.
Kaikai helti kaikai tasol, sapos yu
laikim lewa bilong yu i stop helti.**

**P.O. Box 158, Mt Hagen, Western Highlands Province.
Telepon namba: 542 2199 Feks namba: 542 2384.**

Ol Finsafen i salim ol yet

Dia Edita,

Mi laik autim tingting bilong mi i go long ol pablik na ol manmeri bilong Finsafen long Morobe provins. Em lognd sipele bai ileksem em i bin kamap pinis. Mi ken tok tasol olsem ol salim hausman bilong ol i go long narapela lain. Na nau ol yet i stap nating. Mi no amamas long dispela pasin bilong ol manmeri na pikinini bilong Finsafen.

Pasin bilong yumi Melanesia em i olsem, papa bilong hausman bilong yumi em i samting bilong ol lain husat i kamap na i no stap klostu long en. Tasol i kamap bikman bilong dispela hausman. Na i no narapela lain i kam long narapela hap. Long dispela, mi ken tok olsem ol Finsafen i salim ol yet.

Na tu ol pikinini Finsafen i pulap tru

long kainkain save manmeri insait long kantri. Pikinini bilong yupela i stap long kainkain wok insait long gavman, bisnis, na ol sios wok tu.

Yupela ol manmeri Finsafen long ples, yupela salim yupela yet pinis long ausait lain. Yupela mekim samting olsem yupela nogat rispek long hausman bilong Finsafen.

Na nau yumi kamap olsem ol pikinini bilong Finsafen i no save long lukautim ol yet bikos ol i nogat save man. Mi gat bikpela sem tru long dispela pasin.

Yu husat pikinini Finsafen i egesim o sapotim dispela leta bilong mi, mi wet na amamas tasol long ritim.

Muhucjuc Muhucyupe

Banz

WESTEN HAILANS



• Ol bom bilong woa we ol Japan i lusim na go pinis. Plant bilong ol woa samting i stap yet long Finsafen. Poto: YAKAM KELO.

Leta i go long PSC Maprik

Dia Edita,

Mi laik putim komplen bilong mi i go stret long ol plis bilong Maprik long Is Sepik. Komplen bilong mi i go olsem.

Taim ol grasruti mekim nais o singaut na bikmaus nabaut long ol rot o striit bilong liklik Maprik taun, em bai ol plis i kam staphol. Na tokim ol long go nabaut long haus bilong ol.

Tasol nau yet, mi save lukim na harim olsem wanpela man i save pilaim na ful bals stret long stereo bilong em. Em save mekim bikpela nois, bikmaus na tok nogut wantaim.

Dispela man, em mi no laik kolin nem bilong em, i save distepim stret mipela ol pipel o komuniti. Mipela i no save slip gut long nait.

Mi laikim ol plis bilong Maprik i mas givim oda long dispela man nau.

Mi lukim olsem nau yet, yupela ol plis long Maprik i slek olgeta. Bipo taim Provinjal Stesin Komanda (PSC) Leo Kabilo i stap, em orait. Na nau wantaim nupela PSC, mi lukim olsem taun i go bagarap. Na i no olsem bipo. Klostu bai mipela kolin Maprik olsem 'kauboi taun'. Wokim long laik tasol.

Olsem na nau mi askim PSC Maprik, yu mas traum na lukluk long dispela.

Em tasol komplen bilong mi.

Peter Rumokeo
MAPRIK

Membu Koki no tingim ol bus Pomio/Baining pipel

Dia Edita,

Mi wanpela Lokol Level Gavman kaunsil bilong ples Lemena insait long Pomio distrik bilong Wes Nu Briten provins. Mi save wokabaut i go i kam long ples, na mi save tingim planti long Pomio distrik.

Hia em sampela askim i save kamap long het bilong mi:

- Dispela llektorel Developmen Fan (EDF) mani em Palamen Membu bilong mipela, Alois Koki i save baim bot na dingi. Tasol mi laik askim, olsem wanem ol moto bai ron i go antap long bus bilong Mamusi na kisim mipela ol kaunsil i kam long miting?

- i no ol nambis pipel tasol i votim Membu Koki. Ol pipel bilong Mamusi na Kol i givim vot tu. Tasol bilong wanem na memba i no tingim ol liklik?

- Bilong wanem na memba i no mekim wanpela wok kamap long Pomio/Baining? Mekim na ol

pipel long hap i stap yet olsem taim bilong Adam na Eve i bin stap long dispela graun.

- Taim membua i sanap 23 ya long Palamen, Pomio/Baining i no sensi liklik.

Long namba wan miting bilong Is Nu Briten provinsal gavman, wanpela ripot we Divisen bilong Informesen i bin raitim na ol i bin askim Membu Alois Koki olsem bilong wanem na yu save win tasol?

Na Koki i bin tok, dispela em i spesel askim bilong God olsem em (Koki) i mas sanap na makim ol pipel bilong Pomio distrik.

Dispela em sampela bikpela toktok em bin mekim long ol Informesen opisa:

- God i no laikim em bai i man bilong stil, man bilong paulim meri;
- God i no laik em bai i man bilong giaman na maus wara nat-

ing nating; na

- God i laik bai lida i mas lidim gut ol pipel bilong em long stret-pela pasin na soim ol long gutpela rot.

Tasol long lukluk bilong mi, na tu bilong planti manmeri long Pomio/Baining, sore tru olsem mipela painim hat long bilipm o daunim ol kainkain toktok bilong Mista Koki. Em long wanem em i jo tingim mipela ol pipel bilong bus.

Bikpela askim bilong mi long ol pipel bilong Pomio em long ting-ting gut long neks ileksem. Mipela mas makim wanpela lida na vot long em, em mipela ting bai mekim mipela gut long Palamen.

Paul Sopou
Wod Kaunsil
Ples Lemena
Mamusi Namba 1
Wes Nu Briten provins.

Pablik mas askim Skate long lusim PM opis

Dia Edita,

Mitupela laik tok olsem Skate gavman em i narapela kain gavman stret long histori o stori bilong Papua Niugini. Olsem wanem na praim minista i wok long senisim ol minista klostu klostu, wantaim tu ol bos bilong ol gavman dipatmen.

Mitupela ting dispela em pasin bilong Skate i pret olsem nogat em lusim sia bilong praim minista. Olsem na em i wok long pulim ol lain long Oposisen long strongim namba long gavman.

Mitupela laik tokim praim minista olsem kantri PNG i bagarap pinis olsem Oposisen i wok long tokaut. Olsem na mobeta pablik o pipel i mas askim Skate long lusim praim minista opis, olsem pablik i bin mekim long olpela praim minista, Sir Julius Chan long Sandlain hevi.

Prais bilong olgeta kaikai na samting long stua wantaim sevis i wok long go antap tru. Na mani i wok long sot klostu klostu. Na wanem kain gavman bilong Skate na Nali long i no mekim sampela kwik disisen long stretim dispela.

Bai mipela wet longpela taim na kisim mekimsave yet o olsem wanem? Gutpela gavman i no save mekim olsem.

Mandangu Niean na Joe Wainguand MAPRIK

Aitape victim tokaut long Aitape disasta akaun

Dia Edita,

Mi wanpela rita bilong Wantok niuspepa. Mi laik sapotim leta bilong Willie Napa bilong Wewak. Leta bilong em i bin kamap long dispela niuspepa bilong Septemba 10, 1998.

Leta bilong Willie i bin kamap aninit long het tok: "I mas i gat wanpela akaun tasol bilong Aitape disasta".

Mi laik stat olsem mi yet mi wanpela man i kisim bagarap long dispela birua long Aitape, we solwara bruk i kam na kamapim. Mi bin ritim long ol niuspepa, harim long radio, na tu lukim long televisen olsem planti helpim long mani, klos laplap na arapela samting i bin kam long

helpim ol trangu lain manmeri na pikinini long dispela bikpela birua.

Olsem tasol, mi sapotim dispela tingting bilong Willie Napa. Na laik skruim tok olsem husat i go pas long wok bilong tidal wave disasta long Aitape, i mas putim olgeta helpim i go insait long wanpela akaun tasol. Mi toktok long mani Na i no putim long tupela tripela o moa akaun olsem i wok long kamap nau.

Mi tu ting olsem sapos ol dispela helpim i go long wanpela akaun tasol, ol pipel bilong ples olsem Sisano, Warapu, Arop na Malol i ken kisim gutpela nam-bawan helpim.

Bikos nau yet ol wok i paul

Maski long daunim nem bilong Skate gavman

Dia Edita,

Mi wanpela mangi bilong ples Domic long Not Wagi eria bilong Westen Hailans provins. Mi save ritim long Wantok long Oposisen i bagarap tumas nem bilong gavman bilong Praim Minista Bill Skate, na namba 2 bilong em, Michael Nali.

Long Wantok niuspepa bilong Ogas 6, ripot i tok Oposisen sutim tok olsem Dokta Fabian Pok, Mista Nali, Peter Oneil na Praim Minista Skate i bagarap kantri.

Mi laik tok dispela tok Oposisen i mekim, mi pilim i no stret. Sapos Oposisen long toktok long kantri i bagarap, ating ol i mas poinim finge long olgeta gavman o ol olpela lida. Bikos nupela Skate/Nali gavman i ronim kantri long nau tasol. Na ong sutim tok long ol i no stret.

Mipela mas larim ol i wok longpela taim liklik. Na bihain mipela ken poinim finge nabaut. Em tasol bekim bilong mi. Mi bai amamas tasol long ritim wanpela bekim long leta bilong mi i kamap long dispela niuspepa.

Daniel Ngunal
Not Wagi
WESTEN HAILANS

bikos kainkain grup i laik mekim wok bilong ol yet o mekim sem samting.

Em tasol na tenkyu tru long harim o lukim bilong yupela. Mi laik kisim dispela sans tu long tok tenkyu tru i go long yupela olgeta pikinini bilong dispela kantri na long olgeta hap bilong dispela graun. Em long bikpela helpim yupela givim long mipela ol trangu manmeri na pikinini bilong Aitape long dispela birua.

God bles.

Hennie Puli
H20pu
Disasta Victim

THERE ARE MANY ROADS TO SUCCESS... HERE ARE 59 OF THEM

And the "road map" you need is the FREE ICS® Career Kit—the same Career Kit we've sent to millions of men and women all over the world. It works—and it can work for you.

ICS doesn't promise you success; no legitimate educational institution does. But we DO promise that, if you mail or fax this ad to us, we'll send you the Career Kit in the career area of your choice, without obligation, and get you started down the career road of your choice...the road that leads to success and a better life.

Please select one number only. Although you may wish to enroll in additional ICS programs later on, experience has shown that there is a far better chance for success when the student concentrates on one career area.

SEND FOR FREE FACTS—NO OBLIGATION

ICS LEARNING SYSTEMS

<http://www.icslearn.com>

World's Recognized Leader in Home-Study Training for More Than 100 Years.

ASSOCIATE IN SPECIALIZED BUSINESS DEGREE PROGRAMS

60 Business Management
61 Accounting
80 Business Management with option in Marketing
81 Business Management with option in Finance
64 Applied Computer Science
68 Hospitality Management

ASSOCIATE IN SPECIALIZED TECHNOLOGY DEGREE PROGRAMS

67 Electronics Engineering Tech.
63 Civil Engineering Tech.
62 Mechanical Engineering Tech.
65 Electrical Engineering Tech.
66 Industrial Engineering Tech.

07 U.S. High School Diploma

02 Electronics

05 Hotel/Restaurant Management

13 Professional Secretary

35 Travel Agent

14 Air Conditioning & Refrigeration

32 Art

59 Catering/Gourmet Cooking

23 Medical Office Assistant

24 Dental Office Assistant

51 Fashion Merchandising

33 Motorcycle Repair

52 Surveying & Mapping

22 Wildlife/Forestry Conservation

56 Pet Groomer

47 Animal Care Specialist

89 Small Engine Repair

08 Legal Assistant

48 Computer-Assisted Bookkeeping

42 Dressmaking & Design

87 TV/VCR Repair

04 Auto Mechanics

12 Interior Decorator

18 Bookkeeping

06 Electrician

CAREER DIPLOMA PROGRAMS

03 Child Day Care Mgmt.

38 PC Specialist

55 Diesel Mechanics

94 Fitness & Nutrition

85 Drafting

54 AutoCAD

41 Journalism/Short Story Writing

40 Photography

70 Computer-Assisted Small Business Mgmt.

79 Electronics Technician

25 Gunsmith

26 Teacher Aide

30 Floral Design

27 PC Repair

15 Home Inspector

<p



TOKTOK BILONG PRAIM MINISTA, HON BILL SKATE, CMG MP, I GO LONG PNG

long 23 Independens Eniveseri, 16TH SEPTEMBER, 1998



• Praim Minista, Hon Bill Skate i paitim kundu long Enga So. Sotaim em i pevarit taim bilong em long bung wantaim ol pipol.

Ol pipel bilong mi long Papua Niugini, mi toktok long yupela long dispela 23 eniveseri bilong independens long Papua Niugini.

Olsem independen kantri bilong mipela em yangpela kantri long lukluk bilong westen stended, kantri bilong mipela i stap bipo na i gat ol gutpela stori bilong en i go bek long planti tausen krismas bipo.

Yumi gat wanpela luksave we i kamap long planti kainkain tok ples, kastom na pasin tumbuna long planti ples.

Tasol maski wanem hap yu kam long en olsem long hailans, Niugini Ailans, Galf, Milen Be, Bogenvil, Sepik, Sentrel na ol arapela ples moa we i kamapim kantri bilong mipela, yu em Papua Niugini manmeri.

Taim yumi em yangpela kantri, insait long 23 krismas yumi lukim planti samting.

Yumi bungim ol bagarap na hevi we man i kamapim na ol yet i kamap, bikpela ren na wara i tait, bikpela drai taim, ais iukim ol ples na samting, bikpela guria na birua bilong solwara.

I no longtaim i go pinis yumi bungim bagarap long Aitape. Tude mi laikim yu mas prea wantaim mi long tingim ol brata na susa na ol pikinini husat i lusim laip bilong ol long dispela birua.

Mipela i bin lukim kros pait namel long mipela yet we Papua Niugini yet i pait long em long Bogenvil insait long 9-pela krismas. Kantri bilong yumi i lusim planti laip na maski wanem sait yumi pait long en, yumi no ken lus tingting olsem ol man, meri na pikinini husat i dai em ol Papua Niugini man-



• Misis Skate, Praim Minista Skate, Presiden B.J. Habibie na Misis Habibie, kamap long bung long Indonesia.

meri.
Nau gutpela sindaun i go bek long Bogenvil.

Mipela i mas luksave na lainim olsem dispela kain asua i noken kamap gen we inap bagarapim laip bilong ol manmeri gen long dispela kain pasin.

Yumi bin lukim ol gutpela samting i kamap long Papua Niugini. Yumi lukim mani i kam long ol risoses bilong mipela long graun. Yumi lukim mani i kam long ovasis long ol gol, kopa, oil na timba bilong mipela tasol mipela i lukim ol dis-

pela mani i go nating. Yumi bin lukim ol gutpela samting i kamap long kantri bilong mipela. Tasol yumi i no sevim ol dispela gutpela samting long sindaun bilong yumi long bihain.

Dispela em sori samting tru.

Nau em taim bilong kisim bek ol dispela gutpela samting.

Tude em taim bilong putim ol paul na krangki pasin bilong bipo i go beksait long mipela na kamapim gutpela Papua Niugini bilong bihain taim.


Gavman bilong yu i wok long bringim bek ol gutpela samting i kam long Papua Niugini. Mipela i wok nau long sevim ol mani i kam long graun na solwara bilong yumi long i noken lus nating.

Mipela i laik lukim dispela mani i wok long kamapim Papua Niugini.

Olgeta yia yumi save amamasim independens De na long nau i go, mi laik yu lukim ol gutpela samting i kamap long kantri bilong yumi.

Wantaim ol bisnis patna bilong mipela long maining na indastri, mi bilip bai yumi ken mekim ol samting i kamap.

Yumi gat sampela gutpela kampani tru insait long wol i wok nau long Papua Niugini. Plant bilong ol i wok klostu wantaim Gavman bilong yu long lukim olsem invesmen bilong ol na ol risos bilong mipela i kamapim gutpela helpim i go long ol sea holda bilong ol dispela kampani na ol sea holdbilong Papua Niugini.



• Praim Minista Skate na Praim Minista Howard, sanap long taim ol pilalm Nesenel Antem bilong PNG, long Canberra - Australia.

Seaholda bilong Papua Niugini em olgeta manmeri na pikinini husat i kolin em yet Papua Niugini.

Lukluk bilong Gavman bilong mi long kamapim ol gutpela samting long kantri i klia.

Mipela i no lukim ol gutpela samting em bilong helpim tasol ol bikpela man insait long kantri. Ol gutpela samting i no bilong ol mani man na ol biknem lain long ol i kamap bisnis lain wantaim planti mani na gat moa pawa. Dispela em pasin we i bin kamap long bipo na mi laik senisim dispela. Dispela Gavman i stap long wok bilong kamapim ol wok bisnis bilong ol Papua Niugini pipel long kisim helpim long en.

Wok bilong mipela em long stretim gut sindaun bilong ol manmeri we mipela i mas kamapim gutpela edukesen, helt, wara saplai na ol rot na bris samting. Mipela i laik lukim ol dispela samting i kamap long ol ples.

Bihain long 23 krismas bilong independens, mipela i bin wanbel tasol long ol bagarap long ol sevis. Ol Gavman i no bin tromoi mani long stretim gut ol sevis na stretim gut ol rot, bris na ol arapela sevis.


Ol publik sevens na ol bikman bilong Gavman i no wari long dispela. Dispela kain pasin em Gavman bilong yu i no inap wanbel long en.

Mi tait pinis long harim ol eskius. Nau em taim bilong stretim gut ol sevis na muviv kantri i go fowet.

Dispela em bikpela toktok bai mi mekim dispela wok taim mi bungim ol lain bilong Intanesenel Moniteri Fan (IMF), Wol Beng, ob bisnis lida na toktok long Yuniyat Nesen Jenerel Asembli.

Tru olsem ol samting bai hat long ol taim i kam. Bikpela

bagarap long ekonomi insait long wol, ol dinau bilong mipela long arapela kantri i bin kamap bikpela long planti krismas i kam stat long independens yet i kam na ol hevi na bagarap long kantri tu i mekim ol samting i go hat moa long yumi. Tasol bai yumi sanap strong egensim ol dispela birua na bagarap long strongim kantri bilong yumi. Na yumi ken



• Praim Minista, Hon Bill Skate na BIG vais - Presiden Joseph Kabui kalap long helikopta long Bougainville dispela yia. 10 pela yia i go pinis, Bougainville i bagarap, tasol nau hamamas na bel isi ikam bek.

egensim dispela birua gut.

Nau em taim bilong ol manmeri long bungim han wantaim Gavman bilong yu long developim dispela kantri bihainim pasin bilong wok hat.

Nau i no taim bilong ol lain i save kisim bikpela pe long askim long moa mani. Nau i no taim bilong ol manmeri i askim long kisim 100 pesen (%) i go antap long ol pe bilong ol. Nau em taim bilong mipela long sanap strong na helpim Papua Niugini.

Wanwan bilong mipela i mas askim wanem samting yumi ken mekim long kamapim ol gutpela samting long kantri bilong yumi.

Tru independens em fridom... fridom bilong yumi yet i lukau-tim na go pas long wokabaut bilong yumi i go.

Taim yumi rausim hevi bilong ol ovasis dinau, taim olgeta manmeri i gat sans long gutpela edukesen na helt na taim ol pipel bilong yumi i kisim ol sevis, yumi ken stap long kain sindaun yumi laikim long en. Yumi ken sindaun fri tasol.

Olsem Praim Minista bilong yupela na wantaim sapot bilong Gavman bilong yu, mipela bai kisim Papua Niugini i go long tru fridom, independens na gutpela sindaun bilong en long bihain.

Mipela i redim rot bilong go long en na mipela i stretim ol samting bilong kisim Papua Niugini i go fowet long gutpela sindaun long bihain.

Long dispela taim bilong independens, mipela i mas tingim ol papa bilong dispela kantri. Bikpela tru em Sief, Sir Michael Somare husat i bin namba wan Praim Minista, na Praim Minista husat i bihainim em Sir Rabbie Namaliu, Paias Wingti na Sir Julius Chan na arapela lida tu husat i bin helpim long kamapim Papua Niugini.

Las long en, mi laik salim gutpela tok amamas i go long ol sampela lain manmeri husat i no stap nau long kantri long dispela taim bilong Independens De. Em ol lain long tim bilong PNG husat i go pilai long Kuala Lumpur Komonwel Gems.

Taim yu resis, yu mas save olsem yu resis long nem bilong kantri bilong yu. Mipela i no wari sapos yu winim medel o nogat. Tasol sapos yu go long hap na pait strong long nem bilong kantri bilong yu, kantri bilong yu bai amamas long yu. Gud lak long yupela.

Mi tok amamas tu long olgeta Papua Niugini manmeri, maski yu stap long wanem hap bilong wol, gutpela tok amamas i kam long famili bilong mi na mi long dispela Independens De.

Bikpela i blesim yupela olgeta

Mendi i holim Hailens Rijonal soka tonamen

HAILENS RIJONAL SOKA SEMPIOINSIP RIPOT

MENDI taun bai paia long dispela wiken taim ol soka senta long Hailens i bung long Momei Oval long salens long namba wan Hailens Rijonal Soka tonamen.

Dispela bikpela resis pulim 14 tim bilong man na meri long salens long lukim husat i king bilong soka long hailens rijon.

Tonamen ya i stat aste na bai pinis long Sande. Ol tim husat i givim nem na kamap long dispela kik resis em Wabag, Mt Hagen, Simbu, Goroka, HosTari Kutubu, Mendi Kutubu na Tari.

Gavana bilong Sauten Hailens Anderson Aiguru i givim K10,000 i go long lukautim dispela tonamen wantaim halivim i kam long tupela bikpela kampani Coca Cola na Wills (PNG).

Coca Cola i givim K3,000 na Wills i givim ol trop bilong dispela soka tonamen.

Kodineta bilong Hailens Rijonel Soka tonamen Ananias Popo i tok tenk yu long tupela kampani long opim han bilong tupela na sapotim spot long rual eria. Namba tu praim ministra Michael Nali i bin opim dispela tonamen.

OL tim bai pilai long tupela pul. Pul A em, Wabag, Goroka, Kutubu na Mendi tu, Pul B Simbu, Mt Hagen, Tari na Mendi wan long divisen bilong man. Ol meri em ol bai pilai long raun robin sistem.

Ol meri bai pilai long raun robin sistem long wanem 6 pela tim tasol bai kamp long dispela resis. Foapela tim husat i pinis antap long poin lata bai pilai long fainel ya.

Wanem tim i kamap namba wan bai kisim K1,200, namba tu K800, namba tri K500 na namba 4 K300. Dispela em long divisen bilong man na meri wantaim bai kisim dispela ol prizes.

Rapatona pretim Yuni long winim maina primiasip

PMSA SOKA RIPOT

RAPATONA i pretim pinis Yunivesiti long winim maina primiasip taitel biahin long ol i nekim ol 2-1 long bikpela primia gem bilong Pot Mosbi soka las wiken.

Dispela em i namba tu taim Rapatona i autim Yunivesiti biahin long ol gutpela pilaia bilong ol i raun long Vanuatu.

Gem ya em i strong tru long namba wan hap. Olsem na long dispela as tasom na i nogat wanpela gol i bin kamap inap hap taim.

Long seken hap Rapatona i kam bek strong na kisim bal i go insait long hap bilong ol sumatin.

Sko a bilong Rapatona i kamap taim straika bilong ol John Mark i laik sutim gol na fulbek bilong Yuni Nuata Inara i kam long beksait na kikim em.

Olsem na referi i givim penalti na Leslie John i pairapim umben ya.

Dispela gol i no mekim wari long Yuni na tupela midfilda Desmond Waku na Batman Furigi i save long hap stail bilong tupela ya na mekim i wok na setim tupela straika Hans "German" Gewabing na Steven Mune long traum levelim skoa.

Ino long taim em m-angi Markham Gewabing pairapim gol long levelim skoa.

Dispela gol i luk olsem bai tupela tim ya dro tasol difens bilong Yuni i selek liklik na Peter Punau painim wanpela spes na apim skoa bilong Rapatona go 2-1 long ful taim.

Long ol arapela gems, Difens rausim trasis bilong Blu Kumuls 5-2, Babaka go daun long Tarangau 4-2, Adau autim IBS United 3-2 na Gurua fotetim Sobou.

Long resis bilong ol meri kompitisen lida Telikom i wok long flai hai yet taim em i bagarapim sindaun bilong Normads 6-0, ICF Yuni autim Tarangau 1-0, Wanzezi nekim Blu Kumuls 1-0, TST Stars winim Sobou 1-0 na Difens fotetim Nani.

Taim bilong fainels nau long Lahi soka

LAHI SOKA RIPOT

FRANCO NEBAS i raitim

OL FAINELS bilong LAHI Soka Asosiesen bai stat long dispela wiken long Sir Ignatius stadium na Yunitek oval long dispela wiken Sarere.

Bai i nogat gem long Sande bikos i gat ol arapela program bilong Indipendens bai kamap.

Presiden bilong Lahi Moses Demas long Mande i tokaut pinis long ol klab husat i winim maina primia long dispela yia. Ol man klab husat i winim taitel ya em primia wan Cellnet Sobou, primia tu Cellnet Sobou, divisen wan DAL Labu na divisen tu K.A.Mitmot.

Long divisen bilong ol meri em divisen wan Elcom, Divisen tu Difens, U19 wan Cellnet Sobou na U19 tu DAL Labu.

Demas tu i tok dispela sisen i gutpela tru na i no gat wanpela bikpela hevi o tra-

bel i bin kamap. Em i bilip olsem dispela wankain pasin bai kamap neks yia long mekim sisen i moa gutpela.

Long Sarere, gem bilong primia wan bai stat namei long tupela strongpela tim ya Gurua na Telikom. Tupela tim ya bai pait long namba tu na tri ples. Wina bilong dispela gem ya bai bungim maina primia Cellnet Sobou wiken na lusa bai traum gen wina bilong Difens na Yuniversity.

Lusa bilong Yuni na Difens bai hangamapim su inap neks yia. Long resis bilong meri tu em wankain we Waliya bai kisim Dazzale Morobe United long namba tu na tri ples na Gurua wantaim Rapatona long lukim husat bai tok gut bai bai long gem namei long Telikom na Gurua bai lukim strongpela pilai kamap long tupela sait wantaim. Tupela sait wantaim i luk wankain long strong na bal wok. Wanem tim i mekim liklik asua bai win.

Guria i gat ol ekspirens pilaia olsem Peter Paliwa, Alwin Nema, David Banap, Philemon Tamari na Steven Yalu husat bai go pas long win im gem.

Kosa Richard Nagai bai misim tru sevis bilong straika John Kaling na Hans Fred husat i stap nau long Vanuatu long kik resis bilong Melanesian Kap.

Nagai i no war i bilong em i gat tupela arapela pilaia olsem Yakam Kipu na Eddie Fred long helpim Paliwa long beklain.

Telikom husat i soim pes namba wan taim long fainels bilong Lahi bai traum long winim gem.

Kepten Gidix Nasa husat i no laki tumas long winim spes long Melanesian Kap bai go pas long helpim tim bilong em i win.

Nasa bai kisim helpim i kam long tupela midfilda John Koris na Nicholas Puy. Ol arapela pilaia husat bai soim pes long fainel em John Yagum, Eston, Abia Abia, Ambros Puy na Yanding Tomda.

Long play ov namei long Yuni na Difens tu bai kamapim wanpela strongpela pilai.

Ol sumatin i bin laki long las wiken ol i autim Telikom 1-0 long stap insait long fainels. Wankain tu long Difens bihain long autim Rapatona. Tupela bai putim ol strong na stail long winim dispela gem.



• Presiden bilong Seigu Brothers Iggy Upure (raithan) wantaim kepten Gibson Ura i soim sil. Brothers fotitum Harlequins long winim kap. Foto: Sape Metta.

Kalibobo Blues i sensim pasin

KIWURAM KANAKO i raitim

BIKNEM Kalibobo Blues, wanpela soka klab i pilai soka insait long soka resis bilong Madang Soka Asosiesen (MSA) i senisim planti olpela pasin bilong en taim ol i stat long kik bal long kirap bilong dispela yia.

Wanpela pasin em ol pilaia bilong Kalibobo Blues i save mekim bipo em long sigirapim bel na statim pait taim ol arapela lain.

"Kalibobo Blues i senisim pasin bilong bekim pait taim ol nupela man i kamap na askim olgeta pilai manmeri long traum long daunim dispela kain pasin nogut. Na dispela pasin blong daunim belhat na soim amamas wantaim arapela klab em i kamap olsem hanmak bilong Kalibobo. Mipela i amamas long dispela gutpela senis," Selan Kaluwain i tok.

Kaluwin husat i stap paslain long skulim ol pilaia bilong Kalibobo Blues i tok olsem pilai soka i makim bris, rot, o kanu we ol arapela i ken traum long painim na bungim narapela poro.

"Ol kik manmeri bilong KBB Blues i mas stat long painim narapela pilai manmeri bilong narapela klab olsem Mimlon, Nabassa, Newtown, Momase, Dofuns na ol arapela klab. Pilai soka em bilong kamapim gutpela pren apsin namei long komyuniti.

Dispela tu i wankain olel ol arapea pilai," Mista Kaluwain i tokim Wantok.

Olsem long tok Inglis, ol i tok olsem yu mas soim 'discipline', olgeta manmeri na pikinini i mas soim dispela kain gutpela na strongpela pasin long taim ol i stap long haus, ples bilong wok na tu long taim bilong pilai.

Kaluwin i tok olsem ol manmeri husat i go paslain long ol klab i mas toksave olsem ol pilaia i mas amamas taim ol i lus na i no bilong soim belhat na kirapim pilai nogut o paitim referi na pretim ol pilaia bilong arapela klab.

"Ating ol boslain bilong ol arapela klab i mas tokaut strong olsem sapos ol arapela klab i win, em orait i gat taim i stap we tim i lus tete bai pilai gut na win. Olgeta pilai i gat tam bilong win na taim bilong lus. Mipela i mas save olsem olgeta klab bai no inap stap nambawan tasol," Mista Kaluwain i tok.

Kaluwin i strongim tok olsem Kalibobo Blues klab i soim bikpela sensi long taim ol i bin stat long kik na olgeta taim ol i go pilai soka, ol i wok long kamap moa gutpela.

"Taim yo soim olsem yu pilai bilong holimpasim gutpela nem bilong yu, yu soim tu olsem yu wanpela gutpela pilai bilong klab bilong yu. Strongpela na klinpela pasin em i soim olsem i gat gutpela sensi na tingting i stap long komyuniti bilong yu," Kaluwain i tok.

Spots Opis i givim sapot long rurel spot

MADANG SPOTS NIUS

PAULUS TALI i raitim

MADANG Distrik spots opis bai givim moa sapot long ol spots long Provins long dispela yia. Ol spot we bai ol i lukluk long givim sapot em soka, volibal nabasketbal ananit long spot rifom program bilong en.

Kodinita Lesley Nayon i tok olsem Opis bai lukuk moa long ol spots mekim kamap strong insait long Provins.

Planti spot i pundaun long long wanem i no gat gutpela spot i save kam long gavman na tu ol business insait long provins.

Long statim dispela Spots Opis bai go pas long baim tropi long Indipendens wiken na tu lukautim Madang skwat i go long Momase tonamen long dispela wiken.


Dispela tonamen bai lukim ol i makim Madang skwat long pilai insait long Maborasa tonamen.

Dispela tonamen ya i pulim 6 pela distrik olsem Bogia, Karkar, Apa Ramu, Middle Ramu, Usino-Bundi na Madang.

Long dispela taim yet tu bai i gat volibal tonamen we bai ol i makim skwat long kisim nem bilong Madang i go pilai insait long Nesenel Volibal semionpis long Goroka.

Nayon tu salim tok strong i go long olgeta liklik asosiesen long distrik long rejista go ananit long Madang Distrik Spots Opis we bai ol i ken kisim halivim long dispela spots rifom.

Ol las wiken eksen poto





Wiken Spots Dro

PEPSI LAHI SOCCER ASSOCIATION ELIMINATION FINALS

Siks

Sat, 19/09
0800 U19 Elcom vs Lae Biscuit
0930 W2 Lae Biscuit vs Poasum
1100 W1 Guria vs Rapatona
1230 D1 Elcom vs Northwest
1400 P1 Defence vs Unitech
1600 P1 Guria vs Telikom
Unitech Ground 1

Sun, 20/09

1200 W2 Malabu vs K.A. Midnorth
1330 U19-2 Defence vs Eastern Star
1500 D2 Mungkas vs Maienduo
1630 P2 Unitech vs Telikom
Unitech Ground 2

Sat, 19/09

1200 U19-2 Wullet vs Tisol
1330 U19-1 Bugandi vs DM United
1500 D2 Poasum vs Malabu

Sun, 20/09

1200 W1 D.M. United vs Waliya
1330 D1 Geeotton vs Bugandi
1500 P2 Defence vs Rapatona

P1 - Sobou
P2 - Sobou
D1 - DAL Labu
D2 - K.A. Midnorth
W1 - Elcom
W2 - Defence
U19-1 - Sobou
U19-2 - DAL Labu

HIGHLANDS REGIONAL CHAMPIONSHIP - FIXTURES

18TH-30TH SEPTEMBER, 1998.

Friday, September 18, 1998.

G20 8.00am Goroka vs Mendi 1 (W) F3
G21 9.30am Chimbu vs Wabag (W) F3
G22 11.00am Kutubu vs Goroaka (M) F3
G23 12.30pm Mt Hagen vs Mendi 2 (W) F3
G24 2.00pm Wabag vs Chimbu (W) F3

Saturday, September 29, 1998.

G27 8.00am Goroka vs Mendi 2 (W) F3

Semi Final

G28 9.30am W1st vs W 3rd (W) F3
G29 11.00am W2nd vs W 4th (W) F3
G30 1.00pm WPA vs RPD (M) F3
G31 2.00pm WPB vs RPA (M) F3

Sunday, September 30, 1998.

Grand Final

8.00am Looser G28 vs Looser G29 (W) F3
10.00am Looser G30 vs Looser G31 (M) F3
1.00pm Winner G28 vs Winner G29 (W) F3
3.00pm Winner G30 vs Winner G31 (M) F3

Saturday September 5, 1998
Solomon Island 3 bt PNG 1
Fiji 3 bt New Caledonia 1
Vanuatu bye

Monday September 7, 1998
PNG 1 bt New Caledonia 0
Fiji 2 bt Vanuatu 1
Solomon Island bye

Tuesday September 8, 1998
PNG 1 v Vanuatu 1
Solomon Islands 3 bt New
Caledonia 2
Fiji bye

Risalt bilong Melanesian Kap
Luganvil, Santo Ailan - Vanuatu

Thursday September 10, 1998
Vanuatu 3 vs Solomon Island 1
Fiji 2 vs PNG 0
New Caledonia bye

Friday September 11, 1998
Fiji 1 v Solomon Island 1
Vanuatu 3 bt New Caledonia 2
PNG bye

	Poin lata						
Kantri	P	W	L	D	F	A	PT
Fiji	4	3	0	1	8	2	10
Vanuatu	4	2	1	1	8	3	7
Solomon Is	4	2	0	1	8	4	7
PNG	4	1	2	1	3	6	4
New Caledonia	4	0	4	0	2	10	0





• Billy Rapila i kisim bal na traim long brukim difens bilong Tarangau insait long Joki nains resis long Mosbi.



ZENAG - Gutpela kiau

WANTOK SPOT



Fiji i winim Melanesian Kap

MELANESIAN KAP RIPOT

HENRY MORABANG i raitim

FIJI winim Melanesian Kap biahin long olgeta gem i pinis long las wik Fraide long Champai stadium long bikttaun bilong Santo Ailan, Luganvil insait long kantri Vanuatu.

Fiji i pinis namba wan na karim Kap i go bek long Suva. Vanuatu i kamap namba tu na Solomon Island husat em planti man i ting bai winim kap i sindau long namba tri ples.

PNG yet i kamap namba foa na Nu Kaledonia i las tru long dispela kik resis i stap namel long 5-pela Melanesian kantri.

Fiji i winim olgeta gem bilong ol na dro egens long Solomon Ailan 1-1. Fiji i nekim Nu Kaledonia 3-1, Vanuatu 2-1 na PNG 2-0, na dispela i givim olgeta sans tru long winim Kap.

Vanuatu i gat sans tasol dro bilong ol egens long PNG i bagarapim sans. Sapos ol i winim ol boi bilong John Davani long Tunde, ating ol bai gat sans ya.

Dispela gem i pinis nau na ol boi bai wet inap arapela tupela yia gen long brukim bun long Nu Kaledonia.

Wanpela ripota bilong Redio Vanuatu Johnney Eddie Gerepy i tokim Wantok Nius olsem PNG i no strongpela tim tumas olsem ol arapela tim long bipo.

"Tim bilong ol wantok ya (PNG) i no strongpela tumas. Planti ol arapela gutpela pilai i no stap na dispela tim long Melanesian Kap i nogat eksperiens long presa futbal," Johnney i tok.

Em i sapotim tu toktok bilong kosa John Davani olsem tim bilong em i nogat eksperiens. Insait long tim yet i gat 12-pela nupela pilaia na 8-pela tasol i gat eksperiens na tu i stap long tupela arapela Melanesian Kap long Solomon Ailan (1994) na Lae (1996).

Insait long dispela tonamen tu ol i makim All Melanesian skwat long salensim ol tim bilong arapela rjen.

Nem bilong 4-pela Papua Niugini i stap long dispela tim. Ol arapela kantri olsem Fiji i gat 6-pela pilaia, Nu Kaledonia i gat 4-pela pilaia, Solomon Ailan i gat 5-pela pilaia, na Vanuatu i gat 4-pela pilaia.

Insait long wanpela miting long Luganvil long Santo Ailan, ol opisel i pasim tok olsem Osenia Futbal Konfederersen bai lukautim dispela skwat.

Wantok i no inap kisim tokto kbilong Josephine King, sekretari bilong Osenia Futbal Konfederesen long dispela toktok.

Dispela tim ol opisel bilong Melanesia i laik i mas raun na pilai na salens wantaim ol arapela biknem soka kantri long wol. Dispela bai helpim tru wok bilong soka long kantri na tu ol arapela kantri long Pasifik.



Cowboys winim Hiri Chief...

• Francis Pegu bilong Hiri Chief i brukim banis

bilong North Queensland Cowboys. Cowboys win 28-22. Lukim stori long pes 1 bilong Ragbi Lig nius. Poto: IVAN BAYAGAU.

PNGFA i kisim moa pilaia long wimens skwat

PNGFA WIMEN SOKA RIPOT

PAPUA Niugini Futbal Asosiesen i makim pinis 9-pela pilaia moa long go insait long trening skwat bilong wimen long stap insait long Osenia Wol Kap kwalifaia long Nu Silan.

Vais presiden Cathy Davani i tokim Wantok long aste nait olsem ol selekta i makim sampele moa pilaia long stap insait long skwat. Ol pilaia em Frederica Siwin, Zinx Wambot, Geraldine Eka, Lorna Mave, Christine Petrus, Annette Kora (Pot Mosbi), Louise Nembo (Mendi) na Sandra Pascoe.

Davani husat tu em bai pilai long skwat i tok kosa Peter Bangin i no kisim gutpela tok-save pastaim bipo em i tokaut long skwat las wlk.

Na ful skwat em Madeline Ume, Watkins Yagum, Betty

MELANESIAN KAP SOKA TONAMEN

	Poin lata						
Kantri	P	W	L	D	F	A	PTS
Fiji	4	3	0	1	8	2	10
Vanuatu	4	2	1	1	8	3	7
Solomon Is	4	2	0	1	8	4	7
PNG	4	1	2	1	3	6	4
New Caledonia	4	0	4	0	2	10	0

Ronuc, Freda Niangi, Vivian Zemo, Kay Ella, Wips Nugur (Lae) Ricky Jonathan, Miriam Lanta, Cathy Salaiau, Pheobe Rarabun, Ikanau Matangiau, Nelly Taman, Tabitha Suwae, Fiona Wekas, Margaret Aka, Julie Alau, Margaret Taligatus, Rose Sevese, Rita James, Cathy Davani

tripela pilaia i mas stap yet long skwat.

Sandra Pascoe em wanpela gutpela pilaia bilong Guria soka klap tasol nau em i stap long Melbourne na i save wokim nem long soka long Australia. Ol selekta bilong Australia i laik makim em long makim Australia, tasol ripot i kamap pinis olsem em i bin makim PNG long 1995 Osenia Wol kap kwalifaia long Pot Mosbi.

I gat ripot olsem Matangiau, Taligatus na Rita James i no fit tasol ol selekta i strong yet olsem dispela ol

Namba wan kem bilong PNG tim em long Septembra 27 i go inap long 11 Oktoba bipo long PNG tim i go ovasis.

Insait long arapela soka nius, Papua Niugini i memeim stret Vanuatu 4-0 long gem i kamap long Port Vila aste.

Ripot i tok olsem PNG i gat moa sans tasol Vanuatu i wok long bagarapim stret ol sans long sutim gol.

Noel Vari, wanpela olpela pilaia bilong Pot Mosbi Yunivesiti i go pas long dispela tim. Long Melanesian Kap kik resis, tupela tim i dro 1-1 na i kamapim bikpela belpen namel long ol sapota bilong soka long PNG.


Tude ol PNG tim bai salensim Solomon Ailan tim husat i winim ol 3-0 long namba wan gem bilong Melanesian Kap.

Cathy Davani i guria stret olsem PNG i win na sutim tok i go olsem PNG i no redi bipo long em i go long Vanuatu long stap insait long Melanesian Kap soka tonamen.

INSAIT LONG SPOT

■ Lukim ol soka na volibal piksa long pes 27

■ Taim long fainets nau long Lahi soka pes 25



CAMBRIDGE CUP NAMBAWAN LIG

GOVERNMENT WARNING
SMOKING IS DANGEROUS TO HEALTH



• Raphael Mua bilong Hiri Chief i redi long takolim pilaia bilong Not Kwinslan Kaubois. Poto: Joe Ivharia

FRANCO NEBAS i raitim

NOT Kwinslan Cowboys (Australia) long aste i autim PNG Hiri Chief 28-22 long difendim Hiri Chief kap ol i winim las yia long Sir Hubert Murry Stadium. Dispela gem i bin strongpela stret wantaim planti pilaia's long tupela sait wantaim i kisim bagarap.

Ol visita i skoarim 6pela trai na ol mangi long asples tupela tasol. Ol asples mangi i bin gat planti gutpela sans long skoa tasol long ol asua ol wokim long no holim bal gut, taim ol i kam klostu long trai lain.

Cowboys ino westim taim long fes hap bilong pilai taim fowet Bert Tabua i pundaun pas long trai lain long brukim kiau. Dispela trai i bin kamap long gutpela bal wok bilong ol visita. Senta Grege Bouke i

Not Kwinslan Kaubois autim Hiri Chief

popaia long kik na skoa i sanap 4-0 long ol visitas. Hiri ino wari long dispela trai na wok long pilai strong go insait long eria bilong Cowboys we referi Nick Kuman i givim wanpela penalti long ol bihain long painim ol cowboys i ov sait. Dispela lukim Noel John kikim bal iu insait long kisim tu poins.

Tasol ol papa graun ino strong tumas long difens bilong ol na ol Cowboys kamap wantaim tupela trai gen. Dispela tupela trai i bin

kamap long ol gutpela bal wok kamap long Denny Lambert, Scott Prince na keptan John Doyle. Dispela kain stail long hariap long rausim bal painim ol man i ron.

Tupela trai ya i bin kamap long fowet Paul Pensini na winga John Malu. Senta Josh Hannay kisim tupela kik we wanpela igo insait na narapela nogat long lukim skoa sanap 14-2. Tasol ol PNG chief i strong na puytim wanpela trai long daunim skoakam daun 8-14 go

long hap taim. Dispela trai i bin kamap long stail mangi ya Noel John we em yet kisim kik go insait.

Hiri Chief kam strong long seken hap wantaim sampela gutpela pilai kamap long Noel John setim Philip Waliya long skoa 5 minit igo insait long seken hap. Tasol Pensini i bekim bek wantaim wanpela trai long apim skoa go antap 20-12. Gem i wok long go strong taim dispela tupela trai i kamap. Tasol ol mangi asples ino holim bal gut na

wokim planti asua we ol visita kisim sans long em.

Taim dispela kamap em Cowboys putim tupela trai. Tupela trai ya i kamap long Josh Hannay na Scott Donald. Hiri i strong na putim las tupela trai kamap long Collin Geno na Nick Andy long lukim ful taim skoa sanap 28-22. Pilaia bilong dispela gem em senta Greg Bourke bilong Kwinslan Cowboys i kisim.

Keptan bilong Cowboys John Doyle bihain long kisim tropi i tok amamas long olgeta sapotas long sapotim tupela sait wantaim na tok tu olsem Hiri Chief i givim ol strongpela pilai stret.

Ol pilaia's bilong Hiri husat train bes bilong ol em, Chris Lome, Noel John, Nick Andy, James Naipao, Lohia Ben Moide na Francis Pegu. Long ol visita em olgeta yet.



RAGBI LIG NIUS

GOVERNMENT WARNING SMOKING IS DANGEROUS TO HEALTH



CAMBRIDGE KAP RIPOT wantaim HENRY MORABANG

Hawks bai strong tumas egens Minj West

KOSA bilong Sara Hawks long Mendi Vincent Sonk bai yusim ol eksperiens pilaia em long stapim Wests long go insait long fainel bilong Cambridge Kap.

Sonk i gat ol pilaia olsem Ruben Ruing, Johnson Essau, Raymond Karl, Willie Gabriel na Issac Seeto long winim dispela gem. Ol dispela pilaia i save strongim stret inta siti tim bilong Sauten Hailens, Mendi Muruks.

Ol Minj i mas was gut tru long Essau na tupela biknem pilaia Ruing na Karl. Ol dispela pilaia bai brukim difens

na setim ol pilaia bilong ol long putim trai.

Hawks i gat ol arapela yangpela pilaia olsem Wepi Morris, Samuel Buka, Westen Kuling, Domonic Andrew, Lucas Bolia, Markee Saranduo, Jack Kereme na Alex Mogomne husat bai givim gutpela sapot pilia.

Las wik Hawks i laki long winim birua bilong ol Koroba Brothers long 4 poin tasol. Sapos nogat, Koroba bai stap nau long kwata fainel. Tasol Hawks i yusim gut eksperiens bilong em long winim dispela gem. Hawks i win 18-12.

Tasol ol boi Minj Wests i no wari long biknem. Ol bai givim hat taim stret long Sara Hawks ya.

Jackson Mond na James Karonam husat i save pilai long Waghi Tumbe tim bai go pas long Wests. Mond na Karonam bai yusim eksperiens bilong ol long inta siti long toktok na sapotim ol pilaia bilong em egens long Hawks.

Jackson bai kisim sapot i kam long ol fowat olsem Dupre Moruk, Nime Kaime, Alex Kuno, Kupil Kuk na

James Karonam

Na long beklain em Alois Kupul na Andrew Nakpi bai bosim wing. Ol senta bilong Wests em Mond yet na Poin Opo.

Wests i bin autim tiket bilong Nondugl United 18-12 long winim spes long stap insait nau long kwata fainel. Dispela em i namba wan taim wanpela tim bilong Minj i go insait long kwata fainel, na gem namel long em na Hawks bai pulim moa sapota i go long Mendi long lukim dispela pilai.



• Wanpela tim husat i bin pilai long Cambridge Kap.

Royals bilong Pot Mosbi i no laik kisim sem. Kosa Ipa Maniha i tok olsem ol bai winim husat birua long pilai insait long gren fainels ya.

Norths i gat ol gutpela fowat olsem Larson Mercy, Lawrence Goive, Suvo Amos, Siro Siune, Murphy Afox na Jeffrey Aize long go pas long fowat. Ol bai brukim difens long train stret rot bilong ol beklain long skoa.

Long beklain tupela pilaia husat i holim stia em hapbek Russel Komi na Philip Bob. Ol bai setim tupela senta George Abba na Steve Sike na tu Olie Bebe na Paul Panix long putim trai.

Tim bilong Suga taun i gat ol gutpela pilaia olsem David Johnson, Solomon Bagoi, Steven Kavanamur, Kepu Papaso, Vera Lopena Rangrang Doan na Thomson Arokave long salensim ol pilaia bilong Norths. Brothers i mas yusim gut gem plen long stapim Norths bikos ol boi Goroka i gat ol bikpela fowat i winim gem is.

Kosa Willie Boski i mas tingting gut long we em i ken daunim dispela ol hevi fowat. Na sapos em i gat gutpela plen long stapim ol pilaia, ating Ramu Brothers bai sel i go insait long semi fainels. Tasol Norths baihain long gutpela win egens long biknem

Kosa i laik moa resis i mas kamap long helpim ol rurel pilaia

KOSA bilong Goroka Norths tim husat i stap insait long Cambridge Kap ragbi lig resis i bilip olsem dispela tonamen em i gutpela long ol pilaia i soim ol yet.

Maniha em i amamas tru long lukim ol boi bilong em i daunim pawa bilong Pot Mosbi Royals long namba tu raun bilong gem long Lloyd Robson oval. Norths i win 28-18 na nau bai redi long bungim Ramu Brothers.

Em i tok planti pilaia i yusim dispela sans long lukim ol arapela ples. Na dispela tasol i kirapim stret bel bilong ol long win. Na sapos ol i lus, ating em bai i no gutpela turmas bikos planti pilaia em i namba wan taim bilong ol long raun long Pot Mosbi ya.


Maniha i tok ol liklik senta olsem Daru na Kerema tu bai kisim gutpela

helpim tru long dispela kain ol tonamen olsem Cambridge Kap sires

Ol senta long hailens, Lae na Pot Mosbi em strong tru long ragbi lig. Na ol sampela senta tu i ken strong sapos i gat ol dispela kain sapot we ol pilaia i ken givim moa taim bilong ol long pilai.

Kosa bilong Norths i bilip olsem sapos dispela kain ol tonamen i mas givim moa sans long ol liklik senta. Sapos ol selekta i ken raun na painim wanwan pilaia long ol liklik senta na bungim wanpela skwat, em i ken givim gutpela gem long ol biknem Kumul pilaia ya.

Maniha yet em wanpela opisel bilong Goroka Lahanis long taim Lahanis i raun na pilai long inta siti ya.



• Bikpela fowat bilong Warumana Billy Rapilla i ron na kisim win ya. Em i gat nem long ragbi yunion.

NGIP Muruks redi long salensim Lae Brothers

NGIP Muruks nau i gat gutpela sans tru long winim Cambridge Kap taim ol i bungim Lae Brothers long Kokopo So graun long dispela ol Sande.

Bikpela birua bilong Muruks em Brothers. Sapos ol i win, ating bai nogat wanpela tim i ken stapim ol boi long Kokopo long kisim dispela taitel. Las taim NGIP Muruks i pilai long gren fainel em long 1989. Ol i train long 1990, tasol nogat Pot Mosbi Difens i nekim ol.

Ol pilaia olsem Normyle Eremas, Apelis Walia na Steven Toligur em ol tripela pilaia husat i bin stap taim Muruks i winim Cambridge Kap. Dispela tripela pilaia bai go pas long ol yangpela olsem Akula Channel, William Tale, Saramasi David, Ruben Joel, Mark Tilin, Moab Kivung na Walter Wagaia long stapim kempen bilong Brothers.

Sapos ol i pilai long asples, Muruks i gat gutpela sans tru ya.

Lae Brothers tu i gat nem. Bipo long olpela sistem, Lae Brothers i save bosim Cambridge Kap long Lae ya. Olsem na baihain long 15 yia nau, ol boi bilong Chris Yake i gat tingting long winim dispela kap.

Brothers i gat ol gutpela pilaia olsem Iron Ate, Robert Tukundo, Brown Wilby, Mesa Kewa husat bai brukim difens bilong Muruks. Wibly, em tolai bilong Lae na bai kamapim liklik paia long fil taim em i bungim ol wantok bilong em.

Long beklain, John Mayang na Peter Wagu bai go pas long setim ol beklain pilaia olsem Francis Gela, Keven Yak, James Solomale na Lawrence John.

Fulbek Enos Mission em bai redi tasol long daunim ol bikpela born bilong NGIP Muruks.

Las wik Lae Brothers i autim tiket bilong Kimbe United 18-8. Na dispela skoa i no gutpela turmas na sapos ol Brothers i no was gut, Muruks bai winim ol ya.

Muruks i nekim ol Bialla Brothers long winim spes long salensim Lae Brothers long kwata fainel.

Sapos Brothers i laik win, ol i mas was gut long kain trik pilai bilong Muruks. Ol i gutpela tru long wokim ol kain stail long asples yet, olsem na mas tingting gut long dispela olk Sande.

Wanem tim i win bai salensim wina bilong Mendi Hawks na Minj Brothers long win antap.

Cairns Tropical Trophies

- TAX EXEMPT PRICES
- FREE ENGRAVING
- FREIGHT CONCESSIONS

(Large Orders)

...on all Trophies & Awards.
Catalogues available.

FAX: (05-61-7) 4033 5411

Shop 6/175 Newell Street,
Westcourt, Cairns, Qld. 4870, Australia.

PHONE: (05-61-7) 4033 5211

EXPORT SPECIALISTS



Hancock i tok
was aut long Bai

MICHAEL Hancock, winga bilong
Brisbane Broncos i tok em i ting em
i bungim tru wanpela pilai husat i
gat wankain strong olsem em
Marcus Bai.

Bai husat i save pilai wing bilong
Melbourne Storms i wok long
wokim nem stret long gutpela gem
bilong em. Hancock i tok Bai em i
strongpela pilaia stret. Na las
Sande em i tingting planti long Bai
tasol em i laki bikos em i senisim
spes na salensim Wendell Sailor.

Bipo long gem las wik, Hancock i
bin mekim sampela strongpela tok-
tok long banisim gut Bai bikos em i
no save stap long wing tasol, em i
save go painim wok long namel
long fil ya. Hancock i bin salensim
em long Julai taim Broncos i
bungim Storms.

Bai, husat i winim Dally M winga
bilong yia i no save westim taim na
save painim wok stret long sapotim
ol pilaia bilong em. Bai i no laki
tumas las wik na lus 30-6 long
Brisbane Broncos.

Chief traim strong bilong Cowboys


NUPELA tim menesa bilong Hiri
Chief Veleke Baro i gat bilip olsem
tim bilong em bai givim gutpela
salens tru long North Queensland
Cowboys.

Baro i kisim ples bilong presiden
na olpela menesa Jeff Maleva husat
i no amamas long tim na les long
kisim wok menesa. Gem namel long
Chief and Cowboys bai wanpela gut-
pela gem. Maleva i lusim wok mene-
sa bikos em i no amamas long
namba bilong ol boi Sentral insait
long Hiri Chief.

Em i tok Hiri Chief i gat tupela pila-
ia tasol na dispela i no gutpela
tumas. Em i laikim olsem tim i mas
gat 4-pela o 5-pela pilaia.

Em i tok olsem ol i no kisim tok
orait bilong em long makim tim. Na
em i askim Peter Bebi husat i siaman
bilong PRL seleksen komiti olsem,
husat tru i givim em pawa long
makim tim.

David Buko joinim Western Suburb klap long Australia



• David Buko.

HENRY MORABANG i raitim

OLPELA fulbek bilong Kumul
David Buko i sainim pinis wan yia
kontrak long pilai wantaim Western
Suburb ragbi lig klap long Sydney,
Australia neks yia.

Kosa bilong Western Suburb
Tom Taudonikis i bin go pas long
sainim boi Goroka biahin long em i
lukim em i pilai long Woodbridge
Cup kompetisen long Nu Saut
Wels kantri long dispela sisen.

Buko i tokim Wantok olsem kon-
trak bilong em inap long
Aus\$20,000 long wanpela yia na tu
bai i gat sampela sait mani (bonus)
em bai kisim. Buko bai trening ful-
taim olsem profesenel futbal pilaia.

Em i tok em i amamas tru long
winim dispela kontrak. Em i bin trai
hat tru i go inap Adrian Lam husat
i go pas long stretim toktok wan-
taiim menesa bilong Sam Ayoub
long painim klap bilong Buko.

Buko i tok amamas tru long
olpela kepten bilong em Lam na tu
menesa Ayoub long painim klap na
em i sainim kontrak.

Menesa Ayoub i lukautim olgeta
pilaia bilong Papua Niugini i pilai
long Australia olsem Lam yet,
Marcus Bai, David Westley, Bruce
Mamando na nau Buko.

Arapela pilai husat i sainim kon-
trak wantaim klap long Australia,
Melbourne Storms em Julius
Krewanty. Em tu bai go bek long
Novemba na stat long trening nau.

"Mi bin trai hat tru i go na nau mi
gat sans. Mi bai yusim dispela
sans gut long traim pilai longpela
taim liklik long Australia.

Buko i tok em i sainim dispela
kontrak tupela wik i go pinis, na
bihain em i kam long ples long
kisim malolo. Em bai go bek long
Novemba 1 long statim pri-sisen
trening wantaim klap ya.

Ol arapela Australia klap i soim
laik long Buko em South Sydney,

Melbourne Storms na Newcastle
tasol Western Suburb i win na
kisim em.

Buko i bin go pas long klap
bilong em Greenfell long winim
Boorowa long gren fainel 32-22.

Menesa bilong Buko long
Goroka, Ipisa Wanega tu i tok em i
amamas tru long Buko i sainim
kontrak. Em i amamas tru long
Western Suburb klap long givim
sans long Buko pilai wantaim ol.

Buko em bai namba tri pilaia
bilong PNG stret i pilai sainim kon-
trak. Ol arapela pilaia em Dickson
Koi jnr (Cowboys), Marcus Bai
(Melbourne Storms), Julius
Krewanty (Melbourne Storms), na
David Buko (Western Suburb).

Insait long arapela nius, David
Gomia bai go trening wantaim
Brisbane Broncos na ol arapela
pilaia olsem Chris Lome, Peter
Noki na Raymond Karl bai joinim
Melbourne taim ol i statim pri-
sisen trening.

Hooks Tigers winim namba wan spes long gren fainel

KOIARI LIG RIPOT

Hooks Tigers i bukim pinis namba wan spes
long gren fainel biahin long em i autim Eda
Ranu Crystal Lakers las wiken.

Dispela win nau i givim sans ken long
difendim taitel em i winim las yia. Tigers i no
win isi bikos bikpela ren i wok long bagarapim
ples pilai, na ol Tigers i wok hat stret long
winim dispela gem.

Gutpela tingting bilong fulbek Kelly Womara
bilong Tigers insait long las 7 minit long putim
trai na win. Skoa long fultaim em 8-4.

Skoa i bin sanap 4-4 na samting olsem 8
minit i stap yet. Olsem na Womara i bin
kamapim gutpela kain stail na putim trai na
win.

I tru Lakers i lus, tasol ol i kamapim strong-
pela gem tru egens long Tigers.

Insait long 22 minit, Degini Dick i putim wan-
pela trai tasol referi i tok nogat.

Na long B gret, Lakers i nekim Owls 8-0
tasol Owls i salim wanpela protes leta bikos
Lakers i larim wanpela pilaia i no rejista i pilai.

Sirinumu Pukpuks na Ice Panthers i no
pilai bikos ol i wetim yet wanpela ripot i kam

long referi Andrew Soikava na ol lainsmen
bilong em.

Insait long arapela stori, sekretari bilong
Koiari Ragbi Lig Kennedy Edene i lusim sia
bilong em long lukautim nupela ragbi lig bodi,
Koiari Ragbi Lig Kaunsil.

Nau Edene i lusim wok sekretari, ol klap
opisel i stap yet em Dick Warina, Tresera
Yamove Geary na rejistresen opisa Peter
Teine.

Edene i askim olgeta klap sapos ol i gat
hevi, noken painim em. Ol i mas go lukim
tripela arapela ekseyutiv.

Jollibee®

In celebration of the **HIRI MOALE Festival**
and Papua New Guinea's **INDEPENDENCE DAY**

Jollibee offers the following promo


FREE!!!! Jollibee T-Shirt for every purchase of

CURRY MEAL	K8.50
CHAMP MEAL	K8.50
CHICKEN JOY MEAL	K8.50

Breakfast meals offered on September 16-20 from 8:30- 11:00am

FREE!!!

**Jollibee Mask and Balloons
for all kids aged 10 and
below**





• Tupela pilaia bilong Tarangau i dabolim pilaia bilong Warumana. Warumana win 10-4.

Resis bilong Joki Bistro Nains i strong nau

JOKI BISTRO NAINS RIPOT

HENRY MORABANG i raitim

Fainel bilong Pot Mosbi Ragbi Lig Nains i kamp klostu nau na resis i wok long strong tru long husat bai win.

Long ol gem i kamp las wik, Royals, Magani, Defence, Brothers, Paga Panthers, Waliya na Tarangau i wok long holim posisen bilong ol yet long poin lata ya. Tasol poin bilong ol tim i stap klostu klostu, na sapos wanem tim i lus, em i aut tasol.

Gem bilong pul A, Magani i autim Dobo Warriors 2 12-6, Royals i winim Aroma Coast 20-18.

Poin lata i sanap bihain long dispela gem olsem Royals na Magani i sindaun antap long lata wantaim 6 poin, Dobo Warriors 2, Aroma Coast 1 na Souths 1.

Long pul B, Brothers i dro wantaim Warumana 18-18, Defence wilwilim Gerehu United 18-8 na Warumana i nekim Tarangau 2 10-4. Defence i go pas wantaim 6 poin, Brothers 5, Warumana 3, Gerehu United 2 na Tarangau 2 i no gat poin yet.

Paga Panthers i go pas long poin lata wantaim 6 poin, Hawks na Dobo Warriors i gat 4 poin, Central 2 na Kone Tigers i nogat wanpela poin.

Long ol gem long pul C, Central i fofitim Kone Tigers, Dobo Warriors One i autim Hawks 18-16.

Loung pul D, Manus i fofitim Post Puma, Tarangau i autim Country Warrior 14-4, na Waliya

em bai.

Tarangau i go pas long lata wantaim 6 poin, Waliya 5, Country Warriors 4, Manus 2 na Post Puma i no putim wanpela poin yet.

Tripela ol top tim bai go insait long fainels. Orait bihain long dispela ol wina bai go salens long Kap, na ol tim i sindaun seken bai salens long tropi na las tim bai salens long Plet.




• Billy Rapilla i laik takolim winga bilong Tarangau 2.

Quarter Final - 20th September, 1998

1. Kerema United vs
2. Goroka Norths vs
3. Mendi Hawks vs
4. Lae Brothers vs

Kiunga Waliya
Ramu Brothers
Minj West
Winner (ENB Muruks/
Bialla Brothers)

Kiunga
Goroka
Mendi
Bialla/
Kokopo



GOVERNMENT WARNING SMOKING IS DANGEROUS TO HEALTH

Septemba 17, 1998

WANTOK

LEAGUE NEWS
CHAMPIONS
OF
CHAMPIONS


LEAGUE NEWS
LEAGUE
AT ITS
BEST!

LEAGUE NEW
NO. 1
COMPETITION
IS BACK!

P.N.G.R.F.L.



CAMBRIDGE CUP



CAMBRIDGE CUP

THE 1998 CAMBRIDGE CUP

BE PART OF THE RUGBY LEAGUE ACTION!



GOVERNMENT WARNING
SMOKING IS DANGEROUS TO HEALTH

CAMBRIDGE CUP quarter finals

Sunday, September 20th, 1998

ENB Muruks vs LAE Brothers (Kokopo)
 MENDI Hawks vs MINJ Wests (Mendi)
 KIUNGA Waliya vs KEREMA United (Kiunga)
 GOROKA Norths vs RAMU Brothers (Goroka)
 • All games kick-off at 3.00pm

PORT MORESBY RUGBY LEAGUE**JOKI BISTRO NINES CHAMPIONSHIP**

Sunday, September 20, 1998.

Pool D					
G9	11.00	Open	Waliya vs	Tarangau	
Pool D					
G10	11.30	Open	Manus vs	C/Warriors	
Pool A					
G 9	12.00	Open	Souths vs Royals	Pool A	
G10	12.30	Open	Dobo 1 vs Aroma	Pool B	
Coast					
G9	1.00	Open	Defence vs	Tarangau 2	
Pool B					
G10	1.30	Open	Gerehu United vs	Warumana	
Pool C					
G9	2.00	Open	Paga Panthers vs	Hawks	
Pool C					
G10	2.30	Open	Central vs Dobo 2	N.C. Cup	3.00 Club

NATIONAL RUGBY LEAGUE


Lista bilong ol pilaia husat bai pilai long semi fainel long Sarere na Sande.

Sarere, Septemba 19, 1998

SYDNEY CITY V BRISBANE at ANZ Stadium (3pm)

ROOSTERS: Darren Junee, Jack Elsegood, Matt Sing, Ivan Cleary, Richie Barnett, Brad Fittler (c), Adrian Lam, Nigel Gaffey, Scott Gourley, Luke Ricketson, David Barnhill, Simon Bonetti, Scott Logan. res: Shane Rigan, Bryan Fletcher, Nat Wood, Julian Bailey.

BRONCOS: Darren Lockyer, Tonie Carroll,



• Bara, yu bai kisim taim ya.

Steve Renouf, Darren Smith, Wendell Sailor, Kevin Walters, Allan Langer (c), Peter Ryan, Brad Thorn, Gorden Tallis, Shane Webke, Phil Lee, Andrew Gee. res: Michael Devere, John Plath, Kevin Campion, Peter Civoniceva, Ben Walker.

Ref: Steve Clark
 (Wina bai go long gren fainel, Iusa em aut)

Sande, Septemba 20, 1998
PARRAMATTA V CANTERBURY
 at Sydney Football Stadium (3pm)

EELS: Paul Carige, Ian Herron, Karl Lovell, Stuart Kelly, Shane Wherat, Jason Bell, John Simon, Jim Dymock, Jason Smith, Jarrod McCracken (c), Mark Tookey, Aaron Raper, Dean Pay (c). res: David Penna, Nathan

Hindmarsh, Nathan Cayless, Dallas Weston, Justin

Morgan, Michael Vella, Brett Horsnell.

BULLDOGS: Rod Silva, Gavin Lester, Shane Martene, Willie Talau, Daryl Halligan, Craig Polla-Mounter, Corey Hughes, Travis Norton, Robert Relf, Tony Grimaldi, Steve Price, Jason Hetherington, Darren Britt (c). res: Glen Hughes, Matt Ryan, Troy Stone, David Thompson.

Ref: Bill Harrigan

(Wina bai go long gren fainel, Iusa bai aut)

* NOTE: Brisbane lock Peter Ryan's selection subject to judiciary appearance tonight.

BRITIAN LEAGUE SUPER LEAGUE RESULTS LEAGUE BRITAIN RES

Bradford	36	Warrington	8
Huddersfield	16	Leeds	72
Salford	2	Wigan	34
St Helens	32	Castleford	32

Standings

Pts	P	W	D	L	F	A
Wigan	21	19	0	2	694	194
38	21	18	0	3	624	309
Leeds	21	16	0	5	582	374
36	21	12	1	8	86	437
Halifax	21	11	0	10	454	394
22	21	10	0	11	375	416
London	21	8	1	12	391	484
20	21	7	2	12	460	485
Castleford	21	7	1	13	381	580
17	21	7	0	14	367	522
Sheffield	21	6	1	14	285	501
16	21	2	0	19	254	13
Warrington	21	7	1	13	15	757
Hull	21	7	0	14	367	522
14	21	6	1	14	285	501
Salford	21	6	1	14	285	501
13	21	2	0	19	254	7
Huddersfield	21	2	0	19	254	4

MUTRUS BAR**PORT MORESBY RUGBY LEAGUE CLUB!!**

- TOP SECURITY
- FIT NATING ENTERTAINMENT
- SNACKS ALL DAY
- FREE MEMBERSHIP TO MUTRUS BAR PATRONS
- GOOD SELECTION OF POKIES GAMES
- BRING YOUR FAMILY ALONE TO JOIN THE FUN

ALL WELCOME



BANDS



MUSIC



SNOOKER



FUN & ENTERTAINMENT

CALL IN TODAY AND CHECK US OUT!!

Kiunga Waliya i traim tasol

CAMBRIDGE KAP RIPOT

HENRY MORABANG i raitim

WALIYA em i gat nem long Western provins. Em i autim maina primiasip na tu primiasip taitel bilong liklik maining taun long Kiunga.

* Dispela wik Sande, Kerema United bai traim strong bilong ol boi Barramundi. Ol bai gat bun long pilai o bai ol i kisim taim.

Gut taim pilaia olsem Albert Mulake, Dick Katafa, John Teine, Somono Maitona Paul Tonga bai bo pas long Waliya. Ol dispela pilai i holim bun na strong bilong Waliya ragbi lig klap.

Long beklain Waliya i gat ol pilaia olsem Alisi Kalunga, Yeati Sikili, Sasagawa Samagele, Stanley Waisame, Loko Gena na Charlie Nago. Tupela pilaia long hapbek na faiv-et posisen olsem Gena na Nago i holim stia bilong tim.

Kosa bilong Waliya Sowati Ole em i gat nem long Kiunga. Em i save wanem hap em i ken nekim birua tim bilong em.

Waliya i mas was gut long United. Kerema i kam long las minit long winim dispela gem ya.

Ben Solomon, wapela olpela pilaia bilong Wests long Pot Mosbi na Kopsy Teni bai go pas long tim. Teni i winim pinis spes long Hiri Chief tim i salensim North Queensland Cowboys long aste. Em bai joinim tim bilong em long bungim ol Waliya long dispela wick Sande long Kiunga yet.

Kopsy em wapela pilaia we i ken semim tru ol biknem pilaia. Olsem na sapos Waliya i laik win, kosa Ole i mas putim gut was long dispela pilaia.

Ol arapela pilaia bilong Kerema husat bai kamapim pilai em Sepu Lau, Paul Popo, Hao Kaiva, Amos Nao, David Makari, Tom Kairi, Levi Muri na Sam Solomon na Ben Haro.

Kerema i autim tiket bilong Daru Easts 18-17 long winim dispela sans long pilai insait long kwata fainel. Wina bilong Waliya na United bai salensim wina bilong Ramu na Goroka.



• Steven Sike bilong Goroka Norths i takolim Kiap Rumint bilong Royals. Norths win 28-18.

PNGRFL RIPOT

PNGRFL makim kosa na skwat bilong junia Kumul

KOSA bilong Lae Victor Kauga i kisim pinis wok olsem kosa bilong junia Kumul we bai raun long Nu Silan long dispela mun.

Kauga em wapela eksperiens kosa na i bin wok wantaim Lae Junia Ragbi Lig long longpela taim nau.

Siaman bilong PNG Ragbi Futbal Lig John Numapo i bin tokaut long nem bilong Kauga las wick. Em i tok em i gat bilip olsem Kauga i ken mekim gutpela wok wantaim nesenel junia tim, Kumuls.

Numapo i tok PNGRFL bot tu i makim Hans Kaybing bilong Goroka olsem trena na Job Obei bilong Port Mosbi olsem menesa.

Fainel tim em Bernard Bal, Rodney Hancock, Chris Pukikil, Jason Desmond, Jobby Kei, Godfrey Luke, Solomon Lopena, Alphonse Nohu, Fabian Lohia, Darongke Kaupe, Jacob Ruing, Michael Kundi, Peter Tatsim, Joshua Sam, Baldwin Anis, Jeffrey Mausi, Camillus Waru, Francis Kominis na Sent Komulus.

Numapo i tok olsem em i gat bilip ol junia Kumul bai pilai gut long Pasific Anda 19 sempionsip. Em i bilip olsem ol selekta i makim gutpela skwat na ol yangpela bai bringim sampela gut nius.

mazda
BT-800
UTE

For those
not willing to
settle for less

Produced in Japan
to the world's highest
standards in quality
engineering

K19,900

plus on road costs

PNG Motors

■ Port Moresby 325 5733,
■ Lae 472 4733 ■ Goroka 732 2821
■ Mt Hagen 542 2100 ■ Kokopo 982 8514


K19,900

plus on road costs

PNG Motors

■ Port Moresby 325 5733,
■ Lae 472 4733 ■ Goroka 732 2821
■ Mt Hagen 542 2100 ■ Kokopo 982 8514





CAMBRIDGE CUP NAMBawan LIG

GOVERNMENT WARNING
SMOKING IS DANGEROUS TO HEALTH

Salari kep mas kamap gen long lukautim ol lokel pilaiia, Bennett i tok

BRISBANE Broncos bai bungim Sydney City Rooster long dispela wiken long painim aut husat bai salensim wina bilong Bulldogs na Parramatta long grenfainel long wik antap long Nesenel Ragbi Lig long Australia.

Kosa Wayne Bennett bilong Broncos i gat planti gutpela toktok we em i ting Nesenel Ragbi Lig i no mekem gut wok.

Ragbi Lig i wok long kambek gen bihain long bikpela kros pait namel long Supa Lig na Australia Ragbi Lig na tu i gat toktok long katim daun namba bilong ol tim i go long 14 neks yia.

I tru Bennett i gat bikplea bilip long NRL, tasol em i ting wok i ken kamap gut sapos nogat politiks.

"Wanpela samting i no senis insait long gem bilong ragbi lig em

politiks - dispela i wok long go bagarap tru ya."

"Sapos ol bos bilong gem i ken wokim gutpela samting, ating mipela i ken stretim mipela yet. Politiks nau i wok long kamap bikpela tru long ragbi lig ya. Dispela em toktok long wanem ol klap bai stap yet na wanem ol klap bai raus long kompetisen neks yia."

"Yu ken laikim o noken laikim, 14 klap tasol bai stap na dispela bai wok long bagarapim tru kompetisen neks yia. Planti ol klap opisel na pilaiia bai no amamas bikos sampela bilong ol bai i no gat sans long pilai moa."

"Taim tupela top tim i salens em i gutpela, na Orijin sires i moa gutpela bikos Queensland i win," em i tok.

Bennett i tok i gutpela tru na Broncos i no stap insait long dis-

pela plen bilong NRL we planti klap long Sydney bai kisim taim."Mi sori tu long ol dispela klap na pilaiia, sampela bilong ol i gat dinau long baim haus o graun samting olsem ya."

"Mi gat bilip long gem i stap aninit long lukaut bilong Neil Whittaker. Wok bilong em i hat tru na em i train long mekim gut wok, tasol sampela man i wok long train bagarapim nem bilong em

"Em i sanap namel long ol lain husat i gat tingting long apim nem bilong ol yet," kosa bilong Broncos i tok.

Kosim Australia

Bennett i mekem toktok long makim bilong em olsem kosa bilong Australia long salensim Nu Silan neks mun olsem "em i hona na nogat man i bilip em bai kisim wok kosa"

"Nogat man i tingting long Bennett bai kisim wok inap Bob Fultin i risau.

"Kosim Australia taim Supa Lig na ARL i bruk i no gutpela tumas long kosim wanpela tim nau aninit long NRL.

Mi save taim mi kosim Kwinslen las yia aninit long Supa Lig i no gutpela filing olsem kosim Stet of Orijin nau. Dispela tu bai wankain tu long olgeta pilaiia.

Tenpela yia i go pinis Bennett i kosim Kwinslen long winim Orijin sires na planti toktok i kamap olsem em bai kosim Australia, na dispela i mekem oplea siaman bilong ARL Ken Arthurson long holim wanpela miting wantaim em.

Kwinslen Stet ov Orijin win

Bennett sampela taim i save amamas na tingting bek long tripela wok kem taim em i kosim 1998 tim long winim Orijin.

"I gat bikpela toktok olsem em i laik kosim Kwinslen bikos Stet ov Orijin futbal em i bikpela gem tru long dispela yia."

"Nogat wanpela man i tingting olsem 10-pela pilaiia em bilong klap bilong mi. Mi gat we bilong mi yet



• Darren Lockyer em wanpela pilaiia i statim klap na i kamap tru long developmen program bilong Brisbane Broncos klap.

long kosim tim na em em bikpela salens tru ya.

"Frensip i kamap gutpela na insait long tripela wok, olgeta pilaiia em Kwinslen. Ol i no ting ol bilong Broncos, North Sydney o Newcastle.

Broncos: Nau na bihain taim

Taim Kevin Walters i sain wantaim Broncos long narapela tupela yia, dispela i soim tru olsem Broncos bilong neks yia i moa gutpela long tim bilong 1992 na 1993.

"Sapos yu yet i skelim, tim bilong 92 na 93 i gutpela, orait tim bilong dispela yia tu bai gutpela yet."

"Ol pilaiia i save long winim gem na tu redim ol yet long bikpela gem."

Bennett i ting olsem Broncos i redi pinis long senism Allan Langer, Walters, Michael Hancock, Andrew Gee na ol arapela biknem pilaiia sapos ol i pinis. Klap i ken tok olsem em i amamas tru bikos em i gat developmen program i stap long kamapim ol nupela pilaiia.

"Em i wanpela samting klap i lainim long Paramatta, ol i winim 4-pela primiasip insait long 5-pela yia na tu ol i save pilai long fainel ya. Dispela em wanpela gutpela skul ya."

Bennett i laik salari kep i mas kamap gen long lukautim ol lokel pilaiia. Em i no gutpela sapos klap i developmen ol pilaiia na arapela klap i kam na stilim.

Kosa i tok Darren Smith na Kevin Walters tasol em ol pilaiia i kam joinim klap. Olgeta arapela

pilaia i statim klap na i kamap tru long developmen program bilong Brisbane Broncos klap.

Ol sapota

Bennett i tok dispela woa namel long Supa Lig na ARL i brukim sapota. Na dispela bai stap longpela taim tru long pulim bek ol

"Watpo ol sapota i no save kamap long gem em i narapela samting. Televisen i gat bikpela samting tru long laip bilong ol pipel ya."

Planti pipel i laik sindaun long haus na lukim gem, na maski long go long fil long lukim pilai tru tru.

"Nau, sapos wanpela man i wokabaut 100 mita, em i hat tru ya. Olsem na planti man i save painim hat long lukim gem ya," em i tok.

Media

Bennett i bin putim bikpela tambu long toktok wantaim ol niusman long tripela wok long taim bilong Stet ov Orijin. Em i tok olsem em i laikim tru dispela pasin bikos planti toktok i wok long sut long Kwinslen tim i gat moa Broncos pilaiia.

"Mipela i laik bungim tim bihain long bikpela woa namel long Supa Lig na ARL," Bennett i tok.

Menesa bilong tim Chris Close i mekem bikpela wok.

"Mi mekem dispela disisen long stap long we long ol niusman bikos mi gat planti ol pilaiia i stap long Kwinslen tim. Na arapela samting tu em bikos ol niusman i sutim toktok tumas long Brisbane Broncos. -AAP

CATERING FOR ALL SPORTING CODE IN PNG.

- Rugby League
- Basketball
- Tennis
- Hockey
- Softball
- Darts
- Snooker

**Call in
Today!**
MORE STATIONERY
Opposite - Zenag, Spring Garden Road,
325 9978
P.O. Box 7967, Boroko
325 9952



SEE OUR
EXCLUSIVE
RANGE OF
TROPHIES
TO SUIT
YOUR
TYPE OF
SPORT.

RAGBI LIG NIUS

GOVERNMENT WARNING SMOKING IS DANGEROUS TO HEALTH



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.